

**INUIT ISSITTORMIUT SIUNNERSUIISOQATIGIIFFIAT
PERTUJAASSUSEQ EQQISSEQATIGIINNERLU
- STRENGTH AND PEACE**

Sulianik nalunaarut · July 2022 – July 2026



Ass.: Carson Tagoona





Imai

Aallarniut	5
Inuit Oqartussaannerat aammalu Nammineq aalajangiinissamut pisinnaatitaaffiat	7
Nunat tamalaat akornanni ICC-ip suliniartarnera	10
Naalagaaffiit Peqatigiit, Inuit pisinnaatitaaffii, kiisalu Annertusisamik Peqataaneq	13
Issittumi Siunnersuisoqatigiit	18
Issittumi Siunnersuisoqatigiinni Suleqatigiissitat:	21
Ajunaarnernik pinaveersaartitsineq, Upalungaarsimaneq Iliuuseqartarnerlu (EPPR)	21
Issittup Naasuinik Uumasuinillu Nungutsaaliuineq (CAFF)	21
Issittup Imartaani Avatangiisinik Illersuineq (PAME)	23
Piujuartitsinermik Tunngaveqarluni Ineriartortitsinermut Suleqatigiissitat (SDWG)	24
Issittummi Avatangiisinik Malinnaaviginninneq Naliliisarnerlu (AMAP)	25
Imartanik aqutsineq	26
Pikialasorsuaq pillugu suliniut	27
Imarsiorneq pillugu Nunarsuarmioqatigiit Suleqatigiiffiat	28
Issittup Imartaata Qiterpasissuani Aalisarneq pillugu Isumaqaqatigiissut	30
Inuit Ilisimasaat kiisalu Ilisimatusarnernik Aqutsineq	32
Silap pissusiata allanngoriartornera, Avatangiisit, Uumasut assigiinngissitaarnerat	36
Silap pissusiata allanngoriartornera kiisalu UNFCCC aamma IPCC	36
Uumasut assigiinngissitaartut ikiliartunnginnissaat aamma CBD	40
Minguit pillugit Naalagaaffiit Peqatigiit Isumaqaqatigiissutaat	41
Inuit Issittormiut Uumasut pillugit Ataatsimiititaliaat	43
Peqqissuseq atugarissaarnerlu	44
Inuit Issittormiut Peqqissuseq pillugu Aqutsisoqatigiivisa Nalunaarusiaat	44
Peqqissuseq Atugarissaarnerlu pillugit ICC-ip Attaveqaatit atorlugit Oqalugiartitsisarneri	45
Inuit Inuusuttaannik Peqataatitsinermut Suliniut 2024 – 2026	45
Aallartitat ataatsimiinnerat – Juli 2023	48
2023 Issittormiut Ataatsimeersuarnerat – Juli 2023	50
Inuit Arnartaasa Ataatsimeersuarnerat – Oktober 2025	51
Aalajangersagaq 4 pillugu Suleqatigiissitat nalunaarutaat	52
Suleqateqarnermik, Ammassusermik Akuutitsinermillu pitsanngorsaaneq	52
Attaveqarnermik pitsanngorsaaneq	53
Inerniliineq	54

ICC-ip Siulittaasuata siulequtsiussai

2022-miit 2026-mut qinigaaffik maanna naaammat ukiut sisamat kingumut qiviar-pavut. Ukiut taakku Inuit sorpassuarnik aporfeqarput ataatsimooritsinnik aam-malu Inuit Nunaanni tamarmi suleqatigiikkumanitsinnut akornutaasinnaasunik. Pissaanilissuit pissaaneqarniuteqqilernerat takuarput, taavalu ukiut 50-ingajaat matuma siorna 1977-imi Inuit Issittormiut Siunnersuisoqatigiiffiata pilersinneqar-nerata nalaanisulli killeqarfiit Inoqarfinnik avissaartitsisut pitarlugit angalasinnaati-taaneq angalarusunnerlu ilungersunartorsiorfiulersimapput. Taamaattorli ICC Inuillu nikallujaassuserminnik takutitsisimapput. Inuttut ataasiussuserput attatissallugu aalajangiusimavarput, attaveqatigiinnivut suliaavullu uummarissartuarpavut, nerior-suut ICC plersinneqarmat tunniussaasoq attattuarpavut.



Ass.: Samuel Lagacé

Inuit Issittormiut Siunnersuisoqatigiiffiat Nunat tamalaat akornanni Nunat inoqqaa-visa suleqatigiiffigaat immikkuullarissuq. ICC tamatta kattuffigaarput – ICC Inuit tamarmik pigaat, Inoqarfiillu tamarmik ICC-mut ilaapput. Ataatsimoorluta killeqarfiit pitarlugit inummiit inummut attaveqalersimavugut, imaanngitsoq killeqarfiit pitarlugit suleqatigiinnissaq politikikkut anguniagarigatsigu, kisiannili Inuit ilaqutariittut, kulturikkut, oqaatsitigut kinaas-sutsitigullu ataasiugatta. Avannaarsuarni Nunat Inoqqaaavisut, qangarsuaaniilli nunagisatsinni ingerlalluarsimavugut. Ukiuni tusindtilinni Issittup nunaa, imartai, sermeq, siku najorsimavavut mannaluk tikillugu nunamut pisuussutaanullu atavissuuvu-gut. Ilisimasat kinguaariinni ingerlaartut nassataraavut Inuiattut Issittumilu najukkatta immikkuullareqqutai.

Qinigaaffimmi matumani Inuttut ataatsimoorluta nikeriartitassaasimanatalu, taavalu Inuit pingaartitaasalu politikki-salu nunat tamalaat akornanni siuarsaneqarnissaannik 2022-mi Ataatsimeersuarnermi siunniussarput angusimavarput.

Pertujaassuseq Eqqisseqatigiinnerlu, qinigaaffimmi kusanagisumik quleqtassatut toqqarneqarsimasut, timitalersima-vavut. Tamassi aalajaassimanersi siulersuisimanersilu pillugu qutsavigiumavassi.

Nunarsuarmi politikikkut nalorninartorsiornerup nalaani ilungersunartunut nalaatatsinnut inuppalaartumik qisuariartar-nermik ICC takutitsiarpoq. Tassa ICC-itsialak taamaappoq. Tassaasimavugut inuit nipaas - inuiaas nipaas - nunagisavut nunarsuarmi politikikkut sakkussatut imaluunniit sermiinnartut soqanngitsutut isiginngilavut, imaluunniit pissanilissuit pissaaneqarniuffissaattut, kisianni nunagisatsitut – ataatsimoorluta kinaassusitsinnit atugarissaarnitsinnillu immikkoortin-eqarsinnaanngitsut, nunani inoqarfinnilu siammarsimaffitsinni, aamma killeqarfiit pitarlugit. Issittumi eqqisseqatigiinner-mi, patajaassusermi suleqatigiinnermilu kattuffitta pingaaruteqassusia suussupagissanngilarput.

Qinigaaffiup ingerlanerani, naapilluta ataatsimiittarnissarput ilungersunarsimavoq, pingaartumik qinigaaffiup naajartorner-ani. Neriuppunga ICC-mi siuttorisatta ICC-ip immikkut inissisimanera erseqqissartuassagaat – akunnitsinni ilinniarfigeqa-tigiittarnissatsinnut naapilluta ataatsimiissinnaassuserput pingaaruteqarpoq.

Nalunaarusiami matumani 2022-miit 2026-mut qinigaaffimmi suliat angusallu pingaarnerpaat ICC-ip Siulersuisuunerinit saqqummiunneqarput. Neriuppunga nalunaarusiaq manna atorlugu ukiuni sisamani kingullerni Inuit tamaasa sinnerlugit ICC-ip suliarisarsimasai naammaginartumik paasisaqarfigissagisi.

Aallarniut

Juuli 2022-mi Inuit Issittormiut Siunnersuisoqatigiiffiata Ataatsimeersuarnera assigiinngitsunik peqataaffiusumik ataatsimiinnertut ingerlanneqarpoq, tassa Inuit Nunaanni ICC-mut ilaasortat attaveqaatit atorlugit ataatsimiipput, taavalu **2022-mi ICC-ip Ilulissaniit Nalunaarutaa – Pertujaassuseq Eqqisseqatigiinnerlu** akuersissutigalugu. Avammut nalunaarummi qulequttat pingaarnerutit arfineq-marluk uku erseqqissarneqarput:

Aqutsilluarneq, Sillimaniarneq Inuillu Nunaat, Peqqissuseq Inuunerissaarnerlu, Oqaatsit Ileqqullu, Piniarneq Isumanaatsumillu inuussutissaqarneq, Issittup Imartaa Imaanilu Avatangiisit kiisalu Attaveqaasersuutitigut Amigaatit.

Nalunaarummi aalajangersakkat suliassartallit 39-iusut ilaat aqqanillit Inuit Nunaanni aqutsilluarnermut isumannaallisaa-nermullu tunngasuupput, taavalu aalajangersakkat suliassartallit 13-it imartanik aqutsinermut kiisalu piniarnermut inuussutissaqarniarnermullu tunngasuullutik. Taamaammallu qinigaaffiup ingerlanerani ICC-ip suliassa ilarpassui imartanik aqutsinermi Inuit peqataanissaannik nunat tamalaat akornanni sulissutiginninnermut tunngasimapput. Piniarneq inuussutissaqarniarnelut aamma pingartitanut ilaapput taavalu ukununga attuumassuteqaqalutik: imartanik aqutsineq, Issittup imartaani aqutaanngitsumik aalisarneq, nunat tamalaat akornanni peqataaneq atorlugu qangaaniit inuussutigisatsinnik mingutitsitsinaveersarneq, kiisalu Issittumi uumassusileqarfinnik allanngutsaaliinikkut aammalu aqutsinermi nungutsaaliuinnermilu nammineq aalajangiisinnaatitaanermik iperaanaveersaarnikkut Inuit inuussutissanut oqartussaassusiannik attassinikkut.

ICC-ip 2022-mi Ilulissanit Nalunaarutaani Issittumi allanngoriartupiloornermi Inoqarfiit salliullutik inissisimanerat paasiluarneqarpoq, aamma inuit pisinnaatitaaffiut, kulturimut, peqqissusermut inooqatigiinnermullu sunniutit assigiinngitsut eqqarsaatigalugit. Aalajangersakkat suliassartallit amerlasuut akornanni qulit avatangiisinut silallu pissusiata allanngoriartorneranut tunngasuupput taavalu nunarsuup kiatsikkartornerata 1,5 °C-mut killilerneqarnissaa anguniarlugu sutigut tamatigut nunarsuarmi politikkikkut anguniagaqartoqarnissaanik ICC ilungersuuteqaqqullugu peqquneqarluni. Taamalu silap pissusiata allanngoriartornera, allannguutit annikillisarneqarnerat, naleqqussarneq, aammalu nukissiornikkut allanngortisiartornerit qanoq iliuuseqarfigineqarnerini inuit pisinnaatitaaffiik aallaaveqarnissamik Inuit ukiorpassuarni suleriaaseqarsimanerat ICC-mit nanginneqarpoq.

Peqqissuseq atugarissaarnerlu pillugit ICC-ip sulinera eqqarsaatigalugu 2022-mi Ataatsimeersuarnermi Inuit meerartaasa inuussuttortasalu pisinnaatitaaffiisa siuarsarneqarnissaat aammalu qanoq iliuuseqarfigineqarnissaat pisussaaffiliissutigineqarpoq, soorlu ilinniagaqarnissamut pisinnaatitaaffik kiisalu timikkut tarnikkullu peqqissuseq atugarissaarnerlu aamma ilanngullugit. Ataatsimeersuarnermi erseqqissarneqarpoq kikkut tamarmik najukkaminni ilumut toqqissisimasinnaati-taammata, angerlarsimaffimmi sakkortuuliornermik nalaataqaratik, aanngajaarniutitik atornerluiffiqineqaratik, kinguaasiutitigut atornerlugaanatik kiisalu persutaasunik nalaataqaratik. Aamma, ICC-ip Siulersuisuuneri peqquneqarsimapput inoqarfitsinni katsorsaaneq, peqqissuseq atugarissaarnerlu anguniarlugit periaatsinik pitsaanerpaanik nassaarniaqqullugit, Inuit inuiaqatigiit ingerlatitaaneranni immikkoortitaanerannik ilisimasaqarfiusuni tamanna qaangerniarlugu ajornartorsiut eqqumaffiqineqalerseqqullugu suleqqullugit iliuuserineqartunullu tapersersueqqullugit. Inuit Peqqissusiat pillugu Issittormiut Aqutsisoqatigiivi sukumiisumik iliuusissatut pilersaarusiorput, Inuit Nunaanni tamarmi periaatsit ilisimasallu siammarterniarlugit sammisaqartitsinerit assigiinngitsut qinigaaffiup ingerlanerani aqqissuunneqarlutik, aamma ICC-ip oqaluttuarisaanerani Inuit Arnartaasa pernaataasumik Ataatsimeersuartinneqarnerat aqutigalugu.

Qinigaaffiup ingerlanerani Nunat Inoqqaavisa Oqaasiinut Naalagaaffiit Peqatigiit ukioritaat qulit malinnaavigineqarnerat ICC-p nangippaa. Immikkut Ilisimasallit Suleqatigiissitaannut Inuit peqataasussat ICC-p innersuussutigai, taavalu Inuit

oqaasiinik uummarsaaqqinneq, siuarsaaneq kiisalu sumiorpaluutini Inuillu oqaasiinik illersuineq Naalagaaffiit Peqatigiinni ICC-ip sulinerani tamarmi saqqummiuttarpai siammartertarlugillu.

2022-mi Ataatsimeersuarnermissaaq ICC peqquneqarpoq Inuit Nunaanni inuiaqatigiinnut iluaqusersuutit amigaataanerat qitiutillugu suliniuteqarfigeqqullugu. Avammut nalunaarummi qulequtaritinneqartut akornanni inuiaqatigiinnut iluaqusersuutit amigaataanerat Inuit Nunaanni tamarmi qanoq toqqaannartumik iliuuseqarfiginiassani ajornarnerpaajusoq paasinarsivoq.

Qinigaaffiup ingerlanerani ICC qasseeriarluni katersuutsitsisarpoq, ataatsimiititsisarluni kiisalu ataatsimeersuartitsisarluni, taakkulu Sulianik Nalunaarutip naggataata tungaani sukumiinerusumik nalunaarusiarineqassapput. Aaqqissuussinerit ilaatigut tassaapput Kalaallit Nunaanni Ilulissani 2023-mi Aallartitat Ataatsimiinnerat, soorlu Nalunaarummi aalajangersak-kat suliaassartallit aappaanni tamanna peqqussutigineqarsimasooq. 2022-mi ICC-ip Ilulissaniit Nalunaarutaani pingaarneru-titassatut saqqummiunneqartut tunngavigalugit ICC-ip Siulersuisuuneri aalajangersimapput Aallartitat ataatsimiinnerat sammisaqartitsinerut tallimanut agguataarniarlugu, (1) ICC-p Immini aqunneqarnera, ataatsimiinneq matoqqasooq, taavalu sammisaqartitsinerit tamanut ammasut (2) Imartanik Aqutsineq, (3) Piniarneq Inuussutissaqarniarnerlu, (4) Inuiaqatigiin-nut Iluaqusersuutit amigaataanerat, kiisalu (5) Nunat inoqqaavinut ukioritat qulit.

Aallartitat ataatsimiinnerata kingorna Issittormiut Ataatsimeersuarnerannit ukiunik 50-inngortorsiorneq Issittup Inoq-qaavinik allanik kiisalu Issittumi Naalagaaffinni qulliusunik ICC pillugu Ilulissanut katersuussimasunik peqateqarluni nal-liussineqarpoq.

Februar 2023-mi ICC Chukotka Chukotkami Nunat Inoqqaavisa oqaasii pillugit ukiumoortumik Nalliuttorsiornerup aaq-qissuunneqarnissaanut akisussaasutut ingerlatsivoq, tamannalu Nunani tamalaaani Iltisoqqussaralugu Oqaatsit ulloriti-tami ingerlanneqarpoq. Oktober 2023-mi Inuit Issittormiut Allattartut Nalliuttorsiornerat Titiraqtat Nunavummi Iqalunni ingerlanneqarpoq, tassali ullut pingasut ingerlaneranni Inuit allattartut najukkameersut, nunami tamarmeersut nunanillu tamalaaneersut allakkaminninnik nuannaarutiginninniarlutik saqqummiisarniarlutillu katersuupput.

2024-mi marsimi ICC Canada Ottawami Isumaginninnermi siunnersortinik Kalaallit Nunaanni Canadamilu sulisuusunik ka-tersuutitsivoq. Marts 2025-mi ICC Alaska Nunat Inoqqaavinik immikkut malinnaavigisanik ataatsimiititsivoq. ICC Canada Peqqissuseq atugarissaarnerlu pillugit Attaveqaatit atorlugit oqalugiartitsisarpoq.

2024-miit 2026-mut ICC Inuusuttunut Suliniummik ingerlataqarmat Inuit inuusuttaat aqqaneq-marlut ICC-p nunani tama-laani sulineranut tunngasumik ilinniartitsinermut siullermut peqataapput, taakkulu ICC-p nunat tamalaat akornanni ataatsimeeqataasarneranut isumaqatigiinniartarneranullu malinnaasarput.

Ataatsimut isigalugu 2022-miit 2026-mut qinigaaffimmi ICC-p sulinera sammisaqartitsinerpassuarnik imaqarpoq kiisalu nunat tamalaat akornanni toqqaannartumik peqataasarnernik Inuit nunagisatsinnit assigiinngitsunik pisunik akuutitsiviu-sunik imaqaqaluni. Sulianik Nalunarusiap matuma sinnera paasissutissanik sukumiinerusunik 2026-mi ICC-p Ataatsimeersuarnerani akuerisassanik saqqummiivissaaq.

Inuit Oqartussaanerat aammalu Nammineq aalajangiinissamut pisinnaatitaaffiat

2022-miit 2026-mut qinigaaffik nunat tamalaat inatsisaannut, inuit pisinnaatitaaffiit silarsuarmioqatigiillu malittarisarqarlutik ingerlanerannut naalagaaffiit isiginnittaasiisa allanngorujussuarfiat nalaarlugu pivoq. Allanngorneq tamanna Issittumi naalagaaffiit akornannissaaq erserpoq, ICC-illu allannguutit tamakku qanimut misigisaqarfigai. Naalagaaffiit Peqatigiinni ICC-ip nalaappaa qanoq naalagaaffiit siusinnerusukkut inuit pisinnaatitaaffiit, aamma Nunat Inoqqaavisa pisinnaatitaaffiit, malinninniaqqissaartarsimagaluarlutik tunuarterisimasut, kiisalu naalagaaffiit qassiit isumaqatigiissutaannik atuutitsinissaq isumaqatigiissuteqarnissarlutik ajornartornerulersimasut, kiisalu suleqatigiiffiit nunat tamalaat kiisalu qanigisariissut akornanni pilersinneqarsimasut tunngavigalugit nunarsuarmi angusat pingaarutillit timitalernissaat ajornakusulersimasoq. Qinigaaffiup tamatuma ingerlanerani allannguutit tamakku isumakulunnartoqartillugit ICC-p saqqummiuttuurtarpai naalagaaffiillu kajumissaartarlugit inuit pisinnaatitaaffiit Nunallu inoqqaavisa pisinnaatitaaffiit tapersersueqqullugit. Aammattaaq nunat qanitariissut suleqatigiiffii, soorlu Issittumi Siunnersuisoqatigiit, Inunnit peqataaffigineqarlutik ingerlajuarnissaaannik piunnarnissaannillu ICC ilungersorluni suliniuteqartarpoq.

Nunarsuarmi politikki naalagaaffiillu Inuit najugarisaasa akornanni pissutsit allannguuteqarsimapput, taavalu Inuit oqartussaanerat imminnullu tunngasunik aalajangiinissanaatitaanerata tatisimaneqalersimallutik. Taamaammat immiut tunngasunik oqartussaatitaanissaq, nunagisat ataqqineqarnissaat aammalu nunat tamalaat inatsisaat naapertorlugit malittarisarqarluni ingerlanissaq ICC-mit tapersersorlugit ilungersuutigineqartarput. Issittumi suleqatigiinnerup attanneqarnissaa taamalu Inuit Nunallu Inoqqaavisa allat Issittumi suleqatigiinnermi ineriartortitsinermilu siuttuunissaat ICC-mit qitiullugu sulisutigineqarpoq, Issittup Inoqqaavisa ukiorpassuarni kingullerni angusarisimasaat siulersuisimanerallu erseqqissumik takutittarlugit.

Issittormiut pernaammik Ataatsimeersuarnerannit ukiunik 50-inngortorsiorneq ICC-mit Saamillu Siunnersuisoqatigiiffiannit ataatsimut aqqissuunneqarpoq. Ataatsimeersuarnermi 1973-mi Københavnimi peqataaqqarsimasut ilaat kiisalu Issittup Inoqqaavisa suliniaqatigiiffiisa taamanermit pilersimasut ineriartorsimasullu siuttui naapitinneqarput. Nalliuttorsiorneq ataatsimut oqaaseqaasiorfiuvoq taavalu Issittup Inoqqaavisa Naalagaaffiit akornanni ukiuni 50-ini sulisimanerat pillugu atuakkamik saqqummersitsiviulluni. Issittup Inoqqaavisa nunani ataasiakkaani nunallu tamalaat akornanni suleqatigiiffinni Issittup Inoqqaavisa tunniussarisarsimasaat katersuuttunit saqqummiunneqartarput, immiut tunngasunik aalajangiinissanaatitaaneq kinguaariiaallu akornanni ilisimasat pillugit nipimik ataasisumik saqqummiussisarlutik, taavalu nunat tamalaat inatsisaannik tunngaveqarluni naligiilluni suleqatigiinnissamik noqqaassuteqarlutik.

ICC-eqarfinni tamani Inuit siuttuussiannik imminnullu oqartussaaffiginerannik aammalu oqartussaassuseqarnerannik erseqqissaasunik sammisaqartitsisoqartarpoq. 2025-mi ICC Alaska Alaskami Inuit Siuttuisa Naapeqatigiinnerannik aqqissuussaqarpoq taavalu Alaskami Inuit Issittoq pillugu Periusissiaannik saqqummiussilluni. Periusissiami “Issittoq pillugu takorluukkat sapiiserfiusut ataatsimoorfiusullu” Alaskami Inunnit kissaatigineqartut piumasarineqartullu erseqqissarneqarput, soorlu ilaatigut “Issittup siunissaa Inunnit siulersorneqassaaq, siunissaq taanna pisinnaatitaaffitsinnik pigeriikatsinnik ataqqinniffiussaaq, naleqartitatsinnik ersersitsiviulluni kiisalu aalajangiinerni tamani uatsinnut, inoqarfitsinnut, nunagisatsinnut, imartatsinnut, isumannaassusitsinnut oqartussaassutsitsinnullu tunngasunik aalajangiisarnerni Inunnik qitiutitsiviussalluni.” Ataatsimeersuarnermi Inuit oqartussaanerat imminnullu aalajangiiffigisinnaanerata oqallinnermi qitiupput. Periusissiami pingaarnerutitanut ilaapput Inunnit siulersugaasumik ineriartortitsineq Nungutsaaliunerlu; Silap Allanngoriartornerata Najukkatsinnut Sunniutai; Imartanik aqutsineq Inuit siuttuuffigisaat; Inuit Inuussutissaqarniarnerat Inuussutissaqarnikkullu Oqartussaassuseq kiisalu Inoqarfinni Atugarissaarneq. Inuit siulersugaannik ingerlataannillu

Ataatsimeersuarneq Periusissiamik inernejartoq immikkuullarippoq, taavalu Periusissiakkut peqqussutigineqartut piviusunngortinniarlugit sulineq qinigaaffimmi tulluittumi tamatumalu kingorna ingerlateqqinneqassaaq.

2025-ip aallartilaarnerani aammaarlunilu 2026-mi USA-p Kalaallit Nunaannik soqutiginninnera pillugu nipimik ataasiusumik tusarliussisarpoq. Oqaaseqaammimi siullermi Issittumi eqqisseqatigiinnerup ataqeqatigiinnerullu pisariaqarnerat ICC-p erseqqissarpai, erseqqissarlugu nunasiaatilitut pingaarnerussusermik eqqarsartaaseqarneq maanna qaangiutereersimmata. ICC-p Siulittaasua Sara Olsvigip oqaaseqaataa “Nunasiaatilit arlaannaalluunniit pitsaanerunngilaq” 2025-mi 2026-milu assut issuarneqartarpoq, Siulittaasoq saqqummiisoqarluni oqallinnerni qassiini, attaveqaatit atorlugit isumasioqatigiinnerni ataatsimeersuarnernilu peqataasarpoq ICC-ip oqaaseqaatigisaa utertarlugu, ataqeqatigiissumik suleqatigiinnissamik piumasaqartarluni.

“Nunasiaatilit arlaannaalluunniit pitsaanerunngilaq”, ICC-p siulittaasua Sara Olsvig, Januarip ulluisa 27-iat, 2025.

2026-mi februaarimi pisinnaatitaaffivut pillugit Nunat Inoqqaavisa tamarmik aalajaannissaannik ataatsimooruissaannillu ICC ataatsimoorussamik oqaaseqaateqarpoq. Issittup eqqisseqatigiiffiinnarnissaa naalagaaffiillu oqaloqatigiinnikkut suleqatigiinnerata attanneqarnissaa ICC-mit uteqqinneqarpoq.

“Silarsuarmi allannguutit Inuit toqqaannartumik nalaataqarput. Allannguut taanna pissutigalugu nunagisatsinni inuit isumannaatsuunerat atugaallu pillugu Issittumi siuttuusut tamarmik isumalioqqissaartariaqarput. Tamatumani inuttut pisinnaatitaaffiit, Nunat Inoqqaavisa pisinnaatitaaffii, kiisalu nunat tamalaat inatsisaannik toqqammaveqarluni nunat tamalaat suleqatigiinnerat aalajaaffigisariaqarput. Silarsuarmi aqqissugaaneq eqqunngitsuliornernik pinaveersaartitsiviussaq – taakkuninnga uteqqiivunngitsoq, pingaartumik Nunat Inoqqaavinut sammisumik eqqunngitsuliorfiunngitsoq aalajaaffigisariaqarparput”, ICC-ip siulittaasua Sara Olsvig, februaarip ulluisa aappaat, 2026.

“Issittup eqqisseqatigiiffittut suleqatigiiffittullu attatiinnarneqarnissaanik noqqaassuteqarpugut”, Chukotkamiit ICC-p siulittaasuata tullia, Valentina Leonova, februaarip ulluisa aappaat, 2026.

“Uatsinnut Issittoq illersornissakkut pisuussutaannaanngilaq. Nunagaarput kinguaariippassuarni inuuginnarfigisimallugu naalagaaffigisimallugulu. Naggueqatigiit Inuit inuttut pisinnaatitaaffii namminnerlu aalajangiisinnaassuseqarnerat nunarsuarmi politikkip allannguuteqarnera naleqqussarfiginiarlugu navianartorsiortinneqassanngillat.” Alaskamit ICC-ip siulittaasuata tullia Marie Greene, februaarip ulluisa aappaat, 2026.

“Siunissarput, Inuit kinguaariit tulliit siunissaat, Issittumi suleqatigiinnermik najukkattalu eqqisseqatigiiffiinnarnissaanik toqqammaveqarpoq. Nunat Inoqqaavi tamarmik, aamma Kalaallit Nunaanni Inuit imminnut naalakkersortuunissamut pisinnaatitaaffeqarput, taamalu namminneq siunissaminnik aalajangiinissamut pisinnaatitaaffeqarlutik”. Canadamit ICC-ip siulittaasuata tullia Herb NakiMajak, februaarip ulluisa aappaat, 2026.

“Nammineq aalajangiisinnaatitaanerput isumaqatigiinniutissaanngilaq. Inunnit naggueqatitsinnit, nunarsuarmilu tamarmi Nunat Inoqqaavinit allanit taperser-sorneqarnerput assorujussuaq qujarupparput”, Kalaallit Nunaannit ICC-ip siulittaasuata tullia Hjalmar Dahl, februaarip ulluisa aappaat, 2026.

Ass: Inuit Circumpolar Council



Nunat tamalaat akornanni ICC-ip suliniartarnera

Nunat tamalaat akornanni suleqatigiiffinni qassiini ICC suliniarluartarpoq, soorlu nunat tamalaat isumaqatigiissutaasa isumaqatigiinniutigineqarneri aqputigalugit kiisalu nunat tamalaat assigiinngitsutigit ataatsimeersuarterni, pisut qaffasissut aqputigalugit, kiisalu Naalagaaffinnik, taakku naalakkersuisuinik, Aallartitanik, Ataatsimiittartoqatigiit ilaasortaannik, qaffasissumillu sinniisuutitat allat, kattuffiit, suleqatigiiffiit, aningaasaateqarfiillu kiisalu Nunat Inoqqaavisa Suliniaqatigiiffiisa allat ataatsimeeqatigineqartarneri aqputigalugit. Isumaqatigiinniarnit ataatsimiinnerillu tamakku ilarpassui nalunaarusiami uani qulequttani assigiinngitsuni saqqummiunneqartarput qulequttani tamakkunani ICC-ip suliniarnerata qanoq siammasitsinera ersersikkumallugu. Ataatsimiinnerit aqqissuussinerillu nalunaarsorneqarsimasut Siulittaasup aammalu immikkoortortat sisamaasut ataatsimeeqateqartarnerisa ilaannanguaraat, kisiannili pingaaruteqarluartuullutik. Qinigaaffiup ingerlaneranini ICC-p Siulittaasuata pingaartumik ataatsimiinnerit matoqqasut, Chatham House Rule naapertorlugit oqalliffiit oqaloqatigiiffiillu peqataaffigisarpai, taakkulu uani nalunaarusiorneqanngillat kisianni ICC-ip Issittoq nunallu tamalaat akornanni suleqatigiinneq pillugu isumaanik siammarteriffiusarput, taakkunanilu Issittup eqqisseqatigiiffiunissaata killeqarfiillu akornanni suleqatigiinnerup attanneqarnissaat qitiutinneqartarpoq.

Issittoq pillugu sammisaqarfinni tamalaani ICC-p oqariutuutini nunat tamalaat akornanni ataatsimeersuarnerni saqqummiukkajuttarpai, aamma ICC-ip ukiumoortumik peqataaffigisartagaani. Matuma kinguliani ataatsimiinnerit Issittumut tungasorpiaat qulequttat Inunnut soqutiginaatillit assigiinngitsut pillugit naapittartut nalunaarsorneqarput.


Ass.: Inuit Circumpolar Council



ATAATSIMIINNERIT PISULLU ATTUUMASSUTEQARTUT PEQATAAFFIGINEQARTUT

August	2022	Saamit ataatsimeersuarnerat	Vähc̄ir (Gällivare), Sverige
August	2022	Arctic Circle Kalaallit Nunaat pillugu Oqallinneq	Nuuk, Kalaallit Nunaat
September	2022	Issittumi Inatsisartut Ataatsimeersuarnerat	Nuuk, Kalaallit Nunaat
Oktober	2022	Arctic Circlep Katersuunna	Reykjavik, Island
November	2022	Arctic Futures Symposium	Bruxelles, Belgia
Januar-Februar	2023	Arctic Frontiers	Romsa (Tromsø), Norge
Februar	2023	EU-p Issittoq pillugu Oqalliffia Nunat Inoqqaavinillu Oqaloqate-qarneq	Nuuk, Kalaallit Nunaat
Februar	2023	Muchenimi Isumannaallisaaneq pillugu Ataatsimerersuarneq	Munchen, Tyskland
Marts	2023	Arctic Encounter	Anchorage, Alaska
September	2023	Normandiami Silarsuarmi eqqisseqatigiinneq pillugu oqalliffik	Caen, Frankrig
Oktober	2023	Arctic Circlep Katersuunna	Reykjavik, Island
November	2023	One Planet Polar Summit	Paris, Frankrig
Januar	2024	Arctic Frontiers	Romsa (Tromsø), Norge
Februar	2024	Polar Symposium	Monaco
April	2024	Arctic Encounter	Anchorage, Alaska
Maj	2024	EU-p Issittoq pillugu Oqalliffia Nunat Inoqqaavinillu Oqaloqate-qarneq	Bruxelles, Belgia
Maj	2024	Future Greenland	Nuuk, Kalaallit Nunaat
Maj	2024	Issittoq pillugu Ataatsimeersuarneq	Bådåddjo (Bodø), Norge
December	2024	Arctic Futures Symposium	Bruxelles, Belgium
Januar	2025	Issittumi Inatsisartunut Ilaasortat Ataatsimiinnerat	Romsa (Tromsø), Norge
Januar	2025	Arctic Frontiers	Romsa (Tromsø), Norge
Juni	2025	EU-p Issittoq pillugu Oqalliffia Nunat Inoqqaavinillu Oqaloqate-qarneq, Inuusuttunik Issittormiunik Oqaloqateqarneq	Gihttel (Kittilä), Finland
Juni	2025	Folkemøde 2025	Bornholm, Danmark
Juli	2025	Arctic Encounter	Anchorage, Alaska
Oktober	2025	Arctic Circlep Ataatsimiinnera	Reykjavik, Island
Oktober	2025	Polar Law Symposium	Nuuk, Greenland
December	2025	Arctic Futures Symposium	Bruxelles, Belgia (Attaveqaa-titigut)
Februar	2026	ICC-ip Siulittaasuata aamma H.E. Governor General of Canada Mary Simon	Nuuk, Kalaallit Nunaat
Februar	2026	Canadap Kalaallit Nunaanni Konsuleqarfiata ammarneqarnera	Nuuk, Kalaallit Nunaat
Februar	2026	Polar Symposium	Monaco

Marts	2026	Arctic Circle Ruumami Oqallitsitsinera – Issittoq pillugu Oqaloqatigiinneq	Ruuma, Italjia
April	2026	Arctic Encounter	Anchorage, Alaska
Maj	2026	Future Greenland	Nuuk, Kalaallit Nunaat
Maj	2026	Governor Generalip Canadami Siuttunik Ataatsimeersuartitsinera	Quebec City, Canada
Juni	2026	Issittumi Isumannaallisaaneq pillugu ataatsimeersuarneq	Ottawa, Canada
Juni	2026	Saamit Ataatsimeersuarnarat	Ohcejohka (Utsjoki), Finland



Naalagaaffiit Peqatigiit, Inuit pisinnaatitaaffii, kiisalu Annertusisamik Peqataaneq



Ass.: Inuit Circumpolar Council

Naalagaaffiit Peqatigiit Nunat Inoqqaavinut tunngasorpianik pingasunik suleqatigiiffeqarpoq. Nunat Inoqqaavi pillugit Ataavartumik Oqallittarfik (UNPFII) ukioq 2000-mi Naalagaaffiit Peqatigiit Aningaasarsiornermut Inooqatigiinnermullu Siunnersuisoqatigiiffiannit pilersinneqarpoq. Oqallittarfik Naalagaaffiit Peqatigiit iluanni qaffasissumik siunnersuisoqatigiiffiuvoq. 2001-mi Nunat Inoqqaavisa Pisinnaatitaaffii pillugit Immikkut Nalunaarusiortartoq siulleq Naalagaaffiit Peqatigiinnit toqqarneqarpoq, taannalu Suleriaatsit Immikkut ittut Naapertorlugit piginnaassusiligaavoq. 2007-mi Nunat Inoqqaavisa pisinnaatitaaffii pillugit Naalagaaffiit Peqatigiit Nalunaarutaat Naalagaaffiit Peqatigiinnit akuersissutigineqarpoq, taavalu Nunat Inoqqaavisa pisinnaatitaaffii pillugit Ataatsimiittartoqatigiit Immikkut Ilisimasallit Naalagaaffiit Peqatigiit Inuit pisinnaatitaaffii pillugit Siunnersuisoqatigiivisa ataanniittussatut pilersinneqarput.

Nunat tamalaat akornanni naggueqatigiit Inuit pisinnaatitaaffiinik siuarsaaniartutut nipaannillu saqqummiussisartutut ICC 1983-miilli Naalagaaffiit Peqatigiinnit sinniisuuffeqartutut naleqartitaalersimavoq. Suleqatigiiffiit pingasut ukiuni piuffiini ilusilersorneqarnerannut ICC ikiuussimavoq qinigaaffimmilu qaangiuttumi pingasut taakku tamarmik ataatsimiittarnerini suliaqartitsisarnerinilu peqataasarsimalluni. Issittumi Inooqatigiinnikkut Kultureqarfiit aqqutigalugit ICC Saaminik peqate-

qarluni ICC-mi siulittaasuusimasup Dr. Dalee Sambo Dorroughip qinigaaffimmi 2023-2026-mi EMRIP-mi Ilaasortatut Im-
mikkut Ilisimasalittut qinnuteqaataanut tapersersuisimavoq, ICC-illu nuannaarutigaa Dr. Dorrough qinigaaffiit aappassaanni
Issittumiit Immikkut Ilisimasalittut ilaasortasussatut toqqarneqarsimammat. Nunat inoqqaavi pillugit Naalagaaffiit Peqa-
tigiit Ataavartumik Oqallittarfiannut Issittumiit ilaasortassatut Aluki Kotierkimik 2022-mi iluatsittumik inassuteqaateqar-
nerup kingorna 2025-mi Ms. Kotierk inassutigeqqinneqarpoq. ICC-ip nuannaarutigisaanik Ataavartumik Oqallittarfiimmit
Ms. Kotier Ataavartumik Oqallittarfiip 2025-mi siulittaasussaatusut qinerneqarpoq, 2026-milu aamma qinerneqaqqilluni.

2023-imi Naalagaaffiit Peqatigiinni Nunat Inoqqaavisa Pisinnaatitaaffii pillugit Immikkut Nalunaarusiortartoq Canada-
mut, Kalaallit Nunaannut Danmarkimullu misissuiartorpoq. Kalaallit Nunaannut Danmarkimullu misissuiartornerani ICC
tusarniaanermut peqataalluartaq. Kalaallit Nunaannut kiisalu Danmarkimut tikeraarnera, tamatuma kingorna Nunat
Inoqqaavisa Danmarkimi najugaqartut pisinnaatitaaffiik atuutitsinerup annertusineqarnissaanik sammisaqarnera suli-
aqarneralu naggueqatigiit Inuit pisinnaatitaaffiik siuarsaaniarnermi pingaaruteqartuusoq paasinarsivoq. Naalagaaffiit
Peqatigiinni Immikkut Nalunaarusiortartup inassuteqaatai ICC-ip malittarisarpai piviusunngortinneqarnissaallu ilunger-
suutigisarlugu. Aamma, 2023 aamma 2025-mi Naalagaaffiit Peqatigiit Inuit pisinnaatitaaffii pillugit Siunnersuisoqatigiit
ataatsimiinneranni ICC peqataasarpog ilaatigut Immikkut Nalunaarusiortartup nunanut marluunnut tikeraarnerminit nalu-
naarusiaanut qisuariaateqarnissani siunertarlugu.

2022-miit 2026-imut qinigaaffiup ingerlanerani EMRIP-ip aammalu UNPFII-p ataatsimiinneri tamaasa ICC-p oqaaseqaa-
teqarfigisarpai, tassa 2023-imi EMRIP-ip ataatsimiinnera minillugu, taamanili ICC-mut Aallartitat Ilulissani ataatsimiimma-
ta. Saqqummiisarnerni Inuit isumakuluutaat, pingaartitaat kiisalu inassuteqaatigisaat ICC-ip saqqummiuttarpai, aamma
ajornartorsiutit suliniaqatigiiffiit ilaasortarisatta ICC-mut saqqummiuttagaat. Suut Inunnut pingaaruteqartut ICC-ip ukka-
tariurpai, soorlu 1960-70-ikkunni danskit siuttuuffigisaannik Kalaallit Nunaanni naartunaveersaasersuisimaneq pillu-
gu misissuinerit ingerlasut. Taamani Kalaallit arnartaat niviarsiarartaallu ammut 12 tikillugit ukiullit spirallersugaapput,
amerlasuut akuersiseqqaarnagit, allaallu ilaat paasiteqqaarnagit. Spirallersuinerup inuit pisinnaatitaaffiisigut kingunerinik
misissuinissaq siunertarlugu Suleqatigiissitat immikkut ilisimasallit Kalaallit Nunaanni Naalakkersuisunit pilersinneqartut
sulinerminni najoqqutassiorneqarneranni ICC peqataavoq kiisalu immikkut ilisimasalittut peqataasussanik inassuteqaate-
qarluni, taavalu Nunat Inoqqaavisa kinguaassiornikkut peqqissuunissamut pisinnaatitaaffii pillugit Naalagaaffiit Peqatigiit
Immikkut Nalunaarusiortartuata nalunaarusiorneranut annertuumik tunniussaqaarpoq Inuit Arnartaannik ICC-ip Ataatsi-
meersuartitsineranit nalunaarusianik tunngaveqarluni. Aamma, EMRIP-ip misissuinerinut qassiinut isumasioqatigiisitsiner-
it aqqutigalugit ICC oqaaseqaateqartarpoq tunniussaqaartarlunilu, aamma Nunat inoqqaavi kiisalu paasissutissanut pisin-
naatitaaffiit pillugit misissuinermut tunngasut eqqarsaatigalugit, qangatuut inuuniuteqarnermut pisinnaatitaaffiit pillugit
misissuinermut, kiisalu UNDRIP-ip titalerneqarneranik misissuinermut.

Qinigaaffiup ingerlanerani UNPFII-p ataatsimiinnerinut siammasissunik aallartitaqarluni ICC peqataasarpog. Ataatsimiin-
nervi tamani ICC-ip aallartitai saniatigut aqqissuussinernit qassiini oqalugiartarput taavalu pisortatigoortumik ataatsi-
miinneri ICC-ip pisortatigoortumik oqalugiataanik saqqummiussisarlutik. Naalagaaffiit Peqatigiinni tamarmiisunni
isumakulunnartoqartitat pingaarnertutallu pillugit nalunaaruteqarnissamut Oqallittarfiup Ataavartup ataatsimiittarneri
ICC-ip atortarpai, amerlasuutigut Naalagaaffiit Peqatigiit ingerlatsiviini Nunat Inoqqaavisa tamakkiisumik sunniutilimmillu
peqataanissamut pisinnaatitaaffeqarnerat erseqqissartarlugu, soorlu Silap Allanngoriartornera pillugu Tunngaviumik
Naalagaaffiit Peqatigiit isumaqatigiissutaanni kiisalu Uumassusillit Assigiinngissitaarnerat pillugu Naalagaaffiit Isumaqa-
tigiissutaanni. Naalagaaffiit Peqatigiinni Inuit pisinnaatitaaffii pillugit Siunnersuisoqatigiit ataanni inuit pisinnaatitaaffiisa
malinnaavigineqarnerisa kiisalu nalunaaruteqartarnerup pingaaruteqassusiinik erseqqissaasarnini ICC-ip ingerlattuarpai.
Taavalu Arnanut Immikkoorsitsinerit Suulluunniit Unitsinneqarnissaat pillugu Ataatsimiittitaliap Nunat Inoqqaavisa arnar-
taasa niviarsiarartaasalu pisinnaatitaaffii pillugit Inassuteqaataata nr. 39-ip piviusunngortinneqarnissaanik Ataavartumik
Ataatsimiittartatigitiit ukiumoortumik oqaloqatigiisitsisarnerni ilungersuteqartarluni.

2023-mi 2026-milu Nunat inoqqaavisa arnartaasa nivarsiarartaasalu pisinnaatitaaffii pillugit ataatsimiinnerup saniatigut ICC aqqissuussisarpoq. Nunat Inoqqaavisa Arnartaasa Nunat Tamalaat akornanni Oqallittarfiat (FIMI) ICC-p suleqatigalugu CEDAWip Inassuteqaataata nr. 39-ip timitalerneqarnissaa qitiutillugu pernaammik ataatsimiinnerup saniatigut aaq-qissuussaqarpoq. Saniatigut aaqqissussinerit appaat Saamit Siunnersusioqatigiiffiannit tapersersueqataaffigineqarpoq, tassanilu Inuit Arnartaasa Ataatsimeersuarnerat Nunat inoqqaavisa siuttuinut siammasinnerusumik saqqumiunneqarpoq aammalu Nunat inoqqaavisa arnartaasa nivarsarartaasalu pisinnaatitaaffiisa siuarsarneqarnissaannik nunarsuarmiut oqa-llinnissaannut peqatiserineqarlutik. 2024-mi Issittumi inuussutissaqarniarnermut oqartussaassuseq pillugu ICC UNPFII-p ataatsimiinnerani saniatigut aaqqissuussamik ingerlataqarpoq, taannalu Nunavumi Inuussutissaqarniarnikkut Oqartussas-suseq pillugu suliniummit Inuksiutinik taanilimmit tapersersorneqarpoq. Suliniut taanna Canadami Inuit Nunangata kiisalu Tuluit Nunaata Issittumi Ilisimatusarnerata ataani ingerlanneqarpoq. Ataatsimiinnermilu tassanissaaq Inuit Saamillu inuu-suttaat ICC aammalu Saamit Siunnersusioqatigiiffiat aqutigalugit suleqatigiillutik ataatsimiinnerup saniatigut aaqquisus-saqarput Issittormiut Ataatsimeersuarnerannit oqaaseqaataasut saqqumiukkumallugit.

Ukiuni kingullerni aningaasannaniarnikkut ajornartorsiutinik Naalagaaffiit Peqatigiit nalaataqarput suleqatigiiffinni pinga-suni taakkunani suliat ikilinerannik kinguneqartumik. Tamatumalu peqatigisaanittaaq taakkunani Nunat inoqqaavisa peqataanissamut periarfissaat pisinnaasaallu aamma annikillipput. “UN80)-mik taallugu, tassami Naalagaaffiit Peqatigiit ukiunik 80-inngortorsiornerat nalerorlugu suliniut pimmat, Naalagaaffiit Peqatigiinni annertuumik allangortiterisoqaler-poq. Suleqatigiiffinni pingasut immikkuullarissut pisariaqassusiat attanneqarnissaasa pingaaruteqassusia ICC-mit erseq-qissaaqqinneqartarpoq, suleqatigiiffinni aningaasassaaleqinerup sunniutaasa aarleqqutigineqarnerannik ersersitsisarluni. Isumakuluullu taanna UNPFII-p 2026-mi ataatsimiinnerani nalunaarusiarineqartumi ersersinneqarpoq.

2027-mi ukiut 20-it qaangiussimalissapput Nunat Inoqqaavisa Pisinnaatitaaffii pillugit Nalunaarummik Naalagaaffiit Peqatigiit akuersissuteqarneranniit. 2027-mi Ataatsimiittartoqatigiit 26-issaannik ataatsimiinneranni nalliuttorsiornerup malunnartinneqarnissaa UNPFII-mut ICC-mit inassutigineqarpoq. Nunat inoqqaavisa pisinnaatitaaffiinik Naalagaaffiit Peqatigiinni, aammalu Issittumi tamarmi timitalinerup qanoq annertutigineranik naliliivigissallugu UNDRIP-ip ukiunik 20-inngortorsiornera pissarsiaqaataalluassaaq.

Qinigaaffiup ingerlanerannissaaq Naalagaaffiit Peqatigiinni Nunat inoqqaavisa peqataanerannik annertusaaniarnermut ICC akuulluarterpoq. Anguniagaq tassaavoq inuiaqativut Naalagaaffiit Peqatigiinni peqataatinniarlugit Nunat Inoqqaavisa namminnerisaminnik nutaamik sinniisuutitaqarnikkut inissisimaffeqalernerat pilersinneqassasoq. Sinniisuutitaqartitse-riaatsip nutaap tamatuma Ataavartumik Alaatsinaattuutitaqarnertut ittuunissaa Nunat inoqqaavinut tikkuarneqarpoq. Sinniisuutitaqartitseriaatsimi tassani sinniisuutitaqaataasut tassaasinnaapput inatsisartut, naalakkersuisut, imaluunniit sinniisut allat imaluunniit qinikkatut inissisimaffiit allat soorlu qangatut siunnersusioqatigiit, 2013-mi Altamit Inerniliussami oqaatigineqartutut, taannalu 2014-mi Nunat Inoqqaavisa Nunarsuarmi Ataatsimeersuarnerat sioqqullugu inooqatigiinnik-kut kultureqarfinnit arfineq-marlunnit Nunat Inoqqaavinut ICC-mit isumaqatiginiutigineqarpoq. Nunat Inoqqaavisa Ataatsimeersuarnerat 2014-mi Naalagaaffiit Peqatigiit Katersuunnerannut atatillugu ingerlanneqarpoq. Altamit Inerniliussaaq 2014-mi Nunat Inoqqaavisa Ataatsimeersuarneranni Aalajangersakkamut (Naalagaaffiit Peqatigiit aalajangersagaannut) ilanngussatut ikkunneqarpoq.

Naalagaaffiit Peqatigiinni Nunat inoqqaavisa peqataasarnerannik siuarsaernerup killiffiani qulequttat sisamat oqaluuseri-neqarput: 1) Suut peqataaffigineqartut – Naalagaaffiit Peqatigiinnit ataatsimiiffinnut tamanut peqataasinnaatitaanissartik Nunat inoqqaavisa piumasaraat, 2) Peqataanerit qanoq ittuussusii, 3) Peqataasinnaatitaanermi suut uuttuutigineqassa-sut – Nunat Inoqqaavini inuiaqatigiit ingerlatsivii inunnut sinniisuusutut isigineqassappata suut uuttuutaassappat – kikkut peqataasinnaasunik akuersisartuutitaassappat aammalu qanoq. Nunat Inoqqaavinut tunngasunik Ataqtigissaarisoa-tigiit sulii oqallippat aammalu suliaq taassuma siuarsarneqarnissaannik ilungersuuteqarlutik, taavalu november 2022-mi

Inuit Pisinnaatitaaffii pillugit Naalagaaffiit Peqatigiit Høj Kommisariat (OHCHR) immikkut ilisimasalinnik katersuutsit-sivoq, tassanilu ICC-p siulittaasua Sara Olsvig Issittumit immikkut ilisimasalittut peqataavoq Nunat Inoqqaavisa peqataa-nerulernissaat sulisukumiinerusumik oqaluuserineqaaqqullugu, siullermik Naalagaaffiit Peqatigiinni Inuit pisinnaatitaaffii pillugit Siunnersuisoqatigiit sulineranni.

2024-mi Naalagaaffiit Peqatigiinni Inuit Pisinnaatitaaffii pillugit Siunnersuisoqatigiit katersuunnerit akornanni ataatsimiinnernik marlunnik aqqissuipput siuliani qulequttat sisamat taaneqartut oqaluuserineqarfigisaannik. ICC ataatsimiinnerni marlunni akuulluarterpoq. Ataatsimiinnernit marlunnit ataatsimut nalunaarusiaq Nunat Inoqqaavisa piginnaatitaaffii pillugit Immikkut Ilisimasallit Suleqatigiiffiata (EMDRIP) Genevemi ataatsimiinnerani saqqummiunneqarpoq. Nalunaarusiaq ICC-imit taparserneqarpoq taavalu Saamit peqatigalugit siunnersuutigineqarpoq nalunaarusiaq taanna Inuit Pisinnaatitaaffii pillugit Siunnersuisoqatigiit ataanni alloriarnerni tullerni aallaavineqassasoq. Pisut kingulliit ilaat tassaavoq Inuit Pisinnaatitaaffii pillugit Naalagaaffiit Peqatigiinni Siunnersuisoqatigiinni ataatsimiinnerit ilaanni “Nunat Inoqqaajusutut” akuerisaaneq atorineqartalerat, angusarlutik tamanna Nunat Inoqqaavisa inuiaqatigiittut sinniisuisa ilaanni pioreersunit atorluarneqarsinnaavoq.

Taakku saniatigut attaveqaatit atorlugit, naapilluni kiisalu attaveqaatit akuleriisillugit kiisalu najuulluni tusarniaasarnerit qassiit atorlugit peqataatitaqartarnerup annertunerulernissaa anguniarneqartarpoq ersersinniarneqartarlunilu, tamatumani Naalagaaffiit Peqatigiinnut ilaasortasut Nunat Inoqqaavini oqaloqateqartinneqartarlutik. Issittumi Inooqatigiinnikkut kultureqarfik Nunat Inoqqaavi pillugit Ataqatigiissaarisooqatigiinni inissanik marlunnik tigummiarpoq. Suleqatigiiffik taanna 2020-mi pilersinneqarpoq inooqatigiinnikkut kultureqarfiit arfineq-marluk tamaasa Naalagaaffiit Peqatigiinni naalagaaffinnilu Nunat Inoqqaavisa peqataanerulernissaat pillugu sulinermi sinniisuutitaqartikkumallugit.

ATAATSIMIINNERIT AAQISSUUSINERILLU NAJUUFFIGINEQARTUT

November	2022	Reykjavik Global Forum –politikkikkut siuttut	Reykjavik, Island
November	2022	Inuit pisinnaatitaaffii pillugit Siunnersuisoqatigiinni Nunat Inoqqaavisa annerusumik peqataalernissaat pillugu Naalagaaffiit Peqatigiinni OHCHR-mi Immikkut Ilisimasallit Isummersooqatigisinneqarnerat	Geneve, Schweiz
Februar	2023	Nunat Inoqqaavisa pisinnaatitaaffii pillugit Naalagaaffiit Peqatigiinni Immikkut Nalunaarusiortartup Kalaallit Nunaannut tikeraarnera	Nuuk, Kalaallit Nunaat
Marts	2023	Arnat Killiffiat pillugit Ataatsimiititaliap 67-issaannik ataatsimiinnera (CSW67)	New York, USA
April	2023	UNPFII-ip 22-issaannik ataatsimiinnera	New York, USA
Maj	2023	Womenomics DE&I Conference	København, Danmark
September	2023	Inuit pisinnaatitaaffii pillugit Naalagaaffiit Peqatigiinni Siunnersuisoqatigiit 53-issaannik ataatsimiinnerat	Geneve, Schweiz
Februar	2024	Naalagaaffiit Peqatigiinni Nunat Inoqqaavinut tunngasunik suliaqarfimmi Immikkut ilisimasallit ataatsimiinnerat “inoqarfinnut” tunngasoq.	Rome, Italy
April	2024	UNPFII-p 23-issaannik ataatsimiinnera	New York, USA

April	2024	Annerusumik peqataaneq pillugu Nunat ilaasortasut kiisalu Nunat inoqqaavisa tusarniaavigneqarnerat	Attaveqaatitigut
Juli	2024	Naalagaaffiit Peqatigiinni EMRIP-ip 17-issaannik ataatsimiinnera	Geneve, Schweiz
Juli	2024	Inuit pisinnaatitaaffii pillugit Siunnersuisoqatigiit sulineranni Nunat inoqqaavisa qanoq peqataanerulernissaat pillugu Ataatsimiinnerit akornanni ataatsimiinneq pernaataasoq	Geneve, Schweiz
Oktober	2024	Inuit pisinnaatitaaffii pillugit Siunnersuisoqatigiit sulineranni Nunat inoqqaavisa qanoq peqataanerulernissaat pillugu Ataatsimiinnerit akornanni ataatsimiinnerit aappaat	Geneve, Schweiz
April	2025	UNPFII-ip 24-issaannik ataatsimiinnera	New York, USA
Juli	2025	Naalagaaffiit Peqatigiinni EMRIP-ip 18-issaannik ataatsimiinnera	Geneve, Schweiz
September	2025	Inuit pisinnaatitaaffii pillugit Naalagaaffiit Peqatigiit Siunnersuisoqatigiivisa 60-issaannik ataatsimiinnerat	Geneve, Schweiz
December	2025	Aporaannerit nalaanni aammalu kingorna Nunat inoqqaavisa pisinnaatitaaffii pillugit EMRIP-imi immikkut ilisimasallit isumasioqatigiinnerat	Geneve, Schweiz
Marts	2026	Arnat killiffii pillugit Naalagaaffiit Peqatigiinni Ataatsimiititaliap 70-issaannik ataatsimiinnera (CSW70)	New York, USA
April	2026	UNPFII-p 25-issaannik ataatsimiinnera	New York, USA
April	2026	Nunat inoqqaavi peqataanerulersinniarlugit annerusumik iliuuserineqarsinnaasut pillugit tusarniaaneq	New York City, USA
April	2026	Nunat inoqqaavisa eqqisseqatigiisitsinerat pillugu Nunarsuarmioqatigiinnik Ataatsimeersuartitsineq	New York, USA
Maj	2026	ICB-ip ataatsimiinnera	Attaveqaatitigut
Juli	2026	Naalagaaffiit Peqatigiinni EMRIP-ip 19-issaannik ataatsimiinnera	Geneve, Schweiz

Issittumi Siunnersuisoqatigiit

Issittumi Siunnersuisoqatigiit 1996-mi pilersinneqarput, naalagaaffinnit Issittumiittunit arfineq-pingasunit tamanit ilaasortaaffigineqalerlutik, aallaqqaammullu taamami Nunat inoqqaavisa suliniaqatigiiffigisaanit pingasunit Ataavartumik Peqataasartuuffigineqarlutik. ICC Issittumi Siunnersuisoqatigiinnik pilersitsisunut ilaavoq Issittumilu Siunnersuisoqatigiit sulineranni sutigut tamatigut sulii peqataalluarpoq, soorlu Naalakkersuisut qaffasissumillu inissisimasut naapittarfiini kiisalu Issittumi Siunnersuisoqatigiinni suleqatigiissitani arfiniliusuni tamani, taakkunanngalu tallimat qinigaaffimmi 2022-2026-mi ICC suliatigut tunniussaqaarfigai.

ICC-ip 2022-mi Ilulissaniit Nalunaarutaatigut ICC-p Siulersuisuunerit peqquneqarput Issittumi Siunnersuisoqatigiit sulineranni sukutsitaanilu pingaarnerni toqqaannartumik peqataanissarput qularnaaqqullugu aammalu Inuit soqutigisaannik tapersersuinermit pingaarnertut suliniarfissatut Issittumi Siunnersuisoqatigiit atoqqullugit kiisalu ICC-ip Ataavartumik Peqataasartuuneranik immikkuullarissumik nukittorsaaneq nalilersortuaqqullugu. ICC-ip ukiuni qulikkaani arlalinni Issittumi Siunnersuisoqatigiinni peqataanera ingerlateqqillugu Isummersornikkut qanoq Inissisimanermik allakkiaq 2024-mi juulimi saqqummersinneqarpoq taaguuteqartoq “Issittumi Siunnersuisoqatigiit Allannigutsaalineqarnerat Nukittorsarneqarnerallu.” Inissisimaffimmik Allaaserisamut ilaaput qulequttat arfinillit inassuteqaatitallit iliuusissartallillu, Issittumi Siunnersuisoqatigiinni Ataavartumik Peqataasarneq aqutigalugu Nunat Inoqqaavisa peqataanerannik imalimmillu akuunerannik nukittorsaanissamik ukkataqarfiusut.

Immikkullu taasariaqarpoq februar 2022-mi nunat Issittumiittut arfineq-marluk Issittumi Siunnersuisoqatigiinni peqataanerminnik unitsitsigallarmata nunarsuup avannaani politikkikkut najummassimanartorsiorneq pissutigalugu. Pisunik isumakulunnartoqartitsinini ICC-p ersersippaa Issittumilu Siunnersuisoqatigiit sulinerata aallarteqqinnissaanik anguniagaqarluni. Marsip ulluisa arfineq-aappaanni 2022 ‘unikallarnermut’ qisuariaateqarluni ICC oqaaseqaateqarpoq unnerluni “ICC-ip pissutsit malinnaavigeqqissaarpai Issittumilu Oqartussat Qaffasinnerit isumaqatigai oqarmata taama unikkallarnikkut ‘pissutsit massakkut atuuttut eqqarsaatigalugit Siunnersuisoqatigiit sulinerata pingaarutillip nangingneqarnissaanut periusissat pisariaqartut’ isumaliutigineqartariaqartut.”

2022-mi ICC-p Ataatsimeersuarnerata kingorna ICC-ip siulittasua Sara Olsvig Issittumi Siunnersuisoqatigiinni Qaffasissumik Inissisimasuni kiisalu Naalakkersuisunit Aallartitani Aallartitanut Siuttutut akisussaaffeqarsimavoq. Issittumi Siunnersuisoqatigiit sulinerminnik aallartitseqqinnissaat ukkatarineqarsimavoq, taamalu oqallinnernut ICC akuusorujussuusimavoq, tassa Naalagaaffiit kiisalu Ataavartumik Peqataasartut allat pisortatigoortumik pisortatiguunngitsumillu oqallittarneri eqqarsaatigalugit. 2023-2025-mi Norgep Issittumi Siunnersuisoqatigiinni siulittaasuutitaqarnerani Issittumi Siunnersuisoqatigiit sulinerata aallarteqqinnissaa anguniarlugu allatut ittumik suleriaaseqarnissaaq ICC-mit ilungersuutigineqarpoq tamatumani nassuerutigalugu naalagaaffiit toqqarlutik naapinissartik sulii nangaanartoqartissammassuk imaluunniit nalinginnaasumik sulinermit assingusumik peqatigiittarnissartik nangaanartoqartissammassuk. Taamaammat Norgemiut Siulittaasuutitaqarfiata ataatsimeeriaatsit nutaat saqqummiussai ICC-mit assorujussuaq taparserneqarput, ta-



Photo credit: Inuit Circumpolar Council

matumani taarsiullugu Issittumi Qaffasissumik Inissisimasut siulittaasuata Ataavartumik Peqataasartut arfiniliusut naapil-lugit ataatsimeeqatigisassallugit. Norgemiut Siulittaasuutitaqarnerisa nalaanni Issittumi Qaffasissumik Inissisimasut kii-salu Ataavartumik Peqataasartut ataatsimiittarnerini sisamani ICC peqataalluarterpoq taavalu Kunngeqarfiup Danmarkip 2025-2027-mi Siulittaasuutitaqarnerata nalaani ataatsimeeriaatsip tamatuma ingerlateqqinneqarnissaanik aamma suli tapersersuivoq. Peqataanerup nangingneqarnera oqaloqatigiinnerillu taakku aqqutigalugit 2023-mi Issittumi Siunnersui-soqatigiit 13-issaannik Ataatsimiinneranni kiisalu 2025-mi Issittumi Siunnersuisoqatigiit 14-issaannik ataatsimiinneranni Issittumi Siunnersuisoqatigiit ataatsimoorussamik isummernissartik angusinnaasimavaat.

2026-mi maajimi ICC aammaarluni ataatsimeeriaatsimut allatut ittumut peqataavoq, tamatumuuna Kunngeqarfiup Dan-markip Siulittaasuutitaqarfia naalagaaffinnit aallartitat qaffasissut periusissiorfiusumik tusarniaavigisarmagit, Ataavar-tumik Peqataasartut marluk ataatsimeeqatigalugit kiisalu Suleqatigiissitat marluk siulittaasui kiisalu allattoqarfiit ataatsimeeqatigisarlugit. Ataatsimiinnerni tamani Suleqatigiissitani tallimani ICC-ip timalimmik peqataaffigisamini sulini-ni nalunaarutigisarpaa, taavalu sulinerup nangeqqinneqarnissaa kiisalu suliniutinik aqqissuussanillu pingaarnersuinerup nangingneqarnissaanik pillugu periusissiornermut peqataasarluni.

2025-2027-mi Kunngeqarfiup Danmarkip Siulittaasutitaqarnermik Norgemiit tiguserani Siulittaasuutitaqarnerup nalaani suliniutissanut Kalaallit Nunaanni Naalakkersuisut ilanngutassaminnik suliaqarnerannut ICC qanimut suleqataavoq. Aam-mattaaq 2025-mi Issittumi Siunnersuisoqatigiit Ataatsimiinnerannit ataatsimut oqaaseqaatissap isumaqatigiinniutigine-qarnerani ICC timalimmik peqataavoq, ilaatigut Nunat Inoqqaavisa ataasiakkaatut ataatsimoortutullu pisinnaatitaaffi-nik ilanngussinissamik iluatsittumik ilungersuuteqarsimalluni.

Suleqatigiissitani naapilluni ataatsimiittoqartarnissaa ICC-mit suli illersorneqarpoq, tamatumani erseqqissarneqarpoq imartuumik suleqatigiinnermut pingaaruteqarmata kiisalu Siunnersuisoqatigiinni ilisimasallit piffissami kingullermi tunuar-titersimammata. Issittumi tamarmi ilisimasanik paasissutissanillu pilersitsiortornerup ingerlaannartariaqarnera kiisalu Nunat Inoqqaavisa ilisimasaasa sutigut tamatigut akuutinneqartariaqarnerat ataqqineqartariaqarnerallu erseqqissarne-qartuarterpoq.

Ass.: Arctic Council Secretariat



Nunat Inoqqaavisa Ilisimasaat aammalu ilisimasani pilersitseqatigiinneq Kunngearfiup Danmarkip Siulittaasuutitaqarnermini Suliniutissaanut "Issittumi Siunnersuisoqatigiinni sulinermini Nunat Inoqqaavisa akuunerulersinneqarnissaannut" naapertuulluarpot. Nunat Inoqqaavisa ilisimasaat pillugit Issittumi Siunnersuisoqatigiinni 2027-mi suliaqatigiitsinissanut piareersarluni ICC aallartissimavoq. Suliaqatigiinnerit Ataavartumik Peqataasartunit siulersorneqassapput taavalu aningaasalersugaanikkut periarfissatigut, ilisimatusarnermi periarfissatigut naligiinnginneq, kiisalu Nunat Inoqqaavisa angusaqarfiusumik imarlutut pillugit peqataanissaannik sulililersuiffiusumik aalajangeeriaaseqarneq sammeneqassalluni. Nunat Inoqqaavisa Ilisimasaasa allanut naligititaallutik akuerisaalernissaannik ilungersorneq, aammalu Issittumi Siunnersuisoqatigiit suiniutaanni ilisimasani pilersitseqatigeeriaatsit Issittumi Siunnersuisoqatigiit iluatsilluarnissaanut pingaaruteqarput. Issittumi Siunnersuisoqatigiit suliaqatigiitsineranni tassani Ataavartumik Peqataasartut, naalagaaffiit sinniisui, Issittumi Siunnersuisoqatigiit Allattoqarfiat, Suleqatigiissitat Allattoqarfii kiisalu Issittumi Siunnersuisoqatigiinni suliallit attuumassuteqartut katersuutsinneqassapput, taannalu nalilersuinnissamut, suleqatigiinnissamut nutaaliornermullu aallaaviulluassaaq – tamatumuunakkullu Nunat Inoqqaavisa ilisimasaasa Issittumi Siunnersuisoqatigiit ilisimatusarneranni, politikkiini, aalajangiisarnernilu tunngaviutuinassallutik nukittorsaataaginnassallutillu.

ATAATSIMIINNERIT AAQISSUUSINERILLU NAJUUFFIGINEQARTUT

Maj	2023	Issittumi Siunnersuisoqatigiit 13-issaannik ataatsimiinnerat	(Attaveqaatitigut)
September	2023	Issittumi Siunnersuisoqatigiit siunissaat pillugu isummersoqatigiitsineq	Boston, USA
Maj	2024	Issittumi Oqartussat qaffasinnerit siulittaasuata kiisalu Ataavartumik Peqataasartut ataatsimeeqatigiinnerat	Bådåddjo (Bodø), Norge
September	2024	Norgep Aallartitaata aammalu Issittumi Oqartussat qaffasinnerit siulittaasuata, SDWG-ip siulittaasuata aammalu Issittumi Siunnersuisoqatigiit Allattoqarfiata ICC Canadamut pulaarnerat	Ottawa, Canada
January	2025	Issittumi Oqartussat qaffasinnerit siulittaasuata kiisalu Ataavartumik Peqataasartut ataatsimeeqatigiinnerat	Romsa (Tromsø), Norge
January	2025	Issittormiut Inuusuttaasa Ataatsimiinnerat	Romsa (Tromsø), Norge
April	2025	Kunngearfiup Danmarkip Siulittaasuutitaqarnermini Suliasaanik saqqummiineq	Nuuk, Kalaallit Nunaat
Maj	2025	Issittumi Siunnersuisoqatigiit 14-issaannik ataatsimiinnerat	Romsa (Tromsø), Norge (Attaveqaatitigut)
Juni	2025	Issittumi Oqartussat qaffasinnerit siulittaasuata kiisalu Ataavartumik Peqataasartut ataatsimeeqatigiinnerat	Romsa (Tromsø), Norge
Februar	2026	Issittumi Oqartussat qaffasinnerit siulittaasuata, Suleqatigiissitat kiisalu Ataavartumik Peqataasartut ataatsimeeqatigiinnerat	Romsa (Tromsø), Norge
Marts	2026	Issittumi Siunnersuisoqatigiit Siulittaasuutitaqarfiata Sila pillugu ulloqartitsinera	Aarhus, Danmark
Maj	2026	Issittumi Siunnersuisoqatigiit Siulittaasuqarfiata Imartat ataqatigiinnerat pillugu ataatsimiititsinera	Tórshavn, Savalimmiut
Maj	2026	Issittumi Oqartussat qaffasinnerit siulittaasuata Issittumi Naalagaaffinnik, Ataavartumik Peqataasartunik kiisalu Suleqatigiissitanik Periusissiorfiusumik Pilersaarusiorneq pillugu ataatsimeeqateqarnera	Nuuk, Kalaallit Nunaat

Issittumi Siunnersuisoqatigiinni Suleqatigiissitat:

Ajunaarnernik pinaveersaartitsineq, Upalungaarsimaneq Iliuuseqartarnerlu (EPPR)

Ajunaarnernik pinaveersaartitsineq, Upalungaarsimaneq Iliuuseqartarnerlu pillugit Suleqatigiissitami (EPPR) ICC 2022-mi Nunat Inoqqaavisa Ilisimasaannik Atorluaalernissamat suliniummik Canadami Sinerissamik Nakkutilliisunit aningaasaliiffigineqartumik aallartitsivoq. Marts 2023-mi ataatsimiinnermik aallarniutaasumik ICC Ottawami aaqqissuivoq, kingornalu annertusisamik ulluni marlunni sivilissusilimmik Norgemi Bodømi marts 2025-mi Issittumi Ajutoortoqartillugu Iliuuseqar-neq pillugu Ataatsimeersuarnermik aaqqissuilluni. Aaqqissuussinermit nalunaarusiaq 2026-mi EPPR-I-mi ataatsimoorner-mi akuersissutigineqarpoq, tassanilu Nunat Inoqqaavisa Ilisimasaannik Atorluaaneq EPPR-imi suliniutitut ingerlaavartutut oqaatigineqarpoq. EPPR-ip suliniuterpasuisa akornanni qulequtaq taanna ICC-ip aallutiinnarpaa taavalu Ataavartumik Peqataasartunik peqateqarluni makkuninnga suliaqarluni (1) EPPR-mi Periusissanik pilersarusiorneq, kiisalu (2) Issittumi Ujaasineq Annaassiniarlu pillugit Isumaqaatigiissummi Suleriaatsini Najoqqutassanik ineriartortitsineq ingerlaavartuq. Is-sittumi Ujaasineq Annaassiniarnerlu pillugit Isumaqaatigiissut Issittup Inoqqaavinut najugaqarfiinullu tunngatillugu inissisi-maffiit sunniutillu pillugit nipaammat, ICC Ataavartumik Peqataasartunik peqateqarluni suliami tassani Nunat Inoqqaavisa Ilisimasaasa, UNDRIP-ip piviusunngortinneqarnerata aammalu kajumissutsiminnik iliuuseqaqqaartut tapersorsorneqar-nerisa ersersinneqarnissaanik suliaqarpoq. Missingiut inaarutaasoq februar 2027-mi naatsorsuutigineqarpoq. ICC Inoqar-fiit sinnerlugit ilungersorpoq taavalu Ujaasinermit Annaassiniarnermullu, Qinnqornilerinermit, Imaani Avatangiisitigut Iliuuseqarnermit Immikkut ilisimasallit ataatsimiinnerini Nunat Inoqqaavisa Ilisimasaannik ilanngussisarnissaq ilunger-suutigalu.

ATAATSIMIINNERIT AAQQISSUUSSINERILLU NAJUUFFIGINEQARTUT

Marts	2023	EPPR-ip Nunat inoqqaavisa ilisimasaannik atuilernissaq pillugu isummersoqatigiisitsinera	Ottawa, Canada
Oktober	2024	EPPR-ip katersuunnera	(Attaveqaatitigut)
Marts	2025	Issittumi Navianartorsiornermik Aqutsineq pillugu Ataatsimeer-suarneq	Bådådjo (Bodø), Norge
Oktober	2025	EPPR-ip katersuunnera	(Attaveqaatitigut)

Issittup Naasuinik Uumasuinillu Nungutsaaliineq (CAFF)

CAFF-mut Aallartitat Siuttuattut ICC-mi akisussaaffik ICC Alaskamiit ICC Kalaallit Nunaannut 2023-mi nuuppoq. Septem-ber 2024-mi CAFF-ip attaveqaatit atorlugit ataatsimiittarnini nangippai, tassa suleqatigiissitat aammalu suliniutit eqqar-saatigalugit, taamaneriniillu ukioq allortarlugu Aqutsisut kiisalu Suleqatigiissitat ataatsimiinneri ingerlanneqartarput. Kunneqarfik Danmark CAFF-mi 2022-2025-m siulittaasuutitaqarpoq, maannalu Island 2025-2027-mi CAFF-mi siulittaasuutitaqarluni. CAFF-ip ataani suliniutit 15-it ingerlapput, taakkunanngalu qulit ICC-ip aqutsisoqatigeeqarnikkut imaluun-niit immikkut ilisimasalittaqaarnikkut peqataaffigai, taavalu CMBP Coastalimi nunap immikkoortui aallaavigalugit peqataal-lujni, kiisalu AMAP/CAFF-ip ataatsimut suliniutaani matuma kinguliani sukumiinerusumik oqaatigisami ilisimasanmik pilersitseqatigiinnermi siuttoqataalluni.

Qinigaaffiup matuma ingerlanerani CAFF-ip suliai makku ICC-ip aaqqissuuppai imaluunniit aaqqissuueqataaffigai:

Issittumi Uumassusillit Malinnaavigineqarnerannut Suliniut (CBMP) Sineriammut tunngasooq

- Nunat inoqqaavisa ilisimasaannik pigisallit nunap immikkoortuineersut Alaskap Avannaata kitaani North Slope-mi kiisalu Kujataata Kitaaneersut naapippat ajornartorsiutit sakkortusiartuinnartut soorlu silap pissusiata sunniutai, uumassusi-linnik aqutsineq aammalu inuussutissaqaarniarneq qanoq iliuuseqarfigiumallugit. Peqataasunit angallatit angallannerat

piniartaasitoqqanut sunniuteqarsinnaasutut tikkuarpaat aammalu piumasaqarlutik malittarisassanik allanguisoqarnissanik, aqutsinermi nunat inoqqaavisa peqataanerulernissaannik, kiisalu sinerissami uumassusileqarfiit illersornissaat pillugu siumoortumik nungutsaaliuineri iliuuseqarnissamik.

- Nunat inoqqaavisa ilisimasaannik pigisallit toqqartukkat paasiniaavigineqarnerat Alaskami Anchorage-mi ingerlanneqarpoq, immikkut toqqartukkat ataatsimiinneranni angusat CBMP-mi siamasinnerusumik toqqammavissiamut Pilersaarummit ilanngussanut ilaapput, tamatumuunilu taassuma uumassusillit assigiinngissitaarnerat pillugu ataatsimoorullugu malinnaaviginninnermi toqqammavissiaanera erseqqissaqqinneqarluni.
- Nunat inoqqaavisa ilisimasaannik pigisallit peqatigalugit CBMP Canadamik timitaliinnermut ilanngullugu Nunavummi Sanikiluami suliaqaqatigiisitsineq, tassani qarasaasiakkut oqarasuaatikkuunniit atortorissaarutit SIKU-kkututut ittut Nunap Inoqqaavisa ilisimasaannik nalunaarsuineri qanoq atorineqarsinnaanerata samminneqarpoq kiisalu issittumi uumassusillit assigiinngissitaarnerat pillugu nalilersuisarnerni Nunat inoqqaavisa ilisimasaat qanoq annertunerusumik atorineqarsinnaanersut sammineqarpoq.

AMAP/CAFF-mit Silap allanngoriartornerata Issittumi uumassusileqarfinnut sunniutai pillugit suliniut aammalu qisuariaatit attuumassuteqartut:

- Akuleriinnik periaaseqarluni peqataaffigineqartumik Nunat Inoqqaavisa ilisimasaannik pigisallit suliaqaqatigiisinneqarnerat, aamma Nunat inoqqaavisut ilisimasallit Ataavartumik Peqataasartunit toqqagaasut, uumassusileqarfinnut silap allanngornerata sunniutai, naleqqussarneq maattussuserlu pillugit aammalu ilisimasanik pilersitseqatigiinneq pillugu oqallinnermik sammisaqarfiusoq.
- Nunat inoqqaavisut ilisimasalinnik kiisalu ilisimatuutut misissuisunik ataatsimut sammisaqaqatigiisitsineq silap pissusiata allannguutaasa uumassusileqarfinnut sunniutai pillugit ilisimasanik paarlaasseqatigiisitsiniarfiusoq, kiisalu ilisimasanik pilersitsinermi pilersitseqatigiinnermilu periaatsinik pitsaanerpaanik paarlasseqatigiiffiusoq.

2022- 2026-mi ICC-ip CAFF-ip suliaanut tulluuttunut tunniussai:

- Issittup Imartaani Uumassusillit imarmiut imartanit allaneersut (CAFF/PAME-p nalunaarusiaa)
- Issittumi Imaani Avatangiisini Sumiiffik Aallaavigalugu Nungutsaaliuineri Iliuutsit pitsaasut allat (CAFF/PAME-p nalunaarusiaa)
 - Sumiiffiit Nunat Inoqqaavinit Illersugaasut Nungutsaaliuiffiusullu pillugit kapitali ICC-mit allanneqarpoq
- Issittumi Uumassusillit Assigiinngissitaarnerat pillugu Suliat 2025-2035
 - Imaqarniliamut Paasiuminarsakkamut ICC suleqataagami Issittumi Siunnersuisoqatigiit sulineranni Nunat Inoqqaavisa ilisimasaasa pingaarutaat erseqqissarpaa, aamma UNDRIP-mit innersuussineq ilanngullugu.
- Uumassusillit assigiinngissitaarnerat pillugu Nunat inoqqaavisa SIKU atorlugu nalunaarsugaasa CAFF-ip Ataatsimut Nalunaarsugaanut atalersinneqarnerat
 - CAFF-mi Canadamit Issittup Inoqqaavinit Inuusuttumit Nersornaatitut Suleqataasumit Joshua Komangapik-mit allagaasoq. Nersornaatitut suleqataanermut ICC siunnersortaavoq nalunaarusiamillu nalilersuisuulluni.

ATAATSIMIINNERIT AAQQUSSUSSINERILLU ATTUUMASSUTEQARTUT PEQATAAFFIGISAT

November	2023	CBMP-ip Canadap Sineriaani Nunat inoqqaavisa inuusuttaannik aallarniutaasumik ataatsimiittitsinera	Ottawa, Canada
Februar	2024	CBMP-ip Alaskap kimmuk kujataani nunat inoqqaavisut ilisimasalik pigisalinna katersuutitsinera	Bethel, USA
Marts	2024	CBMP-ip Alaskami qaqqarsuit avannaanni nunat inoqqaavisut ilisimasalik pigisalinna katersuutitsinera	Utqiagvik, USA
April	2024	CBMP-ip Alaskap kimmuk avannaanni nunat inoqqaavisut ilisimasalik pigisalinna katersuutitsinera	(Attaveqaatitigut)
September	2024	Meeting of CAFF-ip siulittaasuata, Allattaaanerup, ICC-ip siulittaasuata, ICC CAFF HoD-ip ataatsimiinnerat	Nuuk, Kalaallit Nunaat
September	2024	CAFF-mi Ukioq allortarlugu siulersuisut ataatsimiinnerat	(Attaveqaatitigut)
November	2024	CAFF CBMP Nunani avannarlerni nunami misissuiffissalik nalilersuinera	København, Danmark
December	2024	Issittumi Suliniunni Kapilisinniartartut ataatsimiinnerat	(Attaveqaatitigut)
January	2025	CAFF-mi Ukioq allortarlugu siulersuisut ataatsimiinnerat	Ottawa, Canada
Februar	2025	CAFF-mi Ukioq allortarlugu siulersuisut ataatsimiinnerat	(Attaveqaatitigut)
September	2025	CAFF-imi Aqutsisuunerit ataatsimiinnerat kiisalu Suleqatigiissitat katersuunnerat	(Attaveqaatitigut)
January	2026	Atlantiku Avannaanni appat piniagaanerat pillugu aqutsinermi isummersoqatigiinneq	Reykjavik, Island
Februar	2026	CAFF-imi Aqutsisuunerit ataatsimiinnerat kiisalu Suleqatigiissitat katersuunnerat	(Attaveqaatitigut)
Marts	2026	AMAP/CAFF-mi Nunat inoqqaavisut ilisimasallit Isummersoqatigiissinneqarnerat aammalu Ilisimatuutut misissuisunik isummersoqateqarneq	Aarhus, Danmark
April	2026	CBMP-ip Nunat inoqqaavisut ilisimasalinnik isummersoqatigiissitsinera	Sanikiluaq, Canada

Issittup Imartaani Avatangiisinik Illersuineq (PAME)

PAME tallimanik immikkut ilisimasallit suleqatigiissitaliorsimavoq, soorlu Assartuineq, Pisuussutini Misissuineq kiisalu Inerirtortitsineq (REDDEG), Uumassusileqarfinnik Aallaaveqarneq, Imartat Illersugaasut (MP), kiisalu Imaanut Eqqaaneq, immikkullu ilisimasallit suleqatigiissitat tamarmik namminneq qassiniq suliniutiniq ingerlataqarlutik. ICC immikkut ilisimasallit suleqatigiissitaanni tamani peqataasarpog, tapersersuisarluni aammalu ilanngussaqaqarluni, suliniutinili aqutseqataaffigisatsinni siumut isiginerusarluni. Suliniutit ilaat aallarteqqaarnerani ICC-ip peqataaffigisimasaa tassaavoq Imaani Suliat Timitalimmik Peqataaffigineqarnerat (MEMA). MEMA-p suliniutai marluk ineriartortinneqarsimapput, kiisalu qinigaaffiup matuma aallartinnerani Issittumi Siunnersuisoqatigiinni aporfissaasut pissutigalugit unikaallattarsimagaluartumik suliat avammuk attaveqarfiusut suliaavut. Uumassusileqarfinnik Aallaaveqarneq pillugu immikkut ilisimasallit suleqatigiissitaata Naleqartitat Nalilersuisarnerlu pillugit isumasioqatigiissitsinerata oktober 2025-mi pisup pilersaarusiorneqarnerani ICC peqataavoq. Inuit naleqartitaasa Uumassusileqarfinnik Aallaaveqarnermut ilaatinneqarnissaat qularnaarumallugu isumasioqatigiinneq taanna pisariaqartinneqartut oqaatigineqarsimavoq. Inuit najugaqarfiini pisariaqartitat pingaartitallu naapertorlugit suliniutiniq pilersitsisoqarnissaanik ICC Naalagaaffinnut kiisalu Assartuineq pillugu Immikkut

Ilisimasallit suleqatigiissitaannut noqqaassuteqarsimavoq. Imaanut Eqqaasarneq pillugu Immikkut Ilisimasallit Suleqatigiissitaat PAME-mi immikkut ilisimasallit nutaanersaraat, taavalu Nunat immikkoortuini Iliuusissatut Pilersaarusiarnut oqaaseqaasiornermut ICC peqataasimavoq taavalu Sinerianni Saliinerit pillugit suliniutini Inuit najugaasa ilanngunneqar-nissaannik kajumissaaruteqarsimalluni.

Imartat Illersugaasut pillugit Immikkut Ilisimasallit Suleqatigiissitaannut ilaasutut *Issittumi Imartani Nungutsaaliuneq pil-lugu Suleqatigiiffimmi Toqqammavissat* pillugit nalunaarusiamut ICC suleqataasimavoq, kiisalu *Sumiiffiit Aallaavigalugit Nungutsaaliuinerit Allat* pillugit nalunaarusiamut peqataasimalluni. Issittup Imartaani Nungutsaaliuineq pillugu Isumasio-qatigiinnermi pilersaarusiokatigiinnut / ataqatigiissaarisoqatigiinnut 2026-mi ICC ilannguppoq, kiisalu Uumassusileqar-finnik Aallaaveqarneq kiisalu Imartat Illersugaasut pillugit sulineri najoqqutassiortussanut ilanngulluni PAME-mi pingaar-nerutitat pillugit naatsumik paasissutissiissusiornissaq siunertaralugu. Aammattaaq PAME/CAFF-ip ataatsimoorlutik suliniutaanni *Issittumi uumasut uumassusileqarfiillu Sumiiffik Aallaavigalugit Nungutsaaliuiffigineqarneranni Pilersaaru-sionnermi Atortussamik Ineriartortitsineri* immikkut ilisimasallit ICC-ip 2026-mi ilannguffigai.

ATAATSIMIINNERIT AAQISSUUSSINERILLU NAJUUFFIGINEQARTUT

December	2024	PAME-p Uumassusileqarfinnik aallaaveqarluni suleriaaseqa-rnerup atulersinneqarnissaa pillugu isummersoqatigiisitsinera	København, Danmark
April	2025	Uumassusileqarfinnik aallaaveqarneq pillugu Ataatsimeersuar-neq	Romsa (Tromsø), Norge

Piujartitsinermik Tunngaveqarluni Ineriartortitsinermut Suleqatigiissitat (SDWG)

Qinigaaffiup ingerlanerani suliniutip Local 2 Global (L2G)-ip 2021-mi naammassisup iluatsilluarsimanerani ICC ingerla-titseqqittuartarpoq. ICC suliniutinik namminerisaminik ingerlataqartarpoq taavalu SDWG-mut taakku saqqummiuttarpai isumassarsianik nutaanik pilersitsinissaq siunertaralugu. Assersuutigalugu 2024-mi martsimi ICC Inunnik Siunnersuisar-tunik Nunat tamalaat akornanni katersortitsivoq Inuit Nunaanni tamarmit siunnersortit suleriaasii pitsaanerpaat tamak-kerlugit katersorumallugit, nalunaarusiamilu paasisat siammarumallugit. Issittumi Nunat Inoqqaavisa Peqqissusiat pillugu Nunat inoqqaavinit siulersugaasumik oqalliffiusumik katersuutitsineq aqqutigalugu paarlaasseqatigiinnissaq, inassute-qaasiornissaq kiisalu suleqatigiinnerup tapersorsorneqarnissaa siunertaralugu ICC Saamit Siunnersuisoqatigiiffiannik kiisalu Gwich'init Nunanit arlalinneersut Siunnersuisoqatigiiffiat suleqatigalugit Issittumi Nunat Inoqqaavisa Peqqissusiat pillugu Oqallittarfimmik Qaffasissumik suliaqarnermut peqataavoq.

2025-2027-mi ICC SDWG-imi Ataavartumik Peqataasartunit siulittaasup tulliatut innersuunneqarsimavoq. ICC Ataavar-tumik Peqataasartunik allanik ataqatigiissaareqateqartarpoq taavalu Nunat Inoqqaavisa ataatsimoorlutik pingartitaat pillugit oqallitsitsiniartarlutik. SDWG marlunnik siulittaasup tullegarpoq: ataaseq qinigaaffimmi Issittumi Siulittaasuutita-qartussanngortunit pisoq (Sverige) kiisalu ataaseq Ataavartumik Peqataasartunit innersuussutaasoq.

ICC SDWG-imi Aallartitat Siuttuisa Ataatsimiinnerannut, SDWG-ip ataani suleqatigiissitaqqanut peqataalluurtarpoq, kiisalu Issittumi Peqqissuseq pillugu Immikkut Ilisimasalinnut (AHHEG) kiisalu Isumaginninnikkut, Aningaasarsiornikkut Kulturikkullu Immikkut Ilisimasalinnut (SECEG), SDWG-mi Immikkut ilisimasalinnut akuulluurtarluni. Issittumi Siunnersuiso-qatigiinni suleqatigiissitanut taakkununga Nunat Inoqqaavinit kiisalu inunnut tunngasunik ICC saqqummiuurtarpoq.

ATAATSIMIINNERIT AAQISSUUSSINERILLU NAJUUFFIGINEQARTUT

Oktober	2022	Qarasaasiatigut Oqaluttuarterneq pillugu isummersoqatigiinneq (Local 2 Global)	Akureyri, Island
Marts	2024	Inuit Isumaginninnermi siunnersortit katersuunnerat	Ottawa, Canada
Juli	2024	Issittumi peqqissutsimut immikkut ilisimasallit suleqatigiissitaat	Attaveqaatitigut

Issittumi Avatangiisinik Malinnaavigininneq Naliliisarnerlu (AMAP)

ICC ukiorpassuarni AMAP-mut ilaasortaasimavoq aammalu naliliisarnerni immikkullu ilisimasallit suleqatigiissitaanni suli peqataasarpog kiisalu AMAP-mi Nunat inoqqaavisa pitsaanerumik akuutinneqarnisaannik erseqqissaajuartarluni. Issittumi Silap Allanngoriartornera pillugu AMAP-ip 2024-mi paasisanik nutarterinerani Immikkoortumi Issittumi Immap Seernarsiartorneranut tunngasumi ICC suleqataavoq. 2021-mi AMAP-ip naliliineranut: *Issittumi Inuit Peqqissusiat-nut* ilanngullugu ajutoorfiusinnaasut pillugit saqqummiussisarneq pillugu immikkoortoq ICC-lip siuttuuffigaa, taavalu suliaq taanbna tunngavigalugu allaaserisaq ilisimasalinnit allanit naliliivigineqartoq siuttuuffigaa, Issittumi Kviksølv pillugu naliliinnermut ilanngullugu Issittumi kviksølv pillugu misissuinnermut Nunat Inoqqavisa suleqataanerat pillugu immikkoortortaq pernaataasoq ICC-mit siuttoqqataaffigineqarpoq, aammattaarluni suliaq taanna pillugu allaaserisaq ilisimasalinnit allanit nalileeqqataaffigineqartoq saqqummersippaa. ICC-ip AMAP-mi immikkut ilisimasallit suleqatigiiffianni akuunini nangippaa, soorlu Minguit Timimi Arrortikkuminaatsut (POP), aammattaq naliliiffigisavut kiisalu allaaserisap saqqummerneranut peqataaffigisavut.

Massakkut Nunat Inoqqaavisa Plastikkit pillugit Suleqatigiissitaannik pilersitsiniarsarivugut AMAP-ip Plastikkit pillugit Immikkut Ilisimasalinnik Suleqatigiissitaanut attuumassuteqartussamik, aammalu Silap Allanngoriartornera pillugu Immikkut Ilisimasallit Suleqatigiissitaannut peqataallutik (Silap Allanngornerata Inunnut Sunniutaanik Naliliineq), taavalu AMAP/CAFF-ip Uumassusileqarfiit pillugit sulineranut ilanngutissallutik.

Ass.: Inuit Circumpolar Council



Imartanik aqutsineq



Ass.: Inuit Circumpolar Council

ICC-ip imartanik aqutsinermi peqataaffigisai amerliartorput. Ukiut kingulliit sisamat ingerlaneranni Inuit imartat sikullu ataatsimoorussatta illersorneqarnissaannik allanngutsaaliorneqarnissaannillu sulineri siuttuusimapput illersuisuusimal-lutillu. Inuiaqatigiittut imarsiortuunerusutut Inuit Issittup imartaanik inuussuteqarfeqarput, tassuuna inuttut attaveqatigiip-put, aningaasarsiorfeqarlutik aammalu inoqarfinnut ungasissunut pisuussutinik pajuttoqfeqarlutik.

Qangali isigilerparput angallannerup inuillu piliaasa annertusiartornerannit imaani avatangiisit imaanilu miluumasut sunni-gaanerat. Suliat, soorlu immap naqqani itisuumi aatsitassarsiornerit, avasissup naqqani suliat suliffissuaqarnikkullu suliat allat pillugit Naalagaaffiit suliaqarfiillu allat paasissutissanik katersuipput, oqallillutik aalajangiisarlutillu Inuit peqataaffigi-ngisaannik. Issittumissaaq suliat amerliartornerisa kingunerisaannik Issittup Imartaata Qiterpasissuani imarpimmi nungutsaaliuineri periaatsinut Naalagaaffiit suliniaqatigiiffiillu soqutiginninnerat alliartorpoq. Ulloq manna tikillugit imarpiit aqunneqartarsimapput nunat eqqaamiorit isumaqatigiissutaat kiisalu nunat tamalaat isumaqatigiissutaat soorlu OSPAR-ikkutut ittut aqqutigalugit (Atlantikup Avannaata Kangisissuani Imaani Avatangiisinik Illerusineq pillugu Oslo-Pari-simi Naalagaaffiit Isumaqatigiissutaat.

OSPAR-ip Issittumut isiginiarnerata annertusiartornera ilutigalugu ICC OSPAR-mut attuumassuteqariartuinnarpoq. Issit-tumi Angusat pillugit Suleqatigiissinut peqataanini aqqutigalugu Inuit pisinnaatitaaffiinut ataqqinnilluni attassillunilu imar-tani nungutsaaliuineri suleriaatsinik ICC illersuisarpoq. 2025-mi juunimi OSPAR-ip Kommissionip aammalu Naalakker-suisut Ataatsimiinneranni Isumaqatigiissummik atsiueqataasunit Vigo-mit Nalunaarut atsiorneqarpoq, tassungalu ilaavoq Imaani Allanngutsaalisagarfiit imaluunniit Atlantikup Avannaata Kangisissuani Issittumi sumiiffimmik aallaaveqarluni nungutsaaliuineri iliutsit pitsaasut pingaarnersiorneqarnissaannut sammivik, tassuunalu sumiiffinnik taama ittunik al-

Ianngutsaalisassanngortillugu Nunat Inoqqaavisa pisinnaatitaaffiik ataqinnittalernissaq pisussaaffiliutinneqartassaaq, kiisalu OSPAR-mik atsiueqataasut Nunat Inoqqaavisa Pisinnaatitaaffii pillugit Naalagaaffiit Peqatigiit Nalunaarutaannik “assut ataqinninnissaannut” isumaqatigiissuteqarfigineqarlutik. Juuni 2025-mi OSPAR Kommissionip Naalakkersuisullu Ataatsimiinneranni ICC najuuppoq oqaaseqaateqarluni, maj 2026-milu ICC-ip Siulersuisuuneri aalajangerput Nunat Inoqqaavisa Suliniaqatigiiffiisa sinniisuutitaqarsinnaasutut imminnut inissisimaffeqalernerat qanittukkut pisoq tunngavigalugu Alaatsinaattut Inissisimalernissamik anguniagaqarniarlutik.

Imartani avatangiisit illersorneqarnissaannut nunarsuarmioqatigiit toqqammavissaat nutaanerpaq tassaavoq Nunat Killeqarfiisa Avataanni Imaani Uumassutillit Amerlaarsuoginnarnissaannik Naalagaaffiit Peqatigiit Isumaqatigiissutaat **(BBNJ)**, aammattaaq Imaviit pillugit Naalagaaffiit Peqatigiit Isumaqatigiissutaattut ilisimaneqartoq, nunarsuaq tamakkerlugu isumaqatigiissut januar 2026-mi atuutsilersoq. Isumaqatigiissutikkut tassuuna imavinni nungutsaaliuineq pillugu nunarsuarmioqatigiit toqqammavissaqalerput, taannalu Inuit immamut, immap sikuani uumasuinullu atasuunerput eqqarsaatigalugu assut uatsinnut naleqquttuuvog. Atsiueqataasut Ataatsimeersuarnerat siulleg januar 2027-mi pissaaq.

ATAATSIMIINNERIT AAQISSUUSSINERILLU NAJUUFFIGINEQARTUT

Oktober	2023	OSPAR Issittumi angusat pillugit suleqatigiissitat ataatsimiinnerat	København, Danmark
November	2023	Inuit pisinnaatitaaffii kiisalu aalisarneq pillugu immikkut ilisimasalilit ataatsimiinnerat	København, Danmark
September-Oktober	2024	OSPAR Issittumi angusat pillugit suleqatigiissitat ataatsimiinnerat	Nuuk, Kalaallit Nunaat
April	2025	Imaani pisuussutit pillugit Suleqatigiinneq aamma Aqutsineq	Shanghai, China
April	2025	Ataqatigiissaarisooqatigiit kiisalu Aallartitat siuttuisa ataatsimeeqatigiinnerat	London, United Kingdom
April	2025	Our Oceans Conference (Imartavut pillugit Ataatsimeersuarneq)	Busan, Korea Kujalleq
Juni	2025	Naalagaaffiit Peqatigiit Imapriit pillugit Ataatsimeersuartsinerat	Nice, Frankrig
Juni	2025	OSPAR Kommission aamma Naalakkersuisut ataatsimiinnerat	Vigo, Spain

Pikialasorsuaq pillugu suliniut

(1) Inuit siulersugaannik aqutsisoqarfiliornissaq siunertaralugu, (2) Pikialasorsuup eqqaani inoqarfiit isumasiorlugit aqutsivimmik annerusumik pilersitsinikkut illersuiffimmik pilersitsinissaq siunertaralugu, kiisalu (3) Pikialasorsuup eqqaani Canadap Kalaallillu Nunaata akornanni naalagaaffimmut isernissamut akuersissuteqarani sumiuussusermullu allagartaqarani (pas) angalasoqarsinnaalernissaa siunertaralugu 2017-mi Pikialasorsuaq pillugu Ataatsimiititaliap Inassuteqaatai saqqummiunneqarmatali taakku piviusunngortinneqarnissaat pillugu ICC annertuunik suliaqarsimavoq. Ataatsimiititaliap kingornalu anguniakkanik timitaliinerup sulissutigineqarneranni inoqarfiit akuutinneqarsimapput anguniakkat timitalerneqassap-pata suut pisariaqarnersut paasiumallugu.

Pikialasorsuarmi suliat sulii siursaqqikkumallugit suleqatigiinnerulernissamik siunertaqarlutik 2023-mi oktoberimi Canadap Naalakkersuisui kiisalu Kalaallit Nunaata Naalakkersuisui siunniussat pillugit isumaqatigiissummik atsioqatigineqarput. Siunniussanik Isumaqatigiissummi inassuteqaat 1 kisimi sammineqarpoq: Inuit siulersugaannik aqutsinermut oqartus-sanik pilersitsisoqarnissaa.

Septembarip 11-12-ianni, 2024, ICC-ip Siulittaasuata allaffia, ICC Kalaallit Nunaat aamma QIA, ICC Canadamit taperser-

sorneqarlutik Isumaqatigiisummut Atsiueqataasunik Nuummi ataatsimiititsipput. Atsiueqataasut Ataatsimiinnerat ICC-p Siulittaasuanit Sara Olsvigimit kiisalu Siulittaasumit Olayuk Akesuk-mit siuttoqqataaffigineqarpoq, taavalu Pikialasorsuaq pillugu Suliniut sulisukumiinerusumik timitalerniarlugu pitsanngorsarniarlugulu inassuteqaatit nutaat 21-it suliarineqarput.

Siunertamik isumaqatigiisummi Kalaallit Nunaata Canadallu akornanni pilersinneqartussatut piumasarineqartutut Pikialasorsuarmi Aqutsisoqatigiit Sulinerminni Najoqqutaasaannut missingiut Teknikkimut Ataatsimiititaliamit suliareqqinneqarlunilu oqaasertalersoqqinneqarsimavoq. ICC Kalaallit Nunaat kiisalu Qikittani Inuit Suleqatigiiffiat, ICC Canadamit tapersersorneqarlutik Aqutsisoqatigiit Sulinerminni najoqqutassaannik Inuit peqataanerannik qularnaarisussamik suliaqarput. Ukiuni aggersuni Aqutsisoqatigiit allattoqarfeqarnissaanut Gordon and Betty Moore Foundationimit ICC Kalaallit Nunaat aningaasanik pissarsisimavoq, taavalu Pikialasorsuarmi Suliniutip siuarsarnissaa pillugu ICC-ip Kalaallit Nunaanni kiisalu Canadami naalakkersuisut suleqatigittuinnassavai.

2023-mi ICC Pikialasorsuarmi Suliniut pillugu Naalagaaffiit Peqatigiit Ineriartortitsinermit Suliniutaannit (UNDP) Nersornaammik (Equator) tunineqarpoq. Tamatuma kingorna suliamik misississuineq UNDP-mit saqqummersinneqarpoq. Tamatuma saniatigut 2024-2025-mi ICC Kalaallit Nunaat WWF Danmarkip Kalaallit Nunaanni immikkoortortaanit kiisalu WWF Canadamit aningaasannappoq Pikialasorsuaq pillugu Inuit ilisimasaannik Kalaallit Nunaata tungaanneersunik misissuinermit atugassanik. Suliaq taanna ICC Kalaallit Nunaata Nalunaarusiaanik *Pikialasorsuarmik eqqaanillu inuuniuteqarnermik immikkut ittumik nalunaarusiaq Piniartut aalisartullu Pikialasorsuup imaanik avatangiisiminnillu inuuniuteqarnerat*, 13-inik pingaarutilinnik oqariatuutitalimmik inerineqarpoq. 2025-mi maajimi ICC aamma QIA suleqatigiillutik Issittumi Siunnerisuoqatigiit saqqummersittagaanni allaaserisamik - Pikialasorsuaq in Pathways – saqqummersitsipput.

Canadami suliniutinik timitaliinermi ICC Canadap Qikittani Inuit Suleqatigiiffiat (QIA) qanimut suleqatigiinnarpaa, tamatumaniilu Canadap Aalisarnermut Imartanullu Pisortaqarfia ataqatigiissaareqartigisarlugulu. Sarvarjuup, Pikialasorsuup Canadamut tungerliata Inuktitut taaguutaata, aqunneqarnera tapersersorpaa, imartarlu taanna marts 2026-mi Imartatut Illersukkatut (MPA) inissisimalerpoq.

ATAATSIMIINNERIT AAQISSUUSINERILLU NAJUUFFIGINEQARTUT

September	2024	Pikialasorsuarmi Isumaqatigiisummut Peqataasut ataatsimiinnerat	Nuuk, Kalaallit Nunaat
-----------	------	---	------------------------

Imarsiorneq pillugu Nunarsuarmioqatigiit Suleqatigiiffiat

2021-mi Imarsiorneq pillugu Suleqatigiiffissuarmi alaatsinaattuugallartut inissisimatitaalerluni, 2025-milu aalajangersimasumik tusarniaavusartunngortitaalluni ICC Nunat inoqqaavisa suliniaqatigiiffiini siullersaalluni Imarsiorneq pillugu Suleqatigiiffimmi issiaveqalerpoq, tamannalu Inuiaqatitsinnit inoqarfinniillu ICC-mut taama inissinniaqqusinermit toqqaanartumik qisuariaataavoq. Imarsiorneq pillugu Suleqatigiiffissuup oqaluttuarisaanermi pingaarutilimmik aalajangernera taanna imartanik aqutsinermit Nunat inoqqaavisa pisinnaatitaaffiinut ilisimasaannullu akuersaarnermik ersersitsineruvoq assut pingaarutilik. Inuiaqatittat isumaannik pingaartitaannillu Imarsiorneq pillugu Suleqatigiiffimmut saqqummiussisarnerit aqqutigalugit paaliortunik aniatitsinerup annikillisarneqarnissaanik suleqatigiissitanut allagaqaateqartarluni najuutarlunilu ICC suliniarsimavoq, gassinik silamik kiassartortitsisartunik annikillisaanissaq pillugu periusissiornermut, kiisalu immap iluani nipiliorterup annikillisinneqarnissaa pillugu suliniarnermut saqqummiussaqaqtarsimalluni. Qulequttat taakku pillugit ICC toqqaannartumik ilanngussaqaqtarpoq, nunat eqqaamioriit suleqatigiiffiini suleqateqarluni, taavalu ataatsimiititaliaaqqat Mingutsitsinermit Pinaveersaartitsinermit Iliuseqarnermillu, kiisalu Umiarsuit Ilusilersugaanerit Sannaallu

pillugit suliaqarfiusut najuuffigisarlugit. Imarsiorneq pillugu Suleqatigiiffiup marts 2024-mi Imaani Avatangiisinik Illersuinnermut Ataatsimiititaliap ataatsimiinnerani Issittumi Silaannarmik Aniatitsineq pillugu Aqutsivimmik Canadap siunner-suutaata akuerineqarneratigut aningaasartuutikillisaanermut Canadap iliuusissatut pilersaarutaa toqqammavissialu akuerineqartinniarlugu sulineq ingerlavoq, tassa piumasaqaatinut nutaanut ikaarsaarnep tamatuma ingerlanerani Inuit allanut naleqqiullutik annerusumik aningaasartuutit nammataqannginnissaat qularnaarumallugu.

Imarsiorneq pillugu Suleqatigiiffimmi Nunat inoqqaavisa ilisimasaannik akuutitsisarneq eqqumaffiginnilersitsinerlu atorlugit ICC-ip pingartitavut siammartertuarpai, taavalu Issittumi Inuillu Nunaanni umiarsuit angalasut imannaatsumik pinngortitamullu ajoqutaanngitsumik angalanissaat qularnaarniarlugu Nunat Inoqqaavisa pisinnaatitaaffii pillugit Naalagaaffiit Peqatigiit Nalunaarutaat timitalersinniartarpaa. Inunnut tunngassuteqartutigut Imarsiorneq pillugu Suleqatigiiffimmi malunnaatilimmik allannguinnissaq siunertarlugu ICC ukiunut qassinut atuuttussamik iliuusissatut pilersarusiussaaq.

ATAATSIMIINNERIT AAQISSUUSSINERILLU NAJUUFFIGINEQARTUT

Oktober	2022	Issittumi imaatigut angallaneq pillugu ataatsimiinneq Imaani Isumannaallisaaneq pillugu Ataatsimiinneq	London, UK
December	2022	Imaani Avatangiisinik Illersuineq pillugu Ataatsimiititaliap ataatsimiinnera	London, UK
Januar	2023	Immap iluani nipiliorneq pillugu Ataatsimiinneq	London, UK
April	2023	Mingutsitsinaveersaaneq pillugu Iliuseqarnermut ataatsimiititaliaaqqap ataatsimiinnera	London, UK
September	2023	Imarsiorneq pillugu Suleqatigiiffiup Immap Iluani Nipiliorneq GHG-mik annikillisaaneq pillugu isummersoqatigiinnermut atasog	London, UK
Februar	2024	Mingutsitsinaveersaaneq pillugu Iliuseqarnermut ataatsimiititaliaaqqap ataatsimiinnera	London, UK
Marts	2024	Imaani Avatangiisinik Illersuineq pillugu Ataatsimiititaliaq aamma Nunat Inoqqaavinut tungerliit aaqqissuussinerat	London, UK
September	2024	Imaani Avatangiisinik Illersuineq pillugu Ataatsimiititaliap ataatsimiinnera	London, UK
Januar	2025	Issittumi Imarsiorneq pillugu Isumasioqatigiinneq	London, UK
Januar	2025	Umiarsuit ilusaat sannaallu pillugit ataatsimiititaliaaqqap ataatsimiinnera	London, UK
Februar	2025	Mingutsitsinaveersaaneq pillugu Iliuseqarnermut ataatsimiititaliaaqqap ataatsimiinnera	London, UK
April	2025	Imaani Avatangiisinik Illersuineq pillugu Ataatsimiititaliap ataatsimiinnera	London, UK
Juli	2025	Imarsiorneq pillugu Suleqatigiiffimmi Siunnersuisoqatigiit	London, UK
December	2025	Imarsiorneq pillugu Suleqatigiiffimmi Katersuunneq	London, UK
April	2026	Imaani Avatangiisinik Illersuineq pillugu Ataatsimiititaliap ataatsimiinnera	London, UK
Maj	2026	Imaani isumannaallisaanermut ataatsimiititaliap ataatsimiinnera	London, UK

Issittup Imartaata Qiterpasissuani Aalisarneq pillugu Isumaqatigiissut



Ass.: Inuit Circumpolar Council

Aallaqqaataaniilli Issittup Imartaata Qiterpasissuani Malittarisassaqaartitaanngitsumik Aalisarnerup Pinngitsoortinneqar-nissaanik Isumaqatigiissutip (CAOFA) isumaqatigiinniutigineqarnerani ICC peqataasimavoq nunat ataasiakkaat aallartitaat aqutugalugit. Nunat tamalaat isumaqatigiissutaattut Issittup Inoqqaavinik kiisalu Nunat inoqqaavisa ilisimasaannik erseq-qissumik akuutitsiviusutut inatsisitigut pisussaaffiliisuummat nunat killeqarfiisa avataanni aqunneqanngitsumik aalisar-toqalernissaa pinngitsoortinniarlugu ICC akuutinneqarnissaminik ilungersuuteqarsimavoq taavalu Issittup Imartaata Qiterpasissuata (CAO) pitsaasumik aqunneqarnissaa siunertarlugu ilisimatuussutsikkut misissuisut suleqatigineqarnis-saannik ilungersuuteqarsimalluni.

Nunat inoqqaavisa ilisimasaasa atorineqarnissaannik suliniarnermi ilisimasani pigisallit Inoqarfiillu pingaartitaasa tunnius-saasalu aallaavineqarnissaat qularnaarumallugu 2022-miilli ICC-ip immikkoortortaqaarfiiniit Inuit nunaasa immikkoortui suleqatigineqartarsimapput. Atsiueqataasut katersuunneranni (COP) aammalu ilisimatuussutsikkut Ataqaatigiissaarisoga-tigiit (SCG) ataatsimiinnerini tamani aammalu 2022-mi COP1-imiit suleqatigiissitaani sisamaasuni ICC najuuttarsimavoq, taakkunanilu Nunat inoqqaavisa ilisimasaasa suunerat, nunagisatsinni Inuit ilisimatuunut qanoq qanimut suleqateqar-sinnaanerit, aammalu ilisimasatta uumassusileqarfinnik aallaaveqarluni Issittup Imartaata Qiterpasissuani qanoq paasi-saqarfiutigisarnerani ICC erseqqissaasarpog. CAOFA-ip suliaani tamani allagaatini najoqqutarineqartuni pingaarutilinni tamani Nunat inoqqaavisa ilisimasaat ilanngunneqartarput. Suliani ingerlasuni isumaqatigiissut naapertorlugu immap sikuata illersugaanerani siku Inunnut qanoq pingaaruteqartiginera paasititsissutiginiarneqartarpoq, aammalu paasissu-tissanik aqutsinerup, isumannaallisaanerup oqartussaassuseqarnerullu paasissutissanik Nunat inoqqaavisut ilisimasallit pigisaannik pissarsinissamut, piginittuunermut aqutsinermullu aqutaasarnerat qularnaarniarneqartarluni.

ATAATSIMIINNERIT AAQISSUUSSINERILLU NAJUUFFIGINEQARTUT

November	2022	Isumaqatigiissummut peqataasut pernaammik ataatsimiinnerat	Incheon, Korea Kujalleq
Marts	2023	Ilisimatuussutsikkut Ataqtatigiissaarisotatigiit pernaammik ataatsimiinnerat	Utqiagvik, USA
Juni	2023	Isumaqatigiissummut peqataasut aappassaannik ataatsimiinnerat	Incheon, Korea Kujalleq
April	2024	Ilisimatuussutsikkut Ataqtatigiissaarisotatigiit aappassaannik ataatsimiinnerat	Boston, USA
Juni	2024	Isumaqatigiissummut peqataasut pingajussaannik ataatsimiinnerat	Incheon, Korea Kujalleq
Marts	2025	Ilisimatuussutsikkut Ataqtatigiissaarisotatigiit pingajussaannik ataatsimiinnerat	Hafnarfjordur, Island
Juni	2025	Isumaqatigiissummut peqataasut sisamassaannik ataatsimiinnerat	Romsa (Tromsø), Norge
Februar	2026	Misileraalluni Aalisarneq pillugu Suleqtatigiissitat ataatsimiinnerat	Tokyo, Japan
Marts	2026	Ilisimatuussutsikkut Ataqtatigiissaarisotatigiit sisamassaannik ataatsimiinnerat	Hangzhou, China
Juni	2026	CAOFA-ip Oqallitsinera	Bruxelles, Belgium
Juni	2026	Isumaqatigiissummut peqataasut tallimassaannik ataatsimiinnerat	Bruxelles, Belgium

Ass.: Inuit Circumpolar Council



Inuit Ilisimasaat kiisalu Ilisimatusarnernik Aqutsineq



Ass.: Inuit Circumpolar Council

2022-mi Ilulissanit Nalunaarutikkut ICC peqquneqarpoq ilisimatusarfiit suleriaatsiminnik allannguinnissat siunertaralugu ileqqorissaartumik Naligiiffiusumillu Peqataatitsinermut Malitassanik nunat tamalaat akornanni atuutsitsileqqullugu. Aamma, 2022-mi Ilulissanit Nalunaarummi aalajangersakkap 10-ikkut ICC peqquneqarpoq “Inuit Nunaanni ilisimatusarnerit sukutsitaanni tamani Inuit imminnut tunngasunik aalajangiisinnaatitaanerannik ataqqinninissamut aammalu Inuusugut aammalu najugaqarfivut naligiimmik ileqqorissaartumillu suleqatigeqqulluta, tamatumuunakkut Inuit nalaatatik pillugit tunngavissarissaarlutik aalajangiisarnissaannut paasissutissat pissarsiarineqarsinnaasut tunniunneqaqqullugit.”

Oktober 2024-miit Siulittaasoq Sara Olsvig Issittumut Ukiorititat (IPY) Tallimassaanni 2032-33-mi Pilersarusioqatigiinni kiisalu Issittumi Ilisimatusarnernik Pilersarusiorneq pillugu Nunat tamalaat Katersuuffianni Nunat Tamalaat Aqutsisoqatigiivini (ICARP IV)-mi ICC-mut sinniisuusimavoq. 2024-mi decembarimi isummat tunngavissagineqartut ukiumoortumik nalilersorneqarnerannut ICC tunniussaqaarluni qisuariaateqarpoq Nunat Inoqqaavisa pisinnaatitaaffiisa erseqqissumik oqaasertalerneqartarnissaat qularnaarumallugu kiisalu “qitiusut pingajussaannik” oqaasertaliussap peerneqarnissaa siunertaralugu oqaaseqaateqarluni. Maj 2025-mi ICARP IV-mi Ilisimatusarfissanik Pingaarnersieueqatigiinnut sulisumik aallartitaqarniarluni ICC aalajangerpoq, aamma tamatumani suliat suleqatigiiffillu ilisimatusarnermut tunngassuteqartut qasseerpassuit eqqarsaatigalugit. 2025-ip ingerlanerani ICARP-ip suliaanut ICC peqataasarpoq, taavalu ICC-ip politikii tunniussaalu, aamma Naligiimmik Ataqqinnittumillu Peqataatitsinissamik Suleriaatsit, ICARP IV-ip nalunaarusiaani 2026-mi saqqummersumi ersersilluarneqarput.

2025-mi ukiakkut Issittumut Ukiorititani Siulersuisuunerit Nunani Tamalaani Ataqatigiissaarinermut Allaffimmik ingerlatsinermik aningaasaliinermillu ammasumik isumaginnittussarsiorput. Tassunga qisuariaatitut ICC Kalaallit Nunaat Nunani

Tamalaani Tutuuteqarnermut Sullissivik (ICR) siunnersuumik tunniussaqrput. Issittumut Ukiorititat tallimaanni Ataqatigiissaarinnermut Allaffik pillugu Nunat Inoqqaavisa siunnersuutaat akuerineqassappat allattoqarfimmullu tamarmiusumut ilanngullugu pilersinneqassappat ICC KN-ip ICC-ip allaffeqarfii allat nukiit kattullugit suleqatigissavai.

Aammattaaq ICC Nunat Inoqqaavisa Suliniaqatigiiffii arfiniliusut Issittumi Siunnersuisoqatigiinni Ataavartumik Peqataasartuusut akuutinneqarnissaanik siunertaqarami Issittumi Ilisimatusarnermut Aningaasaliisartut Oqaloqatigiittarfiannut (ASFF) ilaasortaavoq.

2026-mi ICC Canada Alaskap Avannaani Uumasunik Aqutsinnermut Pisortaqarfimmik kiisalu Alaskami Utqiagvimmi Nunat Inoqqaavisut Ilisimasalinnik suleqateqarluni Nunat inoqqaavisa ilisimasaat pillugit misissuinnermik naammassisaqarpoq taaguutilimmik “*Ussuit (Erignathus barbatus) Alaskap Imartaani najugannaavi pillugit Nunat Inoqqaavisa ilisimasaat*”, taannalu 2024-2026-mi ingerlanneqarpoq Pew Charitable Trust Lenfest Ocean Programimiillu aningaasaliiffineqarluni. Suliniummik ingerlatsisut ussui ukiup kaajallakkiartornerani najugannaarisartagaannik nalunaarsuipput Inuppiaat piniaartortaanik suleqateqarlutik, taamaaliornikkullu paasissutissat aallaavippiaanni puisit sumiffinnavi pissusiilu pillugit Nunat inoqqaavisa ilisimasaat toqqaannartumik atorneqarput. Suliniutikkut tassuuna ussui najugannaaminnik atuisarnerat pisisilersuutaallu annerusumik paasisimalerneqarnissaat siunertaavoq, taamalu Alaskami ussui naliliviginiarlugit aqunniarlugillu paasissutissat “pitsaanerpaat pissarsiarineqarsinnaasut” amigaatigineqartarnerat qanoq iliuuseqarfigineqarpoq. Suliaq taanna Sikup Puisaanut Ataatsimiititaliamit tapersersorneqarlunilu suleqataaffigineqarpoq, taannalu tassavoq Alaskami puisit sikumiittartut aqutseqatigiiffineqarnissaannut ataatsimiititaliaq. ICC eqqarsaatigalugu suliniutikkut tassuuna ersersinneqarpoq Nunat inoqqaavisa ilisimasaannut suut assersuutaasinnaanersut kiisalu uumasut assigiinngitsut ikiliartunnginnissaat pillugu nunarsuarmioqatigiit paasissutissinneqarnissaannut periarfissat suut pigineqarnersut.

2025-mi 2026-milu ICC iluatsittumik nunanit tamalaanit suleqataasunit aningaasaliisussanik siunnersuuteqarpoq, ilisimatusarnermullu aningaasaliinerit pingasut pissarsiarisimallugit. Nordforskimiit aningaasaliissutit ICC Canadamit pissarsiarineqarput Silap Allanngoriartornera pillugu Naalakkersuisut Isummersoqatigiittarfianni ICC-ip peqataanerata ingerlaqqinnissaanut atugassanik (IPCC), tassani silap allanngornerata immap sikuanik allannguinera pillugu pisussatut akorluukkat kiisalu uumasut najugannaaminnik allannguisinaanerat pillugu Nunat inoqqaavisa ilisimasaannik akuutitsinnermi periaasissanik misissuineq sammineqassalluni. Suliaq taanna 2025-mi aallartippoq 2030-milu naammassissalluni. ICC Canada kiisalu ICC KN EU Horizonimit aningaasaliiffineqarput sulianut makkununga atugassanik: nunat tamalaat ilisimatusarnerini aqutsineq, paasissutissanut oqartussaasuseq, Nunat inoqqaavisa ilisimasaannik nalunaarsuineq kiisalu silap pissusianik siumut eqqoriaanerimi taakkuninnga atuneq eqqarsaatigalugit ICC suliai, Pikialasorsuarmi aqutsinnermi Inuit periaasiannik ineriartortitsinnermut atasumik ilisimatusarneq, kiisalu ICARP-imi, IPY-mi, Issittumilu Siunnersuisoqatigiinni peqataanera, aamma ICC KN-mi sulisumik piffissaq tamaat atorfeqartitsinnermut aningaasaliineq aqqutigalugu, tassuuna IPY-mi suliniutissat tapersersorneqassallutik. Suliniut taanna ukiuni sisamani ingerlasussaavoq 2026-milu ukiakkut aallartissalluni.

2025-imi februaarimi ICC Alaska Nunat inoqqavisut ilisimasalinnik immikkut paasiniaavigisanik ulluni pingasuni katersuutitsivoq, tassanilu katersuutinneqarput Alaskap Inoqqaavi immikkut ilisimasallit, ICC-ip sulisui Alaskamit, Canadamit, Kalaallillu Nunaannit pisut. Naligiimmik lleqqorissaartumillu Peqataatitsinnermi Malitassat tunngavigalugit ilisimasallit immikkut misissuiffigisat issittumi ilisimatusarnermi aalajangiisarnernilu Inuit imartuumik peqataanissamut periarfissaannik ammasumik eqqartuinissamut periarfissaqartitaapput, tassanngalu ICC-ip sulinerani allanilu Nunat Inoqqaavisa ilisimasaannik sulii siuarsaanerunissamik erseqqissumik sammiviliillutik. Nunat tamalaat akornanni ilisimatusarneq pillugu ataatsimeersuartoqartillugu isumasioqatigiittoqartillugulu ICC-ip malunnaatilimmik peqataasalertariaqarnera, Nunat Inoqqaavisa Ilisimasaat pillugit Isumasioqatigiinnermik namminerisatsinnik Inuit aaqqissuisariaqarnerat Ilisimasanik pigisalinnit erseqqissarneqarpoq, kiisalu ilisimasanik pilersitseqatigiinneq piviusoq anguniarlugu ataatsimut sulinissatsinnut tunni-

simanertik uppersaqqippaat. Nunat inoqqaavisut ilisimasallit Immikkut paasiniaavigisat katersuunnertik inaarlugu nalunaarusiorput Nunat inoqqaavisa ilisimasaannut tunngasutigut angusanik pingaarnernik inassuteqaatinillu timitaler-neqarsinnaasunut, Issittup Imartaata Qiterpasissuani Aalisarnek pillugu Isumaqatigiissummut, kiisalu Sinerissami Uumasut assigiinngissitaarnerannik Malinnaaviginninnermut tunngasumik.

ICC aammattaaq 2025-miit Nunat Inoqqaavinik Peqataatitsinermut Ataatsimiititaliami inissisimanini aqutugalugu Nunat Tamalaat Issittoq pillugu Ilisimatusarnermut Ataatsimiititaliaannut (IASC) peqataasimavoq. Taanna aqutugalugu Issittumi Ilisimatusarnek pillugu Ukiumoortumik Sapaatit akunneqartitsinermik kiisalu ukioq allortarlugu Issittumi Malinnaaviginninnerq pillugu Naapeqatigiisitsinermik ICC pilersaarusioqataaannissamut periarfissaqalersimavoq. Taavalu Canadami Kalaallillu Nunaanni allaffinniit 2024-imi Issittumi Malinnaaviginninnerq pillugu Naapisitsisarnerup Najukkamiit Nunarsuarmioqatigiinnut Suleqatigiissitaani kiisalu 2026-mi Nunat Inoqqaavisa Siuttuuffigisaanik Malinnaaviginninnermut Suleqatigiissitaanisiulersueqataapput. Kiisalu Issittumi Malinnaaviginninnermut Suleqatigiiffiup (SAON) suliaanut ICC peqataanerninik nangitsivoq, aamma Inoqarfinnik aallaaveqarluni malinnaaviginninnermi nunap assinganik qarasaasiakkoortumik nutarterinermi (www.arcticcbm.org), taavalu SAON-ROADS-ip Issittup Sikuata allanngorarnera pillugu immikkut ilisimasallit oqallittarfiani aqutsisoqatigiinnut ilaasortaalluni. Suliataakku aqutugalugit ilisimatusarnerup qanoq ingerlanneqarneranut Issitumullu pilersaarusiorneqarneranut ICC annertuumik sunniuteqartarpoq, tamatumanissaaq Issittumi ilisimatusarnermut Inuant Inoqqaavisa ileqqorissaartumik naligisitaallutillu peqataasarnerannik paasinninnerulernissamut, aamma EU-mi, annertuumik sunniuteqarpoq.

Memorial Universitit peqatigalugu Issittumi Mingutsitsinani Imaatigut Angallanneq pillugu Suliniut (CASI) ICC Canadamit siulersueqataaffigineqarpoq. Taanna suliniutaavoq million dollarikkaanik nalilik, aammattaaq Canadami Inuit Nunamik Piginittussaaneq pillugu Isumaqatigiissuteqartuinit siulersueqataaffigineqartoq, tassanilu suliata tamarmik Inunnit siulersorneqarput taavalu ilisimatusarnikkut Inuit namminneq aalajangiisinnaatitaalernissaannik sulineri najoqqutaqarfiullutik. Issittumi imaatigut angallannerup annertusiartorneranut taavalu nunatsinnut, imartatsinnut, inoqarfinnullu sunniutaanik CASI sammisaqarpoq taakkunungalu qisuariaateqartarluni. Ilisimatusarnermi qulequttat sammineqartut pingasut tassaapput (1) piujuartitsiviusumik imaatigut assartuineq aammalu sinerissami / inoqarfinni attaveqaasersuutit, (2) akisussaassusilimmik umiarsuarnik ilusilersuineq, kiisalu (3) Issittumi imaatigut angallannermik aqutsineq. CASI 2030-ip tungaanut ingerlassaaq taavalu suliutit ineriartornera malillugu ICC-eqarfiit allat akuutinneqassallutik.

ATAATSIMIINNERIT AAQISSUUSSINERILLU NAJUUFFIGINEQARTUT

December	2022	ArcticNet Ilisimatuut Ukiumoortumik ataatsimiinnerat	Toronto, Canada
November	2023	Kalaallit Nunaanni Ilisimatusarneq pillugu Sapaatit akunnerat	Nuuk, Kalaallit Nunaat
December	2023	ArcticNet Ilisimatuut Ukiumoortumik ataatsimiinnerat	Iqaluit, Canada
Marts	2024	Arctic Science Summit Week Issittumi Ilisimatusarneq pillugu sapaatit akunnerat katersuunneq (ASSW) Aamma Issittumi Malinnaaviginninneq pillugu ataatsimeersuarneq	Edinburgh, Scotland
Juni	2024	ArcticPASSION Katersuunneq	Aanaar (Inari), Finland
December	2024	ArcticNet Ilisimatuut Ukiumoortumik ataatsimiinnerat	Ottawa, Canada
Februar	2025	ICC Alaska Nunat inoqqaavisut ilisimasallit immikkut paasiniaa-viit	Anchorage, Alaska
Marts	2025	ASSW aamma Issittumi Ilisimatusarnernik pilersaarusiornaq pillugu Nunat tamalaat Ataatsimeersuarnerisa sisamassa	Boulder, USA
April	2025	UArctic Suleqatigiilluni Pisuussutiniq aqutsineq pillugu Issittumi isummersoqatigiinneq	Nuuk, Kalaallit Nunaat
November	2025	Kalaallit Nunaanni Ilisimatusarneq pillugu Sapaatit akunnerat	Nuuk, Kalaallit Nunaat
November	2025	QIMMIT Workshop	Nuuk, Kalaallit Nunaat
November	2025	SAON Immap sikua pillugu immikkut ilisimasallit ataatsimiinne-rat	Nuuk, Kalaallit Nunaat
December	2025	ArcticNet Ilisimatuut Ukiumoortumik ataatsimiinnerat	Calgary, Canada
December	2025	Ilisimatusarnikkut nunat akornanni suleqatigiinneq pillugu EU-p ataatsimeersuartitsinera	København, Danmark
Marts	2026	ASSW aamma aamma Issittumi Malinnaaviginninneq pillugu ataatsimeersuarneq	Aarhus, Danmark
Maj	2026	Uarcticip Ataatsimeersuartitsinera	Tórshavn, Savalimmiut

Silap pissusiata allanngoriartornera, Avatangiisit, Uumasut assigiinngissitaarnerat

Silap pissusiata allanngoriartornera kiisalu UNFCCC aamma IPCC

2022-2026-ip ingerlanerani Silap Allanngoriartornera pillugu Naalagaaffiit Peqatigiit Isumaqatigiissutaanni (UNFCCC) kiisalu Silap Allanngoriartornera pillugu Naalakkersuisut Akornanni Oqaloqatigiittarfimmi (IPCC) silap allanngoriartornera pillugu oqallittarnerni ICC Inuit nipaannik killeqarfiit pitarlugit saqqummiussisarpoq.

ICC UNFCCC-mi pisortatigoortumik Alaatsinaattutut Ataatsimiititaliat Allequtaasut (SB) ataatsimiittarnerini, Isumaqatigiissummut peqataasut Ataatsimiittarnerini (COP-it), Inoqarfiit Nunallu Inoqqaavisa Ataatsimoorfiata (LCIPP ataatsimiittarnerini kiisalu aaqqissuussinerni piginnaatitaalluni peqataaffiusarluni, Naalagaaffiit Peqatigiit pisortatigoortumik saniatigut aaqqissuisarnerini, kiisalu saqqummiiviit saniatigut aaqqissuussisarnerni peqataasarpoq silap allanngoriartornera eqqarsaatigalugu Inuit nalaattagaannik pingaartitaannillu saqqummiussinissamik siunertaqarluni.

2022-2026-imi qinigaaffiup ingerlanerani COP-inut tamanut ICC -ip aallartitai iluatsilluartumik peqataasarput. Silap Allanngoriartornera pillugu Nunani Tamalaanit Nunat Inoqqaavisa Oqallittarfianni (IIPFCC) ICC maannamut sulii suut pingaarutilit isummernernut oqaaseqaatinullu ataatsimoorfiusunut tunniussaqaqataasarpoq, soorlu Naapertuilluartumik Sulianik Ikaarsaartitsineq, silap pissusianut tunngasutigut aningaasalersuineq, aammalu Nunarsuarmi Killiffissiuineq. Naapertuilluartumik Ikaarsaarneq pillugu Nunat Inoqqaavisa Katersuunnerata aaqqissorneqarneranut ICC tapersersuivoq, tassanilu Naapertuilluartumik Ikaarsaarneq pillugu Nunat inoqqaavisa Tunngavii Najoqqutassiaallu suliarineqarput, tassuunalu Nunat inoqqaavisa suliniaqatigiiffiisa pingortitamut ajoqutaanngitsumik aningaasarsiornermut ikaarsaarneq kiisalu silap allanngoriartorneranik annikillisaaniutit allat pillugit isumaqatigiinniartarneri tapersersorneqartarput. ICC-ip Siulittaasua Sara Olsvig Aatsissat Nukissiornikkut Ikaarsaarnermi Pinngitsoorneqarsinnaanngijtsut pillugit Naalagaaffiit Peqatigiit Pisortaata Oqallitsitsineranut peqataaqqullugu aggersarneqarsimavoq. Oqallitsitsinermit nalunaarusiami nukissiornikkut ikaarsaarnermi aatsitassarsiornermi inuit pisinnaatitaaffiisa pingaaruteqassusiat erseqqissarneqarpoq. Allaaserisat taaku tamarmik ICC-ip aammalu IIPFCC-ip suliniarnerini sakkusaasimapput assut naleqartut. UNFCCC-mi isumaqatigiinniarnert aalajangiinerillu ilungersunarsiartuinnarsimapput, uuliakkunnik assigisaannillu ikummateqarnermi ikaarsaarnermi ajornartorsiutit pingaarnerit Peqataasunit isummerfigineqarneq ajorsimammata, aamma aatsitassanik pinngitsoorneqarsinnaanngitsunik qalluineq kiisalu uuliakkunnik ikummateqarnerup atorunnaarsikkiartuaarneqarnissaa pillugu oqaasertaliussat eqqarsaatigalugit. Naapertuilluartumik Sulinermi Ikaarsaarneq pillugu Suliniut pillugu oqaaseqatigiit suliaartallit Nunat inoqqaavisa pisinnaatitaaffiini, aamma imminut tunngasunik aalajangiisinnatitaanerannik erseqqissaaviusut immikkuullarissut COP30-mi akueritinneqarnerat sulianut iluatsittunut ilaavoq, taakkulu tassaapput UNFCCC-mi oqaaseqatigiit suliaartallit tamatuminnga toqqaannartumik akuersaarfiusut siulliit.

ICC Saamit Siunnersuisoqatigiiffiannik suleqateqarluni 2023-mi Issittumi Eqqaamioriit Katersuunnerannik aaqqissuivoq, tassa LCIPP-ip ataani piginnaatinneqarluni aaqqissugaq Norge, Issittumi Siunnersuisoqatigiinni Norgep Siulittaasuutitaqarfia, kiisalu UNFCCC LCIPP-ip Allattoqarfia peqatigalugit aaqqissugaasoq ingerlanneqartorlu. Katersuunneq UNFCCC-ip kiisalu Issittumi Siunnersuisoqatigiit ataatsimoorlutik aaqqissugaraat Issittumi Siunnersuisoqatigiit naapittannginnerisa nalaanni Ataavartumik Peqataasartut naapissinnaalersikkumallugit. ICC-ip aallartitaanut ilaapput politikikkut siuttut, sulisut, Nunallu inoqqaavisut ilisimasanik pigisallit. Katersuunnermi tassani kalaallisut oqalutseqarneq, LCIPP-ip Allattoqarfianit aningaasalersugaasoq, Naalagaaffiit Peqatigiinni ataatsimiinnerit qaqutigooortut ilagaat ICC-ip taama ittumik naligiisisinermik tunniussaqaqarfisaa, Nunat inoqqaavisut ilisimasalittatta tusarfigineqarnissaannut periarfissiiviusoq

aammalu Naalagaaffiit Peqatigiinni Nunat inoqqavisa oqaasiisa pingaaruteqassusiannik erseqqissaaviusoq. Nunarsuup Issittortaaneersut Dr. Victoria Qutuuq Buschman 2025-mi LCIPP-ip Suleqatigiissitaani Aqqutissiuisuni Issittumit Sinnii-suusussatut toqqarpaat ukiuni pingasuni atuuttussanngorlugu.

Piffissap taassuma ingerlaneraniissaaq silap allanngoriartornera pillugu nalunaarutit pingaarutillit suliarineqartarsimapput. UNFCCC COP-ini tamani ICC isummiussanik allaaserisaqartarpoq, silap pissusia pillugu isumaqatigiinniarnerni tamani Inuit isumaannik saqqummiussiviusunik erseqqissunik inassuteqaasiortarluni, aamma nunani tamalaani silap pissusianut tunngasutigit siuttuusunut, ilisimatuussutsikkut suliaqartunut, namminersorlutik inuussutissarsiortunut allanullu. 2023-mi ICC silap allanngoriartornera pillugu isiginnaagassiamik nutaamik pisortatigoortumik saqqumiussaqqarpoq, [Silavut Asijiliqtuq – The Weather is Changing](#), COP28-mi Sila pillugu Nunat Inoqqaavisa Siuttuunerannut Ullorititami saqqummersinneqartumik. 2024-2025-mi ICC Canada Sila pillugu Suliniarnermi Inuit sakkussaannik saqqumiussaqqarpoq, taakku atortorissaarutitigit atortussiaapput, pissarsiareriaannaallutik, UNFCCC-mik kiisalu Inuit sila pillugu suliniarnerannik ilisaritsitsissutaallutik. Atortussat taakku siunissami ICC-p aallartitarisatagassaannut, pingaartumik inuusuttunut, atorineqarneqarput atorineqartarumaarlutillu. Videop immikkoortui Inunnik nunallu inoqqaavinik allanik COP29-mut aallartitaasunik, Inuit suliniaqatigiiffiini sulisunik, kiisalu Canadami naalakkersuisuni sulisunik apersuinernik tunngaveqarput.



ICC Canada nunani tamalaani nunat inoqqaavinik nunarsuup kujataaneersunik suleqateqarnissamut canadamiut dollariinik 1,6 million tunineqarpoq aaqqiissutissat pinngortitamik aallaavillit tapersorsorneqarnerinut atugassanik kiisalu silap allanngoriartornera pillugu nunat inoqqaavisa suliniarnerat pillugu ilisimasaqarnerulersitsinissaq tapersersuinissarlu pillugit. Tongami Nunat inoqqaavisa siuttuuffigisaannik suliniaqatigiiffik, Take the Lead, ICC Canadap suleqatigilerpaa nunamiit nunamut paarlaateqatigiittarnissaq siunertaralugu kiisalu 2026-mi silap allanngoriartornera pillugu siuttussatut inuusuttunik sungiusaanissaq siunertaralugu. Suliniut taanna Inuit inuusuttaannik piginnaanngorsaanerup nangingneqarnissaanut periarfissatsialaavoq aammalu silap allanngoriartornera pillugu nunat tamalaat akornanni ataatsimiittarnernut peqataanerulernissamut periarfissatsialaalluni, taakkunuunatigullu 2026-mi ukiakkut UNFCCC COP31-mi inuusuttut saniatigit aaqqissuussinermik immersuinissaat ingerlatsinissaallu siunertaavoq. Suliniutikkut tassuunattaaq ICC-ip Sila pillugu Suliniarnermi atortussiai ineriartorteqqinneqassapput, video imarisai paasissutissallu nutaat suliarineqassallutik.

ICC aammattaaq Saamit Siunnersuisoqatigiiffiannit aningaasannappoq UArcticip Issittumi Silap pissusia pillugu iliuuseqar-

nissamut ilanngullugu Saamit Siunnersuisoqatigiiffiata Silap pissusianik Naliliinermi iliuusissiorneranut ilanngutassiornis-saq siunertaralugu. Sulisussaaleqineq kiisalu Kalaallit Nunaanni silap pissusia nunallu pisuussutai pillugit avataaniit soqutiginninnerujussuaq pissutigalugu Kalaallit Nunaanni silap pissusia pillugu iliuuseqarnissaq siunertaralugu Kalaallit Nunaanni sullissiveqarfinnut sammisumik ICC ataatsimut suliaqartitsivoq. Ataatsimut suliaqartitsineri inassuteqaatit qassiit suliarineqarput sila pillugu iliuuseqarneq pillugu malittarisassani inuit pisinnaatitaaffiisa isiginiarneqartarnerisa pingaassusiannik erseqqissaaviusunik, aamma nammineq aalajangiisinnaatitaanerup qitiussusia eqqarsaatigalugu. Ta-manna pillugu ilisimatusarnerit misileraanerillu annertusiartortillugit, kiisalu Inuit Nunaanni sikumut imartanullu sunniute-qartunik suliniutit amerliartortillugit ICC pisortatigoortumik suliniaqatigiiffillu tamaat sinnerlugu isummernissaminik aala-jangersinnaavoq.

IPCC-mi ICC-ip alaatsinaatuunini IPCC-mi silap pissusiata allannguutaanik naliliisarnerani Nunat Inoqqaavisa ilisimasaasa naligititaallutik ilaatinneqartarnissaannik suliniuteqarnermut atorsimavaa Ilisimatusarnermit lleqqorissaarnerup naligii-sitsinerullu atorineqarnissaanik malittarisassani naapertorlugit, taavalu Nunat inoqqaavisa ilisimasaat, Nunat inoqqaavi, Inuit, kiisalu Issittoq eqqartorneqartillugit oqaatsit eqqortut IPCC-mi atorineqartarnissaat oqaatigineqartullu eqqortumik sumut sammisuunerisa oqaatigineqartarnissaat ilungersuutigisimavaa. IPCC pillugu isummaminik allaaserisamini 2024-mi oktobarimi akuerisaasumi ICC-ip iliuusissatut noqqaassutini qassiit iluatsilluartumik saqqummiuttarsimavai. Noqqaassutit taakku ilaatigut tassaapput IPCC-ip Naliliinerani Nunat Inoqqaavinik allaqataasussanik innersuussinissamik toqqaanissa-millu noqqaassutit. Naliliinerit Arfineq-Aappassaannik Nalunaarusiami (AR7) pingaarnertut allattuussat Inuit ilinniagar-tuut marluk ICC-ip iluatsittumik innersuussutigisimavai, aamma soorlu kapitali “ilisimasanik pissarsivissat aalajangerne-qartarneri periaatsillu,” “Amerika avannarleq,” kiisalu “Issittumi Sumiiffiit”.

Isummernermik Allakkiamissaaq piumasarineqarpoq Nunat Inoqqaavisa Suleqatigiissitaat imaluunniit Siunnersuisoqatigiit atorunnaarsinneqassasut. IPCC-ip Ilisimatuussutsikkut Aqutsisoqatigiivinut ICC-ip siunnersortissaanik ICC innersuussu-teqarpoq, taassumalu suliaqatigiisitsinerit marluk tapersersorpai (Ilisimanneriaatsit assigiinngitsut peqataatinneqarner-at pillugu Suliaqartitsineq kiisalu Naliliisarnermi Periaatsit pillugit Suliaqartitsineq, tamannalu tamatumunna qisuariaatitut isigineqarsinnaavoq. Aamma, Ilisimanneriaatsit assigiinngitsut peqataatinneqarnerat pillugu suliaqatigiisitsineq Nunat inoqqaavisa ilisiamsaannik akuutitsineri suleriaatsit pitsaanerulersinneqarnissaannik ICC-ip ilungersuuteqarneranik toqqaannartumik pissuteqarpoq. ICC-mit siunnersortit marluk Ilisimanneriaatsit assigiinngitsut peqataatinneqarnerat pillugu Suliaqatigiisitsinerimut kiisalu Periaatsinik Naliliisarneq pillugu Suliaqatigiisitsinerimut peqataapput. IPCC-mi sulinitinni ukiuni sisamani kingullerni iluatsitavut amerlasuut takuavut, tassa naak IPCC-mi isumaqatigiinniarnertit inger-laneranni issittumi sumiiffiit immikkut tamakkiisumik kapitaleqartitaanissaat anguneqarsimannikkaluartoq, aammalu kuldioxidimik tigooraasarnermi atortorissaarutit, seqerngup qinnguaanik aqutsinerit, aammalu nunamik allanngortiteriner-it pillugit oqaasertaliussat pissutigalugit Parisimi Isumaqatigiissutikkut kiassiarturnerup 2 gradit ataannut killilerneqarnis-saanik siunertaasut qimanneqarlutik 1,5 gradimut killilerneqarnissaat siunniunneqaraluartoq.

ATAATSIMIINNERIT AAQISSUUSSINERILLU NAJUUFFIGINEQARTUT

November	2022	UNFCCC FWG8 aamma COP27	Sharm El-Sheikh, Egypt
Marts	2023	IPCC-58	Interlaken, Schweiz
Juni	2023	UNFCCC FWG9 aamma SB58	Bonn, Germany
Oktober	2023	UNFCCC LCIPP Issittumi Nunat immikkoortuini katersuunneq	Girkonjårga (Kirkenes), Norway
December	2023	UNFCCC FWG10 aamma COP28	Dubai, UAE
Januar	2024	IPCC Nalileeqatigiinnerit arfineq aappaat	Istanbul, Türkiye
Maj	2024	Aatsitassat Ikaarsaarnermi Pinngitsoorneqarsinnaangitsut pillugit Naalagaaffiit Peqatigiit Allattaanerata ataatsimiititsinera siulleq	(Attaveqaatitigut)
Juni	2024	ICC-ip siulittaasuata sila pillugu kalaallit danskillu naalakkersuisuunik aamma UNFCCC-mi allattaanermik ataatsimeeqateqarnera	Nuuk, Kalaallit Nunaat
Juni	2024	UNFCCC FWG11 aamma SB60	Bonn, Germany
Juli	2024	IPCC-61	Sofia, Bulgaria
Juli	2024	Aatsitassat Ikaarsaarnermi Pinngitsoorneqarsinnaangitsut pillugit Naalagaaffiit Peqatigiit Allattaanerata ataatsimiititsinera aappaat	København, Danmark
August	2024	Aatsitassat Ikaarsaarnermi Pinngitsoorneqarsinnaangitsut pillugit Naalagaaffiit Peqatigiit Allattaanerata ataatsimiititsinera pingajuat	Nairobi, Kenya
Oktober	2024	Naapertuilluartumik Ikaarsaarneq pillugu Nunat Inoqqaavisa Ataatsimeersuarnerat	Geneve, Schweiz
November	2024	UNFCCC FWG12 aamma COP29	Baku, Azerbaijan
Februar	2025	IPCC-62	Hangzhou, Chine
Marts	2025	ICC Silap pissusianut qanoq iliuuseqarneq pillugu isummersoqatigiisitsineq	Nuuk, Kalaallit Nunaat
April	2025	Harvard Kennedy School Issittumi Silap pissusianut qanoq iliuuseqarneq pillugu aqutsinermi isumasioqatigiisitsineq	Cambridge, USA
Juni	2025	UNFCCC FWG13 aamma SB62	Bonn, Germany
November	2025	UNFCCC FWG14 aamma COP30	Belém, Brazil
December	2025	IPCC AR7 LAM1	Paris, Frankrig (Attaveqaatitigut)
Januar	2026	Silap pissusia pillugu Suleqateqarnermi Inuit Ataatsimiititsinerat	Nuku'alofa, Tonga
Februar	2026	IPCC-ip Ilisimanneraatsit assigiinngitsut atorneqarnerat nalilii-nermilu periaatsit pillugit isummersoqatigiisitsinera	Reading, UK
Maj	2026	IPCC AR7 WGII LAM2	Nassau, Bahamas
Jun.	2026	UNFCCC FWG15 aamma SB64	Bonn, Germany

Uumasut assigiinngissitaartut ikiliartunnginnissaat aamma CBD

Nunarsuarmi Uumasut Ikiliartunnginnissaat pillugu Kunming-Montrealimi Isumaqatigiissut (GBF) 2022-mi Montrealimi COP15-mi Uumasut Ikiliartunnginnissaat pillugu Isumaqatigiisummi (CBD) akuersissutigineqarpoq, aamma nunat imartallu 30%-iisa 2030-mi illersugaalersimanissaat ilanngullugu. KMGBF-ip inaarutaasumik oqaasertalersorneqarneranut ICC suleqataavoq taavalu CBD-mi Inunnut sinniisuusarluni oqallittarfiit assigiinngitsut aqqutigalugit, soorlu Isumaqatigiisummi Atsiueqataasut Ataatsimiinneranni (COP), Ilisimatuussuseq, Teknik, kiisalu Teknikkut Siunnersuineq pillugu Suleqatigiissitap allequtaasup (SBSTTA), Atuuttussanngortitsineq pillugu Suleqatigiissitap allequtaasup (SBI), aammalu Aalajangersagaq 8(j) – Qangaaniit Ilisimasat, Nutaaliorneq Suleriaatsillu pillugit Suleqatigiissitap allequtaasup pilersinneqaqqammersup ataatsimiittarnerini, kiisalu Uumasut Amerlaarsuunerat pillugu Nunani tamalaani Nunat Inoqqaavisa Suleqatigiiffianni (IIFB).

Aalajangersagaq 8(j) pillugu ataavartumik Suleqatigiissitaqalernissamik tassungalu atasumik COP16-mi CBD-mik nu-taanik suliniutiliortoqarnissaanik aalajangerit Nunat Inoqqaavisa Suliniaqatigiiffiisa, aamma ICC-p, ukiorpassuarni ilungersuutigereerlugu iluatsippaat. Aalajangersagaq 8(j) pillugu ataavartumik Suleqatigiissitap Allequtaasup 2025-mi pernaammik ataatsimiinnera ICC-p peqataaffigaa. SBJ8-ip pisortatigoortumik ataatsimiinnerisa siullersarimmassuk Suliniutit Nutaat ataanni suliasatut siunnersuutigineqarsimasut qanoq iliuseqarfigineqarnissaat sammeneqarpoq, kiisalu Nunat inoqqaavisa kiisalu najukkani inoqarfiit taputartuunneqartarnerat pillugu isumakuluutit nangillugit oqaluuserineqarnissaat sammeneqarluni. Taputartuussisarnerup ajornartorsiutaanera sulii aqqinneqanngilaq, taavalu SB8(j)-mi suliani siunissamilu ataatsimiittarnerni tamatuma aqqinniarneqarnissaanik ICC ilungersuuteqartuinnassaaq. CBD-ip sulinerani Nunat Inoqqaavisa Ilisimasaasa tamakkiisumik akuutinneqarlutillu akuersarneqarnissaat ICC-ip sulii ilungersuutigeqqis-savaa, aamma Imartat Uumassusileqarfittut Uumasoqarnikkullu Pingaarutillit pillugit Siunnersuisutut Suleqatigiissitani 2025-2027-mut piginnaassusigaasumik sulisussanik iluatsittumik innersuussineq aqqutigalugu kiisalu Nunat Killeqarfiisa Avataanni Imartani Uumasoqassusermut attuumassuteqartuni (BBNJ) CBD-ip ataani ilisimatuussutsikkut teknikkikkullu immikkut ilisimasallit suliaqatigiisinneqarneri aqqutigalugit.

Uumasut Naasullu Nungutaaqqajaasut Nunat tamalaat akornanni Nioqutigineqartarnerat pillugu Isumaqatigiisummi (CITES) aalajangiisarnerni Nunat Inoqqaavisa tusaaniarneqartarnissaat ICC-mit sammeneqarpoq. Maj 2024-mi EU nioqqu-tissianik puisikkunneersunik inerteqqummi 1983-imeersup, kiisalu puisikkunniit tunisassianut inerteqqutini nutaanerpaaq 2009-imeersup, 2015-miillu atuutsilersinneqartup, siammasinnerujussuusullu nalilersorneqarnissaannik peqqussuteqar-poq. Inerteqqutip Inunnut sunniutaanik eqqartuiffiusumik allakkiamik ICC EU-mut tunniussaqqarpoq.

Puisinit nioqqu-tissiat inerteqqutigineqarneranni Nunat inoqqaavi ilaatinneqanngikkaluartut EUp puisikkunneersunik inerteqqutaanit 2009/2015-mit inoqarfiit eqqugaanerpaat tassaapput Canadami kiisalu Kalaallit Nunaanni inoqarfiit. ICC-mit ersersinneqarportaaq “Nunat inoqqaavisa immikkut akuerisaanerat” paasinarsisimasooq pisariuallaartoq, atorlu-arsinnaanngitsoq, taavalu puisikkunniit nioqqu-tissiat EU-mi Inunnit nioqutigineqarneranni inerteqqutip sunniutaanik pit-saanngitsumik annikinnerulersitsisimanngitsoq. Inuit killilersuiffigineqarnerata atorunnaarsinneqarnissaa pillugu EU-mik oqaloqateqarnerup nanninneqarnissaanik ICC neriuteqarpoq.

Pinngortitap Allannigutsaalineqarnissaannik Nunat tamalaat Suleqatigiiffianni (IUCN) Inuit Nunallu Inoqqaavisa ilisimasa-a ilaatinneqarnissaanik ICC ilungersuuteqartuarsinnarpoq, taama iliortarpoq soorlu oqallittarfinni Immikkut Annaania-gassanut Ataatsimiititaliami (SSC) aammalu Navianartorsiortitaasunik Nalunaarsuiffimmi. Nunat Inoqqaavisa Sulinia-qatigiiffiisa ilaasortaataqartarnerata ataani ICC IUCN-imi taaseqataasinnaatitaalluni ilaasortaavoq. IUCN-mi taama inissisimanerput atorlugu ICC Uumasut Nappaataannik Toqunartunillu Misissuisarnerni Najoqqutassani 2024-mi saqqum-mersinneqartuni suleqataavoq. Najoqqutassiat IUCN-ip Uumasut peqqissusiat pillugu Suliniutaata kiisalu Uumasut Peq-qissusiat pillugu Silarsuarmiut Suleqatigiiffiata ataatsimut suliniuteqarnerisigut pilersitaapput. Nalunaarusiami tassani

uumasut nappaataat toqunartoqalernerallu qanoq nakkutigineqassanersoq ilitersuusiorfigineqarpoq, kiisalu nakkutillii-
nermi periaasissat tamakkiisut ilitersuutigineqarlutik. Oktober 2025-imi United Arab Emiratesimi illoqarfimmi Abu Dha-
bimi IUCN-ip Ukiut sisamakkaarlugit Ataatsimeersuarternerani ICC najuuppoq. Ataatsimeersuarnissap tungaanut aala-
jangersakkat 100 sinnillit qinersissutigineqartussat ICC sukumiilluinnartumik misissorpai kiisalu suliniaqatigiiffiit allat Inuit
pingaartitaannut naapertuuttunik taasisarnersut paasiniaarlugit taasisarsimanerit misissoqqissaarlugit. Ataatsimeersuar-
nerup kingorna Nunamik Nassaartuussusermik Isumaliortaatsip 1400-ikkunnersuup iperarneqarnissaa pillugu allaasari-
saliornissamik IUCN-mi suleqatigiissitanut ICC ilaasimavoq, suliaq taanna IUCN-mi aqqissugaanikkut allannguisussaavoq.

ATAATSIMIINNERIT AAQQISSUUSSINERILLU NAJUUFFIGINEQARTUT

November	2022	CITES COP19	Panama City, Panama
December	2022	CBD COP15	Montreal, Canada
Februar	2023	Nunani tamalaani Imartat Illersugaasut pillugit Ataatsimeer- suarnerit tallimaat	Vancouver, Canada
Oktober	2023	CBD SBSTTA-25; COP15-mik nangitsineq	Nairobi, Kenya
November	2023	CBD Article 8(j) Aallarnisaataasumik ataatsimiinneq	Geneve, Schweiz
November	2023	CITES-imi Ataatsimiititaliap 77-issaannik ataatsimiinnera	Geneve, Schweiz
August	2024	Trua World Summit on Traditional Knowledge Related to Biodiversity	Bogotá, Colombia
Oktober	2024	CBD COP16	Cali, Colombia (Attaveqaati- tigut)
Oktober	2025	CBD Aalajangersagaq 8(j) pillugu Ataatsimiititaliaaqqap ata- atsimiinnera siulleq	Panama City, Panama
Oktober	2025	IUCN Nunarsuami Nungutsaaliuineq pillugu Ataatsimeersuarneq	Abu Dhabi, UAE
December	2025	CBD-ip Allattoqarfiani Immikkut Ilisimasalittut Suleqatigiissitat isummersoqatigiinnerat	Bergen, Norway
December	2025	Naalagaaffiit Peqatigiit Avatangiisit pillugit Katersuunnerat	Nairobi, Kenya (Attaveqaati- tigut)
Januar	2026	Nunat Nanoqarfiit isumaqatigiisummut peqataasut ukioq allor- tarlugu ataatsimiinnerat	(Attaveqaatitigut); (Kalaallit Nunaata Naalakkersuisuinit aaqqissuisuuffigineqartoq)

Minguit pillugit Naalagaaffiit Peqatigiit Isumaqatigiissutaat

Minguit Arrortikkuminaatsut pillugit Stockholmimi Isumaqatigiissut

ICC-p suleqataasalu minguit arrortikkuminaatsut (PFAS-ikkunnut ilaasut, 'akuutissat nungujuitsut') Stockholmimi Isuma-
qatigiisummut ilaalersinneqarnissaannik Canadap naalakkersuisuinit sunniinarnertik iluatsippaat. Tamatuma malitsi-
gisaanik Canadap LC-PFCA-ikkut Stockholmimi Isumaqatigiisummut ilanngutsinneqarnissaannik inassuteqaateqarpoq,
taavalu Inuit isumaasa aammalu paasissutissat Issittumeersut nalilersuineri ilaatinneqarnissaat qularnaarniarlugu ICC
timitalimmik suleqataavoq assut iluatsilluartumik. 2025-mi COP-mi LC-PFCA-ikkut Stockholmimi Isumaqatigiisummi
akuutissanik atorunnaarsitassanik nalunaarsuiffimmut A-mut ilanngutsinneqarput.

ATAATSIMIINNERIT AAQISSUUSSINERILLU NAJUUFFIGINEQARTUT

(Qaammat)	(Ukioq)	(Ataatsimiinnerup aqqa)	(Illoqarfik, nuna)
Juni	2022	Stockholm POPs COP10	Geneve, Schweiz
September	2022	18th Stockholm POPs Naliliinnermut Ataatsimiititaliaq	Rome, Italy
Maj	2023	Stockholm POPs COP11	Geneve, Schweiz
Oktober	2023	19th Stockholm POPs Naliliinnermut Ataatsimiititaliaq	Rome, Italy
September	2024	20th Stockholm POPs Naliliinnermut Ataatsimiititaliaq	Rome, Italy
April	2025	Stockholm POPs COP12	Geneve, Schweiz

Kviksølv pillugu Minamatami Isumaqatigiissut

Qinigaaffiup ingerlanerani Minamatami Isumaqatigiissummi suleriaatsit pitsaassusiinik nalilersuinnermi ICC assut akuusi-mavoq aammalu Ilisimatuussutsikkut Ammasumik Suleqatigiissitanut (OESG) ilaasortaalluni. Malinnaaviginninneq pillugu allaaserisamut ICC suleqataavoq OESG-ip nalunaarusiaani miluumasut imarmiut pillugit suleqatigiissitaqqami siulittaasuulluni, kiisalu Inuvialuit Nunaanni qilalukkat qaqortat malinnaavigineqarnerat ilanngukkumallugu Inuvialunnit sinniisunik ilisimatuunillu suleqateqarluni, suliarlu taanna Inuit peqatigalugit siulersorneqarpoq suliarineqarlunilu. Aammattaaq ICC Suliat pitsaassusiinik Nalilersuisoqatigiinni alaatsinaattutut peqataavoq, ataatsimiinnernut ilaasarluni kiisalu nalunaarsiamut aamma ilanngussaqlunilu.

Tamatuma saniatigut ICC 2023 aamma 2025-mi Isumaqatigiissummut Peqataasut Ataatsimeersuarnerinut peqataasarpog, saniatigut aaqqissuussinerni suleqataalluni, taavalu ataatsimeersuarnerit tamarmik ingerlanerani Amazonimeersunik suleqateqarluni saniatigut aaqqissuussinernik ornigarneqarluartunik aaqqissuuleqataasarluni (Ilisimasani Takutitsiviit), Ilisimasani takutitsivinni allani peqataasarluni, kiisalu katersuunnerni ataasiani oqaaseqaateqartarluni. ICC aammattaaq Kviksølv pillugu Nunat Inoqqaavisa nunani tamalaaneersut Oqallittarfiat pilersinniarlugu Nunat inoqqaavini allanik suleqateqartarpoq Minamatami Isumaqatigiissummut Nunat inoqqaavisa akuunerata sulii annertunerulernissaa siunertarlugu. Isumaqatigiissummut Peqataasut Ataatsimeersuarneranni kingullermi Nunat ilaasortaasut UNDRIP-ikkut Nunat inoqqaavisa pisinnaatitaaffiit innersuussiviusumik aalajangiussaqarput, tassuunilu isumaqatigiissummut peqataasut peqataanermut aningaasatigut tapersersueqqullugit kajumissaarneqarput, Isumaqatigiissummi allattoqarfik piumaffigineqarpoq Nunat Inoqqaavini siunnersuutissanik tusarniaasaqqullugu, aammalu Kviksølv pillugu Nunat Inoqqaavisa Nunat tamalaaneersut Oqallittarfiannik pisortatigoortumik pilersitseqqullugit.

ATAATSIMIINNERIT AAQISSUUSSINERILLU NAJUUFFIGINEQARTUT

Marts	2023	Minamata-mi Isumaqatigiissummi Ilisimatuut ammasumik suleqatigiissitaat	Geneve, Schweiz
Oktober	2023	Minamatami Isumaqatigiissut COP-5	Geneve, Schweiz
November	2025	Minamatami Isumaqatigiissut COP-6	Geneve, Schweiz
Februar	2026	Minamatami aalajangersakkat atorsinnaassusiannik Nalilersuisoqatigiit ataatsimiinnerat	Geneve, Schweiz

Plastikkimik Mingutsitsineq pillugu Nunarsuarmioqatigiit Isumaqatigiissutissaata isumaqatigiinniutigineqarnera

Plastikkimik mingutsitsineq pillugu nunarsuarmioqatigiit pituttorsimaffiusumik isumaqatigiissusiornissaat anguniarlugu Naalakkersuisut Isumaqatigiinniarnertat pillugu Ataatsimiititaliamut (INC) ICC assorsuaq akuusimavoq, ataatsimiinnerit tamaasa najuuffigisarlugit, nunat ilaasortaasut, Nunat Inoqqaavi allat kiisalu Sulinaqatigiiffiit Naalakkersuisutigoortuunngitsut suleqatigisarlugit taavalu 'ataatsimiinnerit akornini' attaveqaatit atorlugit ataatsimiinnerpassuit peqataaffigisarlugit. Suliaq assortuuffiuvoq assullu unittoqattaarfiusarluni. Inaarutaasumik ataatsimiinneq (INC-5) 2024-mi naammass-

sineqartussaagaluq, sulī naammassineqanngilaq, aallarteqqinnerillu maannamut pingasuupput. Aallarteqqinnermi kingullermi (INC-5.3) Siulittaasumik nutaamik qinersisoqarpoq Genevemi Schweizimi februar 2026-mi ingerlanneqartumik. Aallarteqqinneq tulleeq (INC-5.4) 2027-mi pissasoq ilimanarpoq.

ATAATSIMIINNERIT AAQISSUUSSINERILLU NAJUUFFIGINEQARTUT

November	2022	INC-1	Punta Del Este, Uruguay
Maj	2023	INC-2	Paris, Frankrig
November	2023	INC-3	Nairobi, Kenya
April	2024	INC-4	Ottawa, Canada
November	2024	INC- 5.1	Busan, Korea Kujalleq
August	2025	INC- 5.2	Geneve, Schweiz
Februar	2026	INC 5.3	Geneve, Schweiz

Inuit Issittormiut Uumasut pillugit Ataatsimiititaliaat

Inuit Issittormiut Uumasut pillugit Ataatsimiititaliaat (CIWC) 2017-mi Uumasunik Aqutsineq pillugu ICC-ip ataatsimeersuartitsinerani aallartitanit pilersinneqarpoq taavalu 2018-mi ICC-p Nalunaarutaani uppersarsarneqarpoq uumasunut tunngasunik, pisinnaatitaaffinnut, pisariaqartitanut, suleriaatsinut, kulturimut tunngasutigut Inuit isiginnittaasiinik aammalu Inuit inuussutissaqarniarnerisa pingaassusiannut, inuussutissaqarniarnermut, kiisalu inuussutissaqarnikkut oqartussaannermut tunngasunik suliaqassasoq. Nunat tamalaat akornanni suliaqarfinni ataqatigiissuni attavissarsiortussatut kiisalu CIWC-ip suliaani tapersersuisut oqallittarfiinut attavissarsiornissamik pisussaaffilernerqarpoq.

ICC-imi sulisut taarsaannerat kiisalu nualluussuup ajornartorsiortitsinera pissutigalugu CIWC 2020-2022-mi ataatsimiinnigilaq. 2023-mi aallartisaqqinneqarpoq, taavalu ilaasortaasut uppersarsarnissaat kiisalu ilaasortanut attaveqarnerup pilerseqqinneqarnissaa suliani pingaarnerpaasimallutik.

2024-miit ICC Canada kiisalu ICC Alaska CIWC-mut tunngasunik sulialinni sulisoqarnikkut aqutsisoqartitsisimapput. 2024-mi CIWC attaveqaatit atorlugit marloriarluni ataatsimiittarpoq. Ataatsimiinnerit taakku ingerlaneranni *Sulinermi Najoqqutassanut Missingiut aammalu Nunat marlukkaarlutik arlalikkaarlutillu isumaqatigiissutaat, nalunaarutaat, suleqatigiiffiit suleriaasiilu assigiinngitsut Inunnut Issittormiunut Soqutiginaatillit* misissorneqarput, taavalu Sulinermi Najoqqutassanut Missingiutip naammassingajavinneqarluni.

2025-miit April 2026-imut ataatsimiittoqarsimanngilaq. Ataatsimiittoqannginnera ilaasortaqaarnikkut allannguutiniq, ilaasortat nutaat uppersarsartinniarneqarneranni immikkoortortani piffissaq sulinermut atukkamik, ilaasortat suliffitsik pissutigalugu ataatsimiinnissamut piffissaqarluanginnerannik, kiisalu nutserisoqarnissamut aningaasanik amigaateqarnermik pissuteqarpoq.

CIWC-mut ilaasortaq nutaaq ICC Alaskameersoq toqqarneqarpoq, Nicole Wojciechowskilu Taqulik Hepap 2025-mi so-raarninngornerata kingorna toqqarneqarluni. Taquliip CIWC-mi siulersuineranut tunniussaqaarneranullu assorujussuaq qujavugut, aamma Uumasut pillugit ICC-ip Ataatsimeersuartitsineranut peqataanera pillugu, taavalu CIWC-imiugallartumi CIWC-milu sullissinera pillugu. Nicole suliamut tassunga tikilluaqqarput; taanna siusinnerusukkat ICC Uumasunik Aqutsineq pillugu Ataatsimeersuartitsinerani ICC Alaska sinnerlugu peqataavoq. Ataatsimeersuarnerup kingornattaq Kalaallit Nunaannit nutaamik ilaasortaqaalissaaq, Pele Blytmannip Nikkulaat Jeremiassen taarsissammagu. Pele Blytmannip CIWC-mut tikilluaqqunissaanut qilanaarpugut taavalu Nikkulaat Jeremiassen piffissamik atuisimaneranut sulineranullu qutsavigaarput.

Peqqissuseq atugarissaarnerlu

Inuit Issittormiut Peqqissuseq pillugu Aqutsisoqatigiivisa Nalunaarusiaat

2022 aamma 2026-ip akornanni Inuit Issittormiut Peqqissuseq pillugu Aqutsisoqatigiivi (CIHSC) pilersaaruserluarneq, nunat tamalaat akornanni isumaqatigiissusiortarnerit, nunallu imminnut qanitariit suleqatigiinnerat aqutigalugu Inuit Nun-aanni tamarmi Inuit peqqinnerulernissaannik atugarissaarnerulernissaannillu sulinermi siuttuulluassusermik takutitsipput. Angusat pingaarutilit ilaatigut tassaapput ICC-ip Peqqissuseq pillugu Periusissiorfiusumik Pilersaarusiaa 2023-imeersaq, oqallifinni pingaarutilinni peqataaneri soorlu Issittumi Peqqissuseq pillugu Nunat tamalaat 18-issaannik Ataatsimeersuarnerat (2024), kiisalu Issittup Inoqqaavisa Peqqissusiat pillugu Qaffasissumik Oqallinnermut peqataaneq kiisalu Saamit Inuillu Najugaanni Suiaassusermik Aallaaveqarluni Peqarniilliortarneq pillugu Nunat Avannarliit Attaveqatigiiffianni peqataaneq. Ataatsimiititaliaq aammattaaq aqqissuussani ilisimasani avitseqatigiiffiusuni peqataalluarterpoq, soorlu Imminortarnermik Pinaveersaartitsineq pillugu Alaskami Ataatsimeersuarneq (2024), tarnikkut peqqissuseq inuusuttullu nukis-saqassusiat pillugu Inuit suleriaasiinik saqqumiiviusoq, taavalu Inuit Arnartaasa Ataatsimeersuarnerat (2024), suiaassuseq peqqissuserlu pillugit suliniarnermik suleqatigiinnermillu nukittorsaaviusoq. ICC Canada CIHSC-mi sulisussaqaartitsisuuvoq.

CIHSC-ip suliaani qitiujuartoq tassaavoq peqqissuseq pillugu suliniutini Inuit siuttuussasoq kulturilu aallaavigneqassasoq, tarnikkut peqqissuseq, suiaassutsikkut naligiisitsineq kiisalu inoqarfiit siuttuutillugit aqqiissusiortarnissaq assut pingaartinneqassallutik. Inuit ilisimanniaasiisa qaffassartuarnissaannik ataatsimiititaliaq ilungersuuteqartuarterpoq, ataatsimuussusermik kajumissarisarluni, taavalu isummanik tapersersuineq suleqateqarnerlu aqutigalugit politikikkut sunniuteqarniartarluni. Sammisat imartuut, soorlu immiut toquttarnermik pitsaaliuneq, sakkortuuliornerit suiaassusermik aallaavillit, kiisalu peqqinnissaqarfimmi aqqissugaasumik assigiingisitsinerit ataatsimut isiginnittaaseqarluni suleqatigiillunilu peqqissutsimik pitsanngorsaaniarnermut ersiutaapput, tamatumalu peqatigisaanik Inuit peqqissutsimut tunngasutigut aqutsinerat nukittorsarneqarpoq.

Suli pitsanngorsagassaqarpoq, soorlu naligiimmik peqataaniarnermi aporfinnik saqqummiinerit eqqarsaatigalugit. Peqqissuseq pillugu Pilersaarut Periusissiorfiusoq pingaarutilimmik alloriaataagaluartoq taamaattoq timalersornissaa aningaasalersuinerup aalaakaannginnerannit aporfilersugaavoq, kiisalu CIHSC-mi namminermi aqqissugaaneq aamma aporfiliisuulluni. Ataatsimiititaliamut ilaasortat namminneq kajumissutsiminnik sulipput imaluunniit suleqatigiiffinnut allanut attuumassuteqarnikkut suleqataallutik, taakkulu suliniutit siuarsarnissaannut pisinnaassutsip attatiinnarnissaanut aporfiliisuusarput.

Tamatumalu saniatigut ilaasortat ilaasortat suliniaqatigiiffinnit attaveqatigiiffinnillu allanit piserineqartarput, utimullu nalunaaruteqartarnissamik massakkut aalaakaasumik periuseqartoqanngilaq. Siulittaasuutitaqarnerup Canadamut ikaarsaarnerani ilaasortanillu nutaanik toqqaasoqarnerani suliat siumut ingerlaannartinniarneqarneranni ataatsimiititaliallu ungasinnerusumi annerpaamik sunniuteqartinniarneqarnerani pisariaqavisussat tassaapput nalunaaruteqartarnerit erseqqinnerusut, ataqatigiissaarinermik nukittorsaaneq, suleqatigiinnermi attaveqaasersuutit pitsaannerusut.

ATAATSIMIINNERIT AAQQUSSUSSINERILLU NAJUUFFIGINEQARTUT

(Qaammat)	(Ukioq)	(Ataatsimiinnerup aqqa)	(Illoqarfik, nuna)
September	2022	Nunamed Conference	Nuuk, Kalaallit Nunaat
September	2022	Inuit Issittormiut Peqqissuseq pillugu Aqutsisoqatigiivisa ataatsimiinnerat	Nuuk, Kalaallit Nunaat
Februar	2023	WHO-p Nunat inoqqaavi peqqissuserlu pillugit tusarniaaneraa	(Attaveqaatitigut)
Juli	2023	WHO-mi Silap allanngoriartorenra aammalu Nunat inoqqaavisa peqqissusiat atugarissaarnerallu pillugu Immikkut ilisimasallit ataatsimiinnerat	(Attaveqaatitigut)
Februar	2024	One Health Conference	Iqaluit, Canada
Maj	2024	Alaskami Imminormik pinaveersaartitsineq pillugu Ataatsimeersuarneq	Anchorage, USA
November	2024	Issittumi peqqissuseq pillugu Nunat tamalaat 18-issaannik ataatsimeersuarnerat	Halifax, Canada
November	2024	Inuit Issittormiut Peqqissuseq pillugu Aqutsisoqatigiivisa ataatsimiinnerat	Halifax, Canada
September	2025	WHO-p Silap pissusia Peqqissuserlu pillugit Europami tamarmi ataatsimiititaliaata pingajussaanik tusarniaanera	(Attaveqaatitigut)

Peqqissuseq Atugarissaarnerlu pillugit ICC-ip Attaveqaatit atorlugit Oqalugiartitsisarneri

ICC Canada attaveqaatit atorlugit oqalugiartitsisarneri arfinilinnik ingerlatsisuusarpoq. Suliniutikkut tassuuna siunertaavoq suliniutit sullissinerillu ilaqutariit Inuit peqqissusiinut atugarissaarnerinullu iluaqutaasut saqqumilaartinneqassasut; Inuit peqqissaasut suliallit inoqarfiillu akornanni ilisimasaniq tunioraaqatigiittoqassasoq; sullissinerit assigiinngissitaartut tamakkiisut kulturimillu aallaavilinnik ineriartortitsineq tapersorsorneqassasoq; taavalu ikiuinerit Inuit pingaartitaannik atugaannillu aallaavilligt naligiitsiviusut ataqatigiissullu ineriartortinneqarneranni aalajangiisartut sullissisullu najoqqutassiussallugit. ICC Inummik Kalaallit Nunaanneersumik oqalugiartitsisarneri tamani oqallitsitsisoqartitsisarpoq, sapaatillu akunneri tamaasa Canadami, Alaskami kiisalu Kalaallit Nunaannit oqalugiartitsisarluni. Oqalugiartitsisarneri oqalutseqartarmata oqalugiaatit Inuktitut, tuluttut kalaallisullu tusarnaarneqarsinnaasaput.

ICC-ip aaqqussuussisarneri suliniutaalu

ICC-ip aaqqussuussisarneri amerlasuut qinigaaffimmi 2022-miit 2026-mut ICC-ip immikkoortortaanit suleqatigiivinnillu ingerlanneqartartut siuliani allaaserisatigut nalunaarusiortiterneqarput. Immikkoortuni tulluittuni ICC-imit aaqqussukkat pingaarnerit kiisalu Inuit Inuusuttaannut Suliniutit nalunaarusiorneqassapput.

Inuit Inuusuttaannik Peqataatitsinermut Suliniut 2024 – 2026

2024-mi ICC ilinniartitsinermi atortussiorpoq kiisalu attaveqaatitigut suleqatigiiffiliorluni Inuit Inuusuttaannik Peqataatitsinermut Suliniutip ingerlanerani atugassamik. ICC inuusuttunut 21 aamma 35 akornanni ukiulinnik suliniummut ilaasusaniq qinnuteqartitsivoq. Inuusuttut 179-it Kalaallit Nunaannit, Canadami Alaskamiillut pisut suliniummut peqataajumallutik qinnuteqarput, suliniullu taanna suliniarfissani pingasuusuni inuusuttunik qulinik najuullutik peqataasussanik inissaqartitsivoq, taavalu inuusuttut marluk Chuktokamiit attaveqaatit atorlugit peqataasassallutik.

Inuit Inuusuttaannik Peqataatitsinissamik Suliniutip (IYEP) aallaavia ICC-ip Nalunaarutaani kingullerni marlunni ippaq. 2018-mi Utqiagvimmit Nalunaarutikkut "ICC-ip suliaani tamani Inuit inuusuttaasa avitseqataanissaanik tamakkiisumillu

peqataanisaannut Inuit Inuusuttaasa Suliniaqatigiiffiinik tapersersuinissamut kajumissaarinnissamullu” ICC piginnaatinneqarpoq. Tassunga qisuariaatitut ICC Siuttunngortussanut Suliniummik aallarniivoq, tassuunalu qulequttani pingaarutilinni qassiini ICC-ip malinnaatitaqarluni ilitersuisoqartitsisarnera iluatsilluarpoq, soorlu Issittumi Siunnersuisoqatigiinni ICC-ip sulinerani. 2022-mi ICC-p Ilulissanit Nalunaarutaatigut ICC-ip siuttuisa kiisalu inuusuttut taavalu inuit ICC-ip sulineranut peqataarusuttut ataqatigiisinneqarnerisigut inuusuttut peqataanerannik nukittorsaanissamut ICC pisussaaffilerneqarpoq. Minnerunngitsumillu, Siuttunngortussanut Suliniummi inassuteqaatinik suliniutinillu allanik piviusunngortitsinissamut ICC imminut pisussaattippoq, tamatumuunakkut suni suliatinnik ilusilliisuusuni ataasiussuseq, nammaqatigiinnerlu qularnaarumallugit, aammalu inuusuttatta politikikkut siunertanut atornerlunneqarnissaanik pinaveersaartitsinissaq siunertalugu.

Inuit Inuusuttaannik Akuutitsinissamik Suliniut Siuttunngortussat pillugit inassuteqaammik aallaaveqarpoq, tassungalu ilanngullugu ICC pillugu paasisutissartalinnik ilinniartitsinermi atorussusiortoqarpoq taavalu inuusuttullu ICC taassumalu suliai pillugit paasisaqarnissaannut atorussuortoqarluni. Inassuteqaatitiguttaaq piaarluni Inuit inuusuttaat ikaarsaartut imaluunniit qaffasinnerusumik ilinniagallit peqatiserineqarput taavalu sungiusaanikkut ineriartortitsinikkullu atorfimminni qaffassarnissaat tapersersorneqarluni.

2024-2026-mi Inuit Inuusuttaannik Akuutitsinermi Suliniummi Siuttunngortussanik Suliniummi periaaserineqarsimasoq malinneqarpoq, tamatumalu peqatigisaanik paasisutissat, ilinniartitsinermi sammisassat, najuullunilu suliamik misillinerit annertusineqarput, taannalu ICC-ip nunat tamalaat akornanni inuusuttunik sungiusaanerani toqqammaviulerpoq. Peqataasut, Alaskamit pingasut, Canadamit pingasut, Kalaallit Nunaannit sisamat kiisalu Chukoktamiit marluk, inuusuttuupput suliffillit (21-35-inik ukiullit), nunaminni siuttutut ingerlareersut atorfeqareersullu. ICC ilinniartitsinernik sisamanik ingerlassaqarpoq, tassuunalu ICC-ip Nunat inoqqaavisa suliniaqatigiiffiattut nunat tamalaat akornanni sulineranut peqataasut ilisaritinneqarput. Taava nunat tamalaat akornanni suliat suut malinnaaffigiumanerlugit peqataasut toqqaapput taavalu sulutip sinnerani taakkunani malinnaassallutik - UNFCCC aammalu CBD-mi COP-it, Naalagaaffiit Peqatigiit ataatsimiinneri allat, Issittumi Siunnersuisoqatigiit, kiisalu EU-p Issittumut Suliniutai Nunat Inoqqaavinut Attaveqarneri assorsuaq soqutigineqarput.

Inuit Inuusuttaannik Akuutitsinermut Suliniummi peqataasut aqqaneq-marluk akornanni marluk 2025-ip ingerlanerani ataatsimiittarnerni Issittumi Siunnersuisoqatigiinnut attuumassuteqartuni assigiinngitsuni attaveqaatit atorlugit peqataasarpur, marluk 2025-mi aammalu 2026-mi Naalagaaffiit Peqatigiinni Nunat Inoqqaavi pillugit Oqallittarfiup Ataavartup ataatsimiittarnerni ICC-ip aallartitaanut peqataasarlutik, marluk Nunat inoqqaavisa pisinnaatitaaffii pillugit Naalagaaffiit Peqatigiinni Immikkut ilisimasallit suleqatigiisa 2025-mi ataatsimiinnerinut peqataasarpur, ataaseq Plastikkinik mingutsitsineq pillugu isumaqatigiissusiornermut atatillugu Naalakkersuisut Isumaqatigiinniarnerni Ataatsimiititaliamut peqataavoq, ataaseq Issittup Imartaata Qiterpasissuani Aalisarnek pillugu Isumaqatigiissummut tunngasumik ataatsimiinnermut peqataavoq, ataaserlu Uumasut Assigiinngissitaartut Ikiliartunnginnissaat pillugu Isumaqatigiissutip ataani SB8j-1-ip pernaammik ataatsimiinneranut peqataalluni, ataaseq Silap pissusiata allanngoriartornera pillugu Naalagaaffiit Peqatigiit isumaqatigiissutaata ataani SB62-ip 2025-mi ataatsimiinneranut peqataalluni, ataaserlu februar 2026-mi Issittumi Siunnersuisoqatigiinni SAO-C/PP-ip ataatsimiinnerani ICC-ip aallartitaanut peqataalluni, ataaserlu Issittumi Siunnersuisoqatigiit ataanni Ajutoornernik pitsaaliuinnermut, Upalungaarsimanermut Iliuuseqarnermullu Suleqatigiissitat ataani ICC-ip suliaqatigiisitsinerani najuulluni.

Inuit Inuusuttaannik Akuutitsinermut Suliniummi ilinniartitsinermik ingerlatat attaveqaatikkullu suleqatigiiffik suliniutipi pia-reersarneqarnerani suliarineqarsimapput taavalu nalilersugassatut atoqqitassatullu ilusilersorneqarsimallutik. Taamaammat suliniutip aappassaannik ingerlateqqinnissaanik ICC aalajangersinnaavoq.

Inuit Inuusuttaasa Ataatsimeersuartinneqarnissaanik ICC-ip aqqississueqquneqarnera Siuttunngortussat pillugit Inassuteqaammi 2022-meersumi ilaavortaaq. Inuit Inuusuttaannik Ataatsimeersuartitsinissamut 2026-2030-imi qinigaaffiup aallartisimalernerani pisussamut ICC-ip Siulittaasoqarfia iluatsittumik aningaasannaniarsimavoq. Inuit Inuusuttaannik Akuutitsinermut Suliniummut peqataasimasut aqqaneq-marluk Inuit Inuusuttaannik Ataatsimeersuartitsinermi peqataa-nissaat ICC-ip Siulittaasoqarfianit inassutigineqarpoq.

ATAATSIMIINNERIT AAQISSUUSSINERILLU INUIT INUUSUTTAANNUT SULINIUMMUT PEQATAASUT PEQATAAFFIGISAAT

Marts	2025	Inuit Inuusuttaannut Suliniummut peqataasut naapillutik ataatsimiinnerat	Nuuk, Kalaallit Nunaat
Marts	2025	EPPR Arctic Emergency Management Conference	Bådåddjo (Bodø), Norway
Maj	2025	Issittumi Siunnersuisoqatigiit 14-issaannik ataatsimiinnerat	Attaveqaatitigut
April-Maj	2025	UNPFII-p 24-issaannik ataatsimiinnera	New York City, New York
Juni	2025	UNFCCC SB62	Bonn, Germany
Juni	2025	CAOFA COP 4	Romsa (Tromsø), Norway
Juli	2025	EMRIP	Geneve, Schweiz
August	2025	Plastikkit pillugit Naalakkersuisut akornanni ataatsimiinneq 5.2	Geneve, Schweiz
Oktober	2025	CBD SB8j 1	Panama City, Panama
Februar	2026	Issittumi Siunnersuisoqatigiinni Oqartussat qaffasinnerit siulittaasuata / PP/Suleqatigiissitat ataatsimiinnerat	Romsa (Tromsø), Norway
April	2026	UNPFII-p 25-issaannik ataatsimiinnera	New York City, New York

Ass.: Inuit Circumpolar Council





Ass.: Carson Tagoona

Aallartitat ataatsimiinnerat – Juli 2023

2022-mi Inuit Issittormiut Siunnersuisoqatigiiffiata Ataatsimeersuarnera Inuit Nunaannit aallartitat naapitinngikkaluarlugit ingerlanneqarpoq. Aallartitat 66-iusut tamarmik attaveqaatit atorlugit peqataapput. Ataatsimeersuarnermi aallartitat akerliusortaqaratik 2022-mi ICC-ip Ataatsimeersuarnernit Nalunaarutaa akuersissutigaa, kingorna ICC-ip 2022-mi Ilulissaniit Nalunaarutaanik taaguuteqalersoq.

2022-mi ICC-ip Nalunaarutaatigut juli 2023-mi Kalaallit Nunaanni Ilulissani Aallartitat tikillutik Ataatsimiinnissaannut ICC piginnaatinneqarpoq tassuuna “ICC-ip sulinerata ingerlanera isummersorfigiumallugu, pisut kingulliit maluginiarumallugit, ICC-ip suliassatut pilersaarutai suli inerisaqqikkumallugit, aamma Ilulissanit Nalunaarut ilanngullugu, kiisalu ataasiussu-serput kulturepullu nalliuttorsitigiumallugit.” 2022-mi Nalunaarutikkuttaaq oqaatigineqarpoq 2022-miit 2026-imut qinigaaffimmi ICC-ip suliadini sallititassai tassaassasut: Aqutsilluarneq, Isumannaallisaaneq Inuillu Nunaat, Peqqissuseq Atugarissaarnerlu, Oqaatsit Kulturilu, Piniarneq Inuussutissaqarniarnerlu, Issittup Imartaa kiisalu Imaani Avatangiisit, kiisalu Inuiaqatigiinnut Iluaquersuutit Amigaataanerat.

Piginnaatsissutit suliassallu pingaarutitassat suussusii eqqarsaatigalugit ICC-ip Siulersuisuunerit aalajangerput pingaarnerutit tallimat tullituttut Aallartitat Ataatsimiinneranni oqaluuserineqassasut: Imartanik Aqutsineq, ICC-ip Aqutsisoqarnerata Aaqqissugaanera, Nunat Inoqqaavisa Oqaasiinut Ukiorititit Qulit, Piniarneq Inuussutissaqarniarnerlu kiisalu Inuiaqatigiinnut Iluaquersuutit Amigaataanerat.

Aallartitat Ataatsimiinnerat ulluni pingasuni ingerlanneqartussanngorlugu pilersaarusiorneqarpoq, qulequtakkaartumillu isummersoqatigiisitsinerit aaqqissorneqartassallutik taavalu aallartitat qulequttanik pingaarnerutitanik oqaluuserinnissallutik taavalu 2022-mi ICC-ip Nalunaarutaanik timitaliiniarnissamut sammivimmik tikkuussissallutik. Isummersoqatigiisitsinerit tamarmik inernilernerneqassapput (a) pineqartumi ICC-ip sulinerata killiffianik saqqummiussinermik, (b) 2022-mi Nalunaarutip qanoq timitalersorneqarnissaa pillugu oqallinnermik, kiisalu (c) siulittaasuutitaqarnerup tullia tungaanut kingornanullu suliata qanoq ingerlanneqarnissaannik. Sila pissutigalugu timmisartut kinguaattoornerisa malitsigisaanik Aallartitat Ataatsimiinnerat ullormik ataatsimik kinguaattoorfiuvoq, Inuiaqatigiinnullu Iluaquersuutit pillugit isummersoqatigiinnissaq taammaatiinnarneqarpoq.

ICC-ip Ataatsimeersuarnerini ileqqussaartutut ataatsimiiffik nerrivilersorneqarsimavoq nigalinngukkanik, taamalu immik-koortortaniit aallartitat imminnut isigalutik katersuussinnaassallutik. 1992-miit pernaataasumik ICC Chukotkap aallartitai takkullutik peqataasinnaasimanngippat attaveqaatillu atorlugit ataatsimeeqataaginnartariaqarlutik. Tapersersuineq taku-tikkumallugu issiaviit inoqanngitsut aqqinik allaffiusimasut inissinneqarput.

Aallartitat Ataatsimiinnerannit imaqarniliaq sukumiisoq suliarineqarpoq, oqaloqatigiinnerit paaseqatigiinniarnerrillu erser-sinneqarlutik. Aallartitat ataatsimiinnermi najuuttuusut ICC-ip 2022-mi Nalunaarutaanut tapersersuinertik pisussaaffim-minnillu naammassinninnissamut tunniusimanertik uppersarsaqqippaat. Ileqqusoq malillugu nalunaarut taaguuserneqar-porq 2022-mi Inuit Issittormiut Siunnersuisoqatigiiffiata Ilulissanit Nalunaarutaa (2022-mi ICC-ip Ilulissanit Nalunaarutaa).

ICC-imi siulittaasoqartitsisussat tulluuttut aningaasatigut, piginnaanngorsaanikkut, tunniussatigut, ammasumik illersui-nikkut tapersorneqarnerisa pingaassusia immikkoortortanit tamanit erseqqissarneqarpoq, aamma oqariartuutitigut pi-ngaarutilitsigut makkunatigut: sutigut tamatigut aqutsinermi Inuit ataatsimoorlutik peqataassapput; pisinnaatitaaffisinnik sorsuutiginninnitsinni nipitsinillu tusartitsisarnitsinni nunat tamalaat akornanni suleqatigiiffinni sinniisuutitaqarneq timita-limmillu peqataaneq suli pingaaruteqarput; piginnaatitaanitsinnut naapertuuttumik ICC nunat tamalaat suleqatigiiffiini peqataasariaqarpoq; nunarsuarmi pisuni uatsinnut sunniuteqartuni najuuttariaqarpugut – najuutinngikkaangatta pingaa-ruteqassuserput millisartarparput; Naalagaaffinnit ataffigisatsinnik aalaasumik aningaasalersuineq suleqatigiiffinni Naala-gaaffiit Peqatigiittut, Issitumi Siunnersuisoqatigiinnisut ittuni, kiisalu naalakkersuisutigut suleqatigiiffinni allani Inuit peqa-taaneranni pinngitsoorneqarsinnaanngilluinnarpoq.

ICC-ip aallartitaasa uppersaqqippaattaq nunat tamalaat oqaloqatigiittarnerini isumaqatigiinniartarnerinilu ICC-ip inissisi-manera assorsuaq pingaaruteqarmat, Inuimmi isumakuluutaat assigiipput, taavalu nunat tamalaat suleqatigiiffiini suliaan-nilu Nunat inoqqaavisa Ilisimasaasa allanut naligititaallutik aammalu ileqqorissaartumik atorneqarnissaannik ICC ilunger-suuteqartuinnarnissaa oqaatigalugu. Aallartitanit oqaatigeqqinneqarpoq peqataanerit amerlaqisut suli amigateqarmata, taavalu inuiaqativot inuusaaserpullu pillugit tusarliisarnissamut ilungersuuteqarnissamullu periarfissat killeqarmata.

Killeqarfiit akimorlutik suleqatigiinnermi oqariartuutitut pingaarnernut ilaapput ICC-ip naapilluni ataatsimiittarneri Inuit paasinnittaatsitsinnik isummiussatsinnilu aveqateqatigiittarnitsinni ineriartortitsinitsinnilu pingaaruteqarmata, imminut naalliuutillu kinguaariinni ingerlaartut ajornartorsiutinit isummersoqatigiisitsinerni eqqartukkanit annertunerulersinneqar-tartut isumakuluutini pingaaruteqarmata.

ICC-ip 2022-mi Nalunaarutaani suliassanngortitaasunik piviusunngortitsinissaaq pillugu naapilluni oqallinnissamut Aallar-titat Ataatsimiinnerat Aallartitanut periarfissaavoq pingaarutilik. Inuit naapinnissaminnut, attaveqatigiilernissaminnut periarfissaqarnerat, aammalu sulianninnillu ingerlatitseqqissinnaanerit naapilluta katersuuttarnitsinni qangali pingaarute-qarsimavoq.

2023 Issittormiut Ataatsimeersuarnerat – Juli 2023



Ass.: Inuit Circumpolar Council

1973-mi novembarip ulluisa 22-ianniit 25-iannut aallartitat 40-it, Canadap Issittortaani, Kalaallit Nunaanni, Finlandimi, Nor-gemi Sverigemilu Nunat inoqqaavisa suliniaqatigiiffiinit 21-init sinniisuusut Issittormiut Ataatsimeersuarneranni siullermi Københavnimi ingerlanneqartumik katersuupput. Ataatsimeersuarnermi pernaataasumi iluatsilluartumilu “paaseqatigiinneq aammalu inuiaat peqataatitaqartut ajornartorsiutaannik aarleqquteqarneq ersersinneqarput.”

1973-imiit Issittup Inoqqaavi suliniaqatigiiffimminnik sinniisuutitaqarfimminillu ineriartortitseqqissimapput, taavalu nunat tamalaat suleqatigiiffiinit ineriartortitsineranut annertuumik peqataasimallutik, soorlu Issittumi Siunnersuisoqatigiinni aammalu Naalagaaffiit Peqatigiit Nunat inoqqaavinut suliaqarfiini. Ukiut 50-it kingulliit ingerlaneranni Nunat Inoqqaavisa pisinnaatitaaffii uppersarsarneqartarsimapput, soorlu Angerfigeqatigiisummi ILO 169-mi kiisalu Nunat inoqqaavisa pisinnaatitaaffii pillugit Naalagaaffiit Peqatigiit Nalunaarutaanni. Naalagaaffiit akornanni oqaloqatiginnittarnerit aqutugalugit Issittup Inoqqaavi Nunat Inoqqaavisa politikikkut akuerineqarnissaannik nunat tamalaat ineriartortitsinerannut suleqataajuarsimapput.

2023-mi ICC-ip Saamit Siunnersuisoqatigiiffiannik peqateqarluni Issittormiut Ataatsimeersuarnerannit ukiunik 50-inngortorsiorluni nalliuttorsiorneq aaqquissuuppaa. 2023-mi Issittormiut Ataatsimeersuarneranni Nunat inoqqaavi Issittumi Siunnersuisoqatigiinni ataavartumik peqataatitaqartut arfiniliusut ilaat tallimat peqataapput ukiullu kingulliit 50-it ineriartorsimanermik naliliillutik. Ataatsimeersuarnermit oqaaseqaat suliarineqarpoq, Inuit Issittullu Inoqqaavisa allat angusaat nuannaarutigineqarlutik, kiisalu atugarissaarnissamut pisinnaatitaaffik, nunanut, imartanut pinngortitalu pisuussutaanut pisinnaatitaaffiit, Issittup Inoqqaavisa imaani avatangiisinut atanerat, silap pissusiata allanngornerata nunasiaataanerullu sunniutaat oqaaseqarfigineqarlutik. Aallartitanit 40-iusunut 15-it inuusuttuupput. Inuusuttut aallartitaat Issittormiut Ataatsimeersuarnerata ingerlanerani aaqquissuusaqarput ataatsimut oqaaseqaammut annertuumik tunniussaqlutik.

2023-mi Issittormiut Ataatsimeersuarnerata kingorna, ICC, Saamit Siunnersuisoqatigiiffiat, taavalu Nunat Inoqqaavinut Tunngasunik Nunat tamalaat Suleqatigiissitaat (IWGIA), suleqatigiiffik 1973-mi Issittormiut Ataatsimeersuarnerannik siullermik tapersersuisuusoq, tamanit pissarsiarineqarsinnaasumik aaqquissueqatigiippat taasamik: *Empowering Arctic Indigenous Peoples: Celebrating 50 years of Indigenous Diplomacy*. (Issittup inoqqaavinik nukissaqalersitsineq: Nunat inoqqaavisa naalagaaffiit akornanni ukiuni 50-ini sulinerannik naalliuttorsiuutiginninneq).

Inuit Arnartaasa Ataatsimeersuarnerat – Oktober 2025

Inuit Arnartaasa Ataatsimeersuarnerat pernaaterpiaasoq 2025-mi oktobari 27-29-ianni Sisimiuni ingerlanneqartoq, pi-suuvoq immikkut ittoq Inuit Issittormiut Siunnersuisoqatigiiffiannit aaqqissugaasoq. Katersuunnermi oqaluttuarisaanikkut pingaarutilimmi aallartitat Inuit Nunaanneersut 42-it – Alaskamit, Canadami Inuit Nunangannit, kiisalu Kalaallit Nunaannit pisut katersuutsinneqarput. Suliniaqatigiiffinnit suleqatigisanit nunaqqatigiinnillu aalaatsinaattunit qulinit ilaaffigineqarput, kiisalu Chukotkamiit immikkoortut ilaanni attaveqaatit atorlugit peqataaffigineqarlutik, taamalu issittumit tamarmit peqataaffigineqartumik oqallinneq pilersinneqarpoq.

Siulittaasup Suliniutaatut isumassarsiaalluni Ataatsimeersuarneq 2022-mi Ilulissanit Nalunaarutikkut piginnaatitsissutaasunik qassiniq tunngaveqarpoq, soorlu sakkortuuliornerit suaassusermik aallaavillit qanoq iliuuseqarfigineqarnissaannik peqqussummi, suliat Meeqqat pisinnaatitaaffii pillugit Naalagaaffiit Peqatigiit Isumaqaatigiissutaannut naapertuunnissaannik qularnaarinissaq kiisalu Nunat inoqqaavisa periarfeerunneqartarnerat inuarterineqartarnerat pillugu aammalu nuna-siaataanerup sunniutai ingerlasut pillguit qanoq iluuseqarnissaq pillugu politikkeqalernissamik anguniagaqaqqusineq. ICC-it 2022-mi Ilulissanit Nalunaarutaani Inuit najugaqarfiini peqqissuseq atugarissaarnerlu eqqarsaatigalugit periaatsit pitsaanerpaanik nassaarniarnerup pisariaqarnera aammalu Inuit aaqqissugaanikkut immikkoortinneqartarnerannik ilisimasaqarfiusuni tamatumingga akiuinissamat iliuuseqarnissaq erseqqissarneqarpoq. Taamalu suliaassiissut taanna ataatsimoorussamik timitalerniarlugu Inuit Nunaannit allaniillu siuttut sorsuuteqartullu Ataatsimeersuarnermi katersuutsinneqarput.

Ataatsimeersuarnermi siunertaq pingaarneq tassaasimavoq suleqatigiinneq aallarnisassallugu tigussaassunillu angusaqassalluni. Siunertat makku anguniarneqarput:

- Inuit Nunaanni tamarmi Inuit arnartaasa ajornartorsiutaanni, pingaartitaanni suliniutaannilu assigiissutaasut assigiinn-gissutaasullu pillugit sukumiinerusumik paasisaqassalluni.
- Suliniuteqartut, ikiuisartut siuttullu akornanni attaveqatigiinneq suleqatigiinnerlu annerusut.
- Inuit Nunaanni tamarmi Issittumilu naalakkersuisunut aalajangiisartunullu inassuteqaatit aalajangersimasut.
- Nunat tamalaat suleqatigiiffiini suliniarnermut oqariatuutit inassuteqaatillu, suliniaqatigiiffiit tamalaanit peqataaffigineqartut sammineqarnerullutik, soorlu Naalagaaffiit Peqatigiit kiisalu Issittumi Siunnersuisoqatigiit.

Anguniakkat taakku tunngavigalugit aallartitat Ataatsimeersuarnerup ingerlanerani Inuit Arnartaasa Ataatsimeersuarnerannit Nalunaarummik suliaqarput Ataatsimeersuarnerup avataani suliniarnermi sakkus-satut atugassamik. Ilanngulluguttaaq Inuit Arnartaasa Ataatsimeersuarnerannit nalunaarusiaq suliarineqar-poq, tassuunau oqallinnerit pingaarutillit, ilisimasat aveqatigiissutigineqartut, katersuunnermit tassanga inassuteqaatit suliaassartallit sukumiinerusumik takus-utissiorneqarput. Allakkiaq taanna suliniuteqartunut, naalakkersuisunut, aalajangiisartunut, inuiaqatigiinni sinniisuuffeqarlutik suliaqartunut, atortussatut pi-ngaarutillit naatsorsuutigineqarpoq, tassuunalu pi-ngaartitat aaqqiissutissallu suussusii Inuit arnartaannit namminernit erseqqissumik nalunaarsorneqarput takussutissiorneqarlutillu allannguinnermut timitalim-mut tikkuussisuusunik.



Ass.: Arnajaraq Stølbæk

Aalajangersagaq 4 pillugu Suleqatigiissitat nalunaarutaat

Inuit Issittormiut Siunnersuisoqatigiiffiata 2022-mi Ataatsimeersuarnerani ICC-ip 2022-mi Ilulissanit Nalunaarutaani aalajangersagaq tulluuttooq akuersissutigineqarpoq:

“ICC peqquneqarpoq suleqatigiissitaliornikkut aqutseriaatsiminik nalilersueqqissasoq ICC-p suliai pillugit ammanerusumik ingerlatsinissaq, akuutitsinerunissaq akutitsinerunissarluni, aammalu naggueqatigiit Inuit pingaartitaat pillugit angusaqarnerusinnaaneq siunertaralugit.”

aalajangersagaq taanna piviusunngortinniarlugu aalaakaasumik sulisimapput. Qinigaaffiup ukiuani kingullermi Suleqatigiissitat sulipput ICC-p pillugu Isumaqatigiissuttip Malittarisassallu allanngortittariaqarsinnaanerit pillugu inassuteqaasiorlutik. Inassuteqaatit taakku immikkoortillugit saqqummiunneqassapput, nalunaarusiamili tassani saqqummiunneqassapput Ataatsimeersuarnermi peqqussutigineqartunut qisuariaatitu suut suliarineqarsimanersut kiisalu suleriaatsini suut allanngortinneqarsimanersut. ICC 2022-mi Ataatsimeersuarnerani ICC-p Siulersuisuuneri peqquneqarput “akornatsinni avammallu attaveqarnerit pitsanngorsarnerit nangeqqullugu, angusaqarfiusumik suleqatigiittuarnikkut kiisalu Circumpolar Waves podcast nangeqqullugu” kiisalu “ICC-p 2018-mi periusissiatut aalajangiussaa siulleq pitsanngorsaqqullugu, nunat tamalaat akornanni maannakkut periarfissat nalilersornerisigut, sunniiniarnitsinni amigaataasut suussuserseqqullugit kiisalu periusissiamik ataatsimoorfiusumik suleqatigiiffiusumillu ineriartortitseqqullugit.

Taavalu, 2022-mi ICC-ip Ilulissaniit Nalunaarutaatigut ICC-ip siulersuisuuneri peqquneqarput “(Nalliuttorsiuutigalugu) siuttussatut piukkussat tassaasoq inuusuttunik siuttussanik piukkunnarsaanermik imallip iluatsittumik ingerlanera, inuusuttut peqataanerulernerinik nassataqartoq inuusuttullu siuttooqataanissaannut iluitsutut inissittoq, sulinissami angusaqarfiuluartumillu toqqaannartumik suleqatigilernissaat aqutissiuunneqarmat,” kiisalu “Siuttunngortussat inassuteqaataasa ti-mitalernissaat, suliniutillu allat ataatsimoornermut, tapersersoqatigiinnermut, ataasiussutsimut pissutsinullu suliatinnut ilusilersuisunut, inuusuttullu naalakkersuinikkut sakkugineqarnerannut ussersartorsuutit akerlilersussallugit, neriorsuutigalugu.”

Qinigaaffimmi 2022-2026-mi Siulersuunerit naapillutik ataatsimiissinnaasannginnerat malunnaateqarpoq. ICC Chukotka ICC-mi Siulersuisuunerit Ataatsimiinnerinut najuukkiartorlutik angalasarniaratik aalajangersimapput kiisalu ICC-ip immikkoortortai arlallit aningaasassaqaarniarnikkut sulisussaqaarniarnikkullu ajornartorsiuteqarsimapput, ataatsimiinnerit ilaat najuuffittut attaveqaatitigullu peqataaffittut aaqqissuunneqartarsimapput. Matuma kinguliani ICC-ip Siulittaasuata kiisalu ICC-p Siulersuisuunerisa suliniutaat ingerlataallu nalunaarusiorneqassapput ICC-illu 2026-mi Ataatsimeersuarnerani aallartitanut paasissutissiissutigineqassallutik.

Suleqateqarnermik, Ammassusermik Akuutitsinermillu pitsanngorsaaneq

ICC-ip 2022-mi Ilulissaniit Nalunaarutaatigut ICC-ip Siulersuisuuneri peqquneqarput ICC-mi aqutseriaaseq nalilersoqqulluigu taavalu aqutseriaaseq annerusumik oqartussaaqataaffiusunngorlugu allanngortitaq pillugu inassuteqaasioqqullugit, attaveqarnermik pitsanngorsaqqullugit, ammanerulersitseqqullugit aammalu sumiiffiit tamaasa eqqarsaatigalugit akuutitsiviunerulersitseqqullugit. ICC-ip ilumini aalajangisarnikkut aaqqissugaaneramik allannguiffiusussamik Siulersuisuunerit ICC pillugu Isumaqatigiissummi imaluunniit Malittarisassatigut allannguutissanik siunnersuuteqarsimanngillat. Taarsiullugu qinigaaffiup ingerlanerani ICC-ip immikkoortortaqaafiisa annerusumik peqataatinneqartalernissaat Siulersuisuunerit ulluinnarni suleriaatsiminnut ilanngunniarsimavaat.

ICC-p 2022-mi Ataatsimeersuarnerani suliaassiissutigineqartoq malikkumallugu ICC-ip Siulersuisuunerisa politikkinik suniilluunniit suliaqarnialernerminni, allagaqaasiornialernerminni aammalu ataatsimiinnernik aaqqissuussinernillu piareersaanerminni ICC-ip 2022-mi Ilulissaniit Nalunaarutaa innersuussutigiuartarpaat najoqqutassarsiorfigisarlugulu.

Immikkoortortanit tamanit sapinngisamik annerpaamik peqataatitsinissaq anguniarlugu Siulersuisuunerit ukiumut marloriarlutik ataatsimiittussaanerisa akornisigut Siulittaasup Allaffianiit Siulersuisuunernut sianertarnerit aaqqissuunneqarput. Siulersuisuunernut sianertarnerit amerlanertigut oqaluuserisanut aalajangersimasunut sammisarput, kiisalu nunat tamalaat akornanni ataatsimeeqataanissanut piareersarnermut atatillugu pisarlutik kiisalu isummernissat politikkissallu oqaluuserineqarnerini aamma.

Suliassani aalajangersimasuni isumaqatigiinniarnernilu isummiussanik allaaserinninniartoqartillugu ICC-ip isumaasa politikkiisalu ersarissuunissaat Siulersuisuunernit anguniarneqartarpoq, ICC-ip iluani aammalu Inuit Nunaanni erseqqissumik nalunaarutineqartarlutik kiisalu tusagassiorfinnut suleqatinullu avammut nalunaarutiginarneqartarlutik.

2022-mi ICC Canada Toqqortaasivimmik pilersitsinissamut aningaasannappoq ICC-ip Inuit sinnerlugit pingaarutilimmik sulinerata oqaluttuassartaa pissarsiarineqarsinnaanngortikkumallugu. Toqqortaatsinnik ajornannginnerusumik pissarsinnaalernikkut suliassa qarfinni tamani sulinerput oqinnerulerpoq. Ukiuni 50-ini toqqortaatigilersimasat aaqqissornissaat pissarsiarineqarsinnaanngortinneqarnissaallu suli suliassarujussuuvoq, kisiannili suut toqqortaatigineqarnerinik nalu naarsuiffik, aammalu allaaserisat qarasaasiamut toqqortikkat amerlasoorujussuit, assit, videot kiisalu nipitut immiussat Toqqortaasiviup nittartagaani nassaassaapput: (<https://iccc-archives.andornot.net/>).

Attaveqarnermik pitsanngorsaaneq

ICC-ip 2022-mi Ataatsimeersuarnerani uppersaqqinneqarpoq “ICC-ip siunertarigaa Inoqatitta Issittumiittut ataasiunerat nukittorsassallugu aammalu pisinnaatitaaffitta soqutigisattalu Inuit Issittormiut sinnerlugit nunat tamalaat akornanni siuarsassallugit.” Inuit ataatsimoorlutik nipaattut ICC-ip Inuit Nunaanni tamarmi Inunnut kattuffiulluni nunat tamalaat akornanni suliniaqatigiiffiunini nukittoqutigisarpaa, tamannalu tassaavoq sulinerput pillugu ICC avammut ersersikkumasartagaa. Aamma, ICC-p 2022-mi Ataatsimeersuarnerani ICC peqquneqarpoq “akornatsinni avammallu attaveqarnerit pitsanngorsarnerat nangeqqullugu, angusaqarfiusumik suleqatigiittuarnikkut.” Ammasumik sulineq siuarsarumallugu aammalu suliaut pillugit paasissutissanik siammaasarnissaq siunertarlugu kattuffiup iluani aammalu avammut attaveqartarnerup nukittorsarnissaanut ICC imminut pisussaaffilerpoq.

Taamaammat ICC-ip Siulersuisuuneri attaveqarnek pillugu allakkianik nutaanik marlunnik ICC-p immikkoortortaasa akornanni attaveqarnermi assiigiimmik periaaseqarnissamik najoqqutassiorfiusumik naammassisaqarniarlutik sulisimapput.

ICC-p Attaveqarnermut Malittaruagassatigut avammut kattuffiullu iluani attaveqarnermi najoqqutassat aalajangersarneqarput, atortut suut atorneqassanersut suleriaatsillu erseqqissut tunniunneqarlutik kiisalu tusagassiorfinnut nalunaaruteqarnermi attaveqarnermilu alloriarnerit suut atorneqassanersut ilitersuusiorneqarlutik. Maleruagassatiguttaaq pisuni annertuuni inuillu attaveqatigiiffiunut attaveqarnek sammineqarpoq.

ICC-ip Ilisimarnaataa pillugu Najoqqutassiatigut ICC-ip ilisimarnaataa atornissaanut sakkussat nutaat tunniunneqarput, aamma qalipaait pingaarnert pingaannginnerillu atornissaat, titartagartaliorneq allagartalersuinerlu eqqarsaatigalugit. Tassuuna oqaluttuarineqarpoq ICC inussiarnersumik nipeqassammat, ilisarnassammat, ataqqinnissammat aammalu ilisimasaqarpalussammat. Tamatuma saniatigut Siulersuisuunerit ‘uagut pilluta’ allaaserisamik nutaamik suliaqarput ICC-ip tusagassiorfinnut nalunaaruteqartarnerani assiigiimmik atorneqartartussamik, kiisalu ‘ICC-p oqaluttuassartaa’ pillugu allaaserisag nutaag kiisalu ICC-p anguniagai, ICC-ip inuit attaveqatigiiffiini allanilu assiigiamik atortagassai.

Allakkiaat nutaat marluk ICC-ip siuttuinut allaffiinullu atortussatsialaapput kiisalu ICC-ip Inoqarfinnit tamanit ataqatigiinnerusumik attaveqarnissaanut tunngaviliisuullutik. Attaveqarnermi atortussat marluk taakku ICC-ip nittartagaani kattuffiup iluani avammullu atugassanngorlugit nassaassaapput.

Inerniliineq

2022-miit 2026-mut qinigaaffik naalermat ukiut sisamat qaangiuttut atorsimasavut kingumut qiviarpavut. Ukiuni taakkunani aporfiit amerlaqisut, Inuit Nunaanni ataasiuinitisinnik aseruisinnaasimagaluit suleqatigiinnermullu piumassusitsinnik aseruisinnaasimagaluit Inuusugut aqqusaarsimavavut. Pissaanilissuit aammaarlutik pissaaneqarniutlernerat takuarput, taavalu ukiut 50-ingajaat matuma siorna 1977-imi Inuit Issittormiut Siunnersuisoqatigiiffiata pilersinneqarnerata nalaani-sulli killeqarfiit Inoqarfinnik avissaartitsisut pitarlugit angalasinnaatitaaneq angalarusunnerlu ilungersunartorsiorfiulersi-mapput. Taamaattorli ICC kiisalu Inuit nikallujaassuserminnik takutitsisimapput. Inuttut ataasiussuserput attatissallugu aalajangiusimavarput, attaveqatigiinnivut sulivallu uummarissartuarpavut, neriorsuut ICC pilersinneqarmat tunniussaa-soq attattuarpavut.

Taamaammat 2022-miit 2026-mut angusatsinnik takutitsissagutta ICC-p pingaarnertut suna ilisarnaatigisimaneraa paat-suugassaanngilaq: Naggueqatigiittut Inuttut ataatsimoortuatuuvugut. Peqatigiilluta aqquutit atorumasavut isummavullu allaganngorlugit saqqummiuttarpavut, ataatsimoorluta piareersarlutalu periussissiortarpugut, taavalu Siulersuisuunerit Inoqarfinnut tamavinnut sinniisuusut isumaqatigiillutik aalajangiisarnissaat anguniartuarsimavarput. Taamaallutalu inuiat-tut ataasiusutut, Inuttut, nunarsuarmi suleqatigiiffinni aalajangiinernut peqataasinnaatitaanerput atortarsimavarput peqa-taasarsimallutalu.

Sulianik nalunaarusiami matumani oqaatigineqartutut Siulersuisuunerit maanna tunualersut ukiuni sisamani kingullerni nunat inoqqaamioriit nunallu tamalaat suleqatigiinnerini amerlaqisuni Inuit sunniuteqarnissaannik, suleqatigiinnissamik kajumissaarinissaannik pilersitsinissaannillu ilungersuuteqartarsimapput. Nalunaarusiap matuma inernilerneqarnerani makku immikkut isiginiagassaapput:


ICC-mit ilungersuutigaarput Issittumi Siunnersuisoqatigiinni suleqatigiinnerup naalagaaffiit arfineq-pingasut Issittumiittut ataavartumillu peqataasartut arfinillit peqataaffigisaanik ingerlaqqissasoq. Aqqummi persuanartulimmi ICC timitalimmik suleqataavoq, eqqisseqatigiinnerup, patajaassutsip suleqatigiinnerullu Issittumi suleqatigiinnermi qitiunissaanik ilunger-suuteqarluni, aammalu nunarsuup avannaani najukkatsinni Issittumi Siunnersuisoqatigiit suleqatigiiffittut sallerisaanis-saannik piumasaqarluni.

Issittumi Nunat Inoqqaavisa akornannni suleqatigiinnermut, aamma Issittumi Siunnersuisoqatigiit pilersinneqarnerannut, tunngaviliisumik ataatsimeersuarnerit siullersaannit ukiut 50-inngornerannik malunnartitsilluni ICC Issittormiut Ataatsi-meersuarnerannik eqqaaniutaasumik oqaluttuarisaanikkullu immikkoorutilimmik katersuutsitsivoq.

Imarsiorneq pillugu Suleqatigiiffissuarmi (IMO) Ataavartumik Tusarniaavigisartakkatut ICC inissippoq, nunarsuup avan-naani najugarisatsinni imaatigut angallannerup aqunneqarnerani siumut isigaluni sunniuteqarnissamut Nunat Inoqqaavisa Suliniaqatigiiffiini siullersaalluni taama alloriaateqarluni.

Inuit Arnartaannik Ataatsimeersuartsilluni Inuit arnartaasa niviarsiarartaasalu pisinnaatitaaffiisa nittersaanneqarnissaan-nik illersorneqarnissaannillu ICC tikkuavoq, taamaaliornerninilu sammisat ilungersunartut, soorlu inuiaqatigiit akornanni sakkortuuliortarneq nunasiaanerullu kingunipilui isiginiarneqalersippai, taavalu siunissamut aqqitassanik tikkuartuivoq Inuit Arnartaasa Ataatsimeersuarnerannit Nalunaarutikkut inassuteqaatini aqqutigalugit.

Minnerunngitsumillu, ICC Inuit nipaannik nunat tamalaat tusagassiorfiini katersuuffigisartagaannilu saqqummiussisartuu-voq, nunarsuullu immikkoortuata najukkatta, nunagisatta pisuussutittalu isiginiarneqarnerujussuinut qisuariaateqartarluni.



Inuit sumiluunniit najugaqaralarunik imminnut tunngasunik aalajangiisinnaassuseqartitaanissaat malartitassaanata aalajangiusimavarput. Taamaaliornitsigut naalagaaffiit soqutigisaannit avissaartitaanissarput assortorsimavarput, imaluunniit nunagisatsinni eqqaanilu ineriartortitsinermut isiginnaartuuginnarumannginnerput ersersittarlugu.

ICC tassaajuarsinnarpoq Inuit nunat tamalaat akornanni suleqatigiiffiat siumut isigisoq – Inuit pisinnaatitaaffiini suugalunik pingaartitsilluni nunat tamalaat akornanni suliniuteqarnissamut Inuit tamarmik sakkussarisaat.

